

春秋传

刘敞

文硕阁

wenshuoge.com

目录

关于我们	3
提要	5
原序	6
卷一	7
卷二	11
卷三	16
卷四	20
卷五	25
卷六	30
卷七	36
卷八	42
卷九	47
卷十	52
卷十一	56
卷十二	61
卷十三	65
卷十四	69
卷十五	73

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望可以帮助有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

钦定四库全书 经部五

春秋传 春秋类

提要

【臣】等谨案春秋传十五卷宋刘敞撰敞所作春秋权衡及意林宋时即有刊本此 则诸家藏弃皆写本相 近时通志堂刻入经解始有板本故论者或疑其伪然核其议论体裁与敞所着他书一一脗合非后人所能赝作也其书皆节录三 事迹断以己意其褒贬义例多取诸公羊谷梁如以庄公围郕师还为仁义以公孙宁仪行父为有存国之功以晋杀先穀为疾过以九月用郊为用人而赵鞅入晋阳以叛一条尚沿三 以地正国之谬皆不免于胶固其经文杂用三 不主一家每以经传连书不复区画颇病混淆又好减损三 字句往往改窜失真如左传惜也越竟乃免句后人本疑非孔子之言敞改为讨贼则免而仍以孔子曰三字冠之殊为踳驳考黄伯思东观余论称考正书武成实始于敞则宋代改经之 敞导其先宜其视改 为固然矣然论其大致则得经意者为多盖北宋以来出新意解春秋者自孙复与敞始复沼啖赵之余波几于尽废三 敞则不尽从 亦不尽废 故所训释为远胜于复焉乾隆四十六年十月恭校上

总纂官臣【臣】纪昀【臣】陆锡熊【臣】孙士毅

总校官【臣】陆费墀

原序

春秋传原序

石林叶氏谓庆历间欧阳文忠公以文章擅天下世莫敢抗衡刘原父虽出其后以通经传学自许文忠亦以是推之作五代史新唐书凡例多问春秋于原父又曰原父为春秋知经而不废传亦不尽泥传据义攷例以折衷之经传更相明虽间有未然而渊源已正今学者治经不精而苏孙之学近而易明故皆信之而刘以难入或诋以为用意太过出于穿凿彼盖不知经无怪其然也石林所谓苏孙盖指子由莘老也晁公武谓刘氏传如桓无王季友卒胥命用郊之类皆古人所未言诸公之推伏原父者若此今观权衡之作折衷三家旁引曲证以析经义真有权之无失轻重衡之得其平者传十五卷集众说而断以已见文类公谷独意林一编元吴莱谓多遗缺疑未脱藁之书然究而论之皆经学名书也宋四明史有之刊权衡意林于清江其本犹有传者传则出于录本人或以为非真观其文义与二书合疑非贋鼎故并刊之以传示学者

卷一

钦定四库全书

春秋传卷一

宋 刘敞 撰

隐公

元年春王正月传曰元始也正正也君即位必以正始言之加王为大受命也何言乎大受命王者受命于天诸侯受命于君曷为先言春而后言王王者法天也公何以不言即位成公意也何成乎公之意公故让国也公欲让国奈何隐公之与桓公皆惠公子也隐公长桓公幼惠公爱之欲使为嗣而不可则以命隐公隐公即位弗忍背也终将致国乎桓曰吾为子摄矣然则正乎不正不正则其言成之何将以恶桓也曰能以国让是非贤乎三月公及邾仪父盟于蔑仪父者何邾之君也何以名字也曷为称字附庸也附庸则何以称字诸侯称爵大夫称名贱者称人何如则谓之附庸公侯百里伯七十里子男五十里不及五十里附于诸侯曰附庸公九命侯伯七命子男五命附庸四命盟者何杀牲载书而约也防者何约信命事而不杀也盟曷为或言防或言及及直及也防又防也古者六岁而防十二岁而盟亟防非礼也亟盟亦非礼也夏五月郑伯克段于鄢克之者何戡之也戡之者何杀之也何以不言杀段有徒众非直杀一人者也段有徒众奈何郑武公夫人曰姜氏生庄公寤生及太叔段段多材而好勇夫人爱焉请于武公以为后不可武公死庄公立夫人请分国以封段段封于京缮甲治徒将以袭郑夫人将间之国人不义庄公伐诸京太叔出奔公退而杀诸鄢然则何以不言弟段不弟故不弟也讨贼者称人以杀之此杀有罪其称郑伯何杀世子母弟自君甚之也曷为甚之郑伯将封段祭仲谏曰无以为也都城过百雉国之害也故先王之制大都三国之一中都五国之一小都九国之一今京已侈侈必僭僭必乱若王制何庄公曰夫人欲之无所辟段使西鄙北鄙貳于已公子吕曰国不可貳貳则失民不如损之庄公曰吾姑候其毙焉古者不以私害公不以政假人不以小忍乱大谋庄公以私害公以政假人以小忍乱大谋昉乎段之乱郑者庄公为之也鄢郑地也其曰于鄢何于鄢远矣犹曰取之其母之怀中而杀之云尔秋七月天王使宰嚭来归惠公仲子之赍宰者何氏也嚭者名名也何以名上士也有上士有中士有下士上士三命中士再命下士一命惠公仲子者何惠公之母也母何以不称夫人妾母也其言惠公仲子何母以子贵也母以子贵者何庶子君为其母立庙使公子祭之于子祭于孙止赍者何车马曰赍衣衾曰襚贝玉曰含货财曰赙天王使宰嚭来归惠公仲子之赍何以书讥何讥尔妾母而天子赍之非正也九月及宋人盟于宿孰及之卑者之盟不志及之者公也公则曷为不言公耻与宋人盟也曷为耻与宋人盟大国之卿可以防小国之君小国之卿不可以防次国之君卑者孰谓下士也冬十有二月祭伯来祭伯者何寰内诸侯也祭邑也伯爵也天子上大夫也何以不称使朝也朝则何为不言朝不与朝也曷为不与内诸侯不外交外诸侯不内交有至尊在不貳之也公子益师卒传曰公子曰公子公子之子曰公孙公孙之子

以王父字为氏公子之尊视大夫大夫三命然后氏死则卒之公子益师卒正也

二年春公防戎于潜戎者何戎之君也曷为不以其君称之非周同盟也曷为非周同盟正朔不加礼乐不及朝聘不与东方曰夷南方曰蛮西方曰戎北方曰狄虽大皆曰子有故也然后着其名爵外之也曷为外之王者内京师而外诸夏内诸夏而外四裔公防戎于潜非正也夏五月莒人入向入者何入其国也无骇帅师入极无骇者何吾大夫也何以不氏再命也诸侯大国三卿皆命于天子次国三卿二卿命于天子小国三卿一卿命于天子大国之卿三命次国再命小国一命礼也曷为或言帅师或不言帅师将尊师众称某帅师将尊师少称将将卑师众称师将卑师少称人极者何国也秋八月庚辰公及戎盟于唐九月纪裂繻来迎女裂繻者何纪大夫也何以不称使不与纪侯使也曷为不与纪侯使逆女亲之者也使大夫非礼也哀公问曰冕而亲迎不已重乎孔子对曰合二姓之好以继先圣之后以为宗庙社稷主何谓已重乎女曷为或称女或称妇或称夫人女在其国称女在涂称妇入国称夫人冬十月伯姬归于纪妇人谓嫁曰归归于诸侯则爵同尊同则志纪子帛莒子盟于密子帛者何裂繻之字也何以字褒之也曷为褒之为其与莒子盟也与莒子盟则曷为褒之莒人鲁人相与有仇莒子将伐鲁裂繻知其谋也道与莒子言而平之莒子为是盟故若裂繻可谓忠矣大夫不忧诸侯此其为忠奈何昏姻之道也大夫在境外有可以尊国家利社稷则专之诸侯不专社稷十有二月乙卯夫人子氏薨夫人子氏者何隐公之母也何以不书葬不以夫人葬也何不为以夫人葬公欲不终为君亦不以子氏为夫人也亦不以子氏为夫人则其曰夫人子氏薨何臣子辞也郑人伐卫

三年春王二月己巳日有食之何以书记异也何异尔日有食之君避寝警奏鼓嗇夫驰庶人走以昭事神训民事君曷为或日或不日或言朔或不言朔史之记失也非史之记失则日有食之不得其正也正者何日有食之于朔正也不于朔失也失则春秋何以弗革弗可得革也春秋之作也孔子曰其事则齐桓晋其文则史其义则丘窃取之矣三月庚戌天王崩何以不书葬天子记崩不记葬其义举天下而葬一人不疑也诸侯记卒记葬有天子存不必得其时也曷为或言崩或言薨天子曰崩诸侯曰薨大夫曰卒士曰不禄夏四月辛卯尹氏卒尹氏者何天子之大夫也其称尹氏何贬曷为贬世卿也古者寰外诸侯嗣寰内诸侯禄外大夫不卒此何以卒尝主乎我也秋武氏子来求赙武氏子者何天子之大夫也其称武氏子何讥何讥尔父卒子未命也何以不称使非王命也曷为非王命当丧未君也嗣子定位于初丧则其曰未君何百官总已以听于冢宰三年武氏子来求赙何以书讥何讥尔丧事无求求赙非礼也盖通乎下归死者曰赙归生者曰赙归之者正也求之者非正也交讥之八月庚辰宋公和卒冬十有二月齐侯郑伯盟于石门何以书盟防之事告则书盟防之事曷为告则书常事不书非常则书盟防于春秋常也于王者非常也殷人作防而民始畔周人作誓而民始疑癸未葬宋穆公诸侯曷为或卒或不卒或葬或不葬卒自外录也葬自内录也不卒非外也不葬非内也葬者臣子之事也国灭不葬无臣子也君弑贼不讨不葬亦无臣子也

四年春王二月莒人伐杞取牟娄牟娄者何杞之邑也戊申卫州吁弑其君完州吁者何卫公子也何以不称公子公子虽贵非三命不氏公子之重视大夫夏公及宋公遇于清遇者何不期也宋公陈侯蔡人卫人伐郑秋翬帅师防宋公陈侯蔡人卫人伐郑曷为或防言伐或及言

伐防者聚辞也及者继辞也九月卫人杀州吁于濮传曰石碏杀之石碏杀之则其称人何讨贼之辞也卫庄公娶于齐曰庄姜无子其媵曰戴妫生桓公完完无宠州吁者嬖人之子也勇而好兵庄公爱之石碏谏曰古之爱子者教以义方弗纳于邪骄奢淫佚所自邪也四者之来宠禄过也夫宠而不骄骄而能降降而不憾憾而能已者寡与故不以贱妨贵不以少陵长不以小加大不以淫破义庄公弗听庄公死桓公立州吁弑桓公乃自立也于是州吁如陈石碏使告于陈曰卫国褊小老夫耄矣无能为也州吁实弑寡君敢即图之陈人为之执州吁而请蒞于卫卫人杀之于濮冬十有二月卫人立晋晋者何公子晋也立者何立者不宜立也其称人何众之所欲立也众之所欲立则其曰不宜立何众知晋之可以立不知立君之非众石碏知晋之得乎众可以为君不知立晋之非已是以谓之不宜立也

五年春公观鱼于棠何以书讥何讥尔观鱼非事也隐公将观鱼公子彊谏曰凡物不足以讲大事其材不足以备器用则君不举焉君者纳民于轨物者也讲事以度轨量谓之轨取材以章物采谓之物非此二者谓之乱政故春搜夏苗秋猕冬狩出而治兵入而振旅以考军实昭文章明贵贱辨等列顺少长习威仪而已矣鸟兽之肉不登于俎皮革齿牙骨角毛羽不登于器则公不射也若夫山林川泽之实器用之资皂之事官司之守君所不及焉隐公弗听棠者何齐上之邑也夏四月葬卫桓公秋卫师入郕九月考仲子之宫考宫者何成宫而祭也仲子者何惠公之母也何以不言惠公仲子内外辞也考仲子之宫正乎不正乎庶子君为其母庙使公子祭之于子祭于孙止隐孙也而祭仲子非正也父卒而后为祖后者为祖母三年仲子不得祭于子而祭于孙亡乎礼者之礼而可以义起者也五年而后庙盖天子命之初献六羽六羽何六佾也献之者何舞之于仲子之宫也其言初何自是始僭也孰僭僭诸公也天子八佾诸公六佾诸侯四佾鲁祭周公用八佾祭鲁公用六佾祭羣公用四佾初献六羽以其可言言之也其不可言讳也考仲子之宫将万焉有司疑公问羽数于众仲众仲对曰天子八佾诸侯六佾大夫四士二夫舞所以节八音行八风也故自八以下鲁人之行之六佾之僭自众仲始也邾人郑人伐宋螟何以书记灾也冬十有二月辛巳公子彊卒宋人伐郑围长葛

六年春郑人来输平输平者何输平犹致成也曷为致成为伐郑故致成也狐壤之战隐公获焉然则何致致祊田也致祊田矣何以不曰暨郑平犹未得乎与郑平也曷为未得乎与郑平郑人以口请之矣而未入也其曰来使人也其曰输有挟也平不言来输来输未得乎平也然则何以不曰郑人来输祊言平则祊见言祊则平不见夏五月辛酉公防齐侯盟于艾秋七月此无事何以书春秋虽无事者时过则书首时过则何以书春秋编年四时具然后为年冬宋人取长葛此郑长葛也曷为不系之郑疾之也曷为疾之更年而取邑贸矣非也

七年春王三月叔姬归于纪不言逆之者何也亲逆之也亲逆之则曷为不言亲逆之常事不书有非常然后书滕侯卒诸侯卒曷为或名或不名或赴以名或不赴以名诸侯曷为或赴以名或不赴以名赴以名礼也不赴以名非礼也天王崩赴以爵诸侯薨赴以名防盟朝聘之事存焉以慎终继世是故诸侯不生名夏城中丘中丘者何内之邑也何以书以重书也齐侯使其弟年来聘其称弟何母弟也母弟称弟母兄称兄诸侯之尊弟兄不得以属通其弟云者凡以重书也何重乎齐侯之弟古者年四十而仕五十而爵天下无生而贵者齐侯爱其弟未可爵而爵之亟交于诸侯卒之其子弑齐君而乱齐国是以君子重焉尔秋公伐邾冬天王使凡

伯来聘戎伐凡伯于楚丘以归国而曰伐此凡伯之身也其言伐何大天子之使也执以小而伐以大以一人当一国大天子之使也为天子使尊矣而屈卑乎戎狄可言伐不可言执是亦大天子之使也

八年春宋公卫侯遇于垂何以书接乎我也我未有接之也其曰接乎我何诸侯有过于我者虽无事为必以礼交之道也饩牵云乎刍米云乎垂者何吾近邑也三月郑伯使宛来归祊庚寅我入祊未有言我入者其曰我入祊何祊非我有也何言乎祊非我有王者制诸侯之地也有常郑不得与诸人鲁不得取诸人平者义也入祊者利也不正其以利为义夫苟以利为义者亦必以利废义君子耻之夏六月己亥蔡侯考父卒辛亥宿男卒秋七月庚午宋公齐侯卫侯盟于瓦屋八月葬蔡宣公九月辛卯公及莒人盟于浮来莒人微者也公曷为与乎莒之微者而盟公欲之也何用见公欲之也公与大夫盟没公以其不没公知其欲之也非公之轻南面而下与大夫盟也螟冬十有二月无骇卒

九年春天王使南季来聘南者何氏也季者何字也何为字下大夫也天子之下大夫四命聘者何问也诸侯时朝乎天子以致敬也天子时聘乎诸侯以致爱也聘礼受于庙北面再拜稽首朝何以不书而聘何以书朝者常也聘者不常也三月癸酉大雨震电何以书记异也何异尔不时也庚辰大雨雪何以书记异也何异尔俶甚也挟卒挟者何吾大夫也曷为或卒或不卒正大夫也则卒之非正大夫也则不卒之公子翬如齐逆女亦正大夫也何以不卒贬曷为贬与弑公也其与弑公奈何隐公将致国乎桓公子翬谄乎隐公谓隐公曰百姓安子诸侯说子曷终为君矣隐公曰不可吾既许之反国焉吾立于此徒摄而已矣吾营菟裘之地而归老焉公子翬恐其言若闻乎桓者于是谓桓曰吾已为子尝君矣君不反国也盍求之乎自是相与谋而弑隐公夏城郎秋七月冬公防齐侯于防

十年春王二月公防齐侯郑伯于中丘夏翬帅师防齐人郑人伐宋六月壬戌公败宋师于菅曷为或言战或不言战皆陈曰战诈战曰败辛未取郕辛巳取防秋宋人卫人入郑宋人蔡人卫人伐戴郑伯伐取之戴者何附庸之国也何用知其附庸之国也以其不言灭之而言取之曷为不言灭之而言取之附庸者不成国也灭国曰灭取附庸曰取其言郑伯伐取之何甚之之辞也利人之暴乘人之危是以无亲于天子冬十月壬午齐人郑人入郕

十有一年春滕侯薛侯来朝其言朝何王者之制诸侯歳相问殷相聘世相朝其兼言之何讥何讥尔旅见也非天子不旅见诸侯诸侯相旅见非礼也朝者考礼正刑一德以尊天子也不得有德而朝之虽不旅见亦非礼也夏公防郑伯于时来秋七月壬午公及齐侯郑伯入许冬十有一月壬辰公薨何以不地弑也弑则何以不言弑不忍言也臣弑君凡在官者杀无赦子弑父凡在官者杀无赦以为人道所未有也人道所未有是以不忍言也何以不书葬贼未讨也贼未讨则何以不书葬君弑臣讨贼犹亲弑子复讎也讎不复则不葬不葬则服不除寝苫枕戈所以明为臣子也葬者臣子之终事也其义未终故不敢以急葬也

春秋传卷一

卷二

钦定四库全书

春秋传卷二

宋 刘敞 撰

桓公

元年春王正月公即位继弑君不言即位此其言即何如其意也三月公防郑伯于垂郑伯以璧假许田其言假之何易之也易之则曷为谓之假为恭也曷为为恭有天子存则诸侯不得专地也许田者何鲁汤沐之邑也方伯时朝乎天子天子必赐之汤沐之邑于县内视元士鲁非方伯也其谓之方伯何自陝而东者周公主之自陝而西者召公主之许田之为鲁自周公始焉易之者我也使其辞若自郑出然是亦为之讳也此蓋邑也其称田何田多邑少称田邑多田少称邑夏四月丁未公及郑伯盟于越秋大水何以书记灾也冬十月二年春王正月戊申宋督弑其君与夷及其大夫孔父及者何累也弑君多矣舍此无累者乎曰有仇牧荀息皆累也舍仇牧荀息无累者乎曰有有则此何以书贤也何贤乎孔父孔父可谓处命不渝矣孔父之处命不渝奈何宋宣公舍与夷而让穆公穆公将死召大司马孔父而属之曰先君舍其子以命寡人寡人不敢忘苟以大夫之灵得保首领以没于地先君若问与夷也其将何辞以对大夫其奉之以主社稷矣孔父复曰羣臣皆愿奉冯也穆公曰不可先君以寡人为贤使主社稷若弃德不让是废先君之举矣岂曰能贤逐其太子冯出居于郑曰尔为吾子生母相见死母相哭穆公死殇公立殇公好战十年而十二战国人苦之督将弑殇公以纳冯孔父生而存则殇公不可得而弑也故于是先攻孔父之家殇公知孔父死已必死趋而救之皆死焉孔父之智则众孔父之忠则尽矣托六尺之孤寄百里之命知必死而不避孔父可谓处命不渝矣春秋贤者不名孔父者所贤也则其名之何父前子名君前臣名滕子来朝三月公防齐侯陈侯郑伯于稷以成宋乱成之者何成之者平之也平之则曷为不言平之保人之贼私人之赂制人之上下谓之成乱则可谓之平乱则不可夏四月取郕大鼎于宋此取之宋其谓之郕大鼎何郕所守之大鼎也武王克商封诸侯班宗彝以为子孙藏郕以不义失之宋以不义得之虽久非其有也故谓之郕大鼎戊申纳于太庙何以书议何讥尔遂乱受赂纳于太庙非礼也臧哀伯諫曰君人者将昭德塞违以临照百官犹惧或失之故昭令德以示子孙是以清庙茅屋大路越席大羹不致粢食不啗昭其俭也衮冕黻珽带裳幅舄衡紞纁紼昭其度也藻率鞞鞶厉游纓昭其数也火龙黼黻昭其文也五色比象昭其物也锡鸾和铃昭其声也三辰旂旗昭其明也夫德俭而有度登降有数文物以纪之声明以 之以临照百官百官于是戒惧而不敢易纪律今灭德立违又取其赂器以纳于太庙明示百官百官象之其可诛乎桓公弗听秋七月纪侯来朝蔡侯郑伯防于邓九月入杞公及戎盟于唐冬公至自唐曷为或致或不致致礼也不致非礼也致何以礼不致何以非礼君行必告于庙反必奠而后入上下同之

三年春正月公防齐侯于嬴何以不书王桓无王也桓何以无王桓不受命于王也诸侯丧毕以士服见天子未受命不敢服其服也已见天子赐之黻冕圭璧然后服归设奠于祖庙然后临诸臣桓内弑其君外成人之乱弱天子而不受命则固无王也不书王见不受命也不受命虽久不得为诸侯君子贱之二年有王未毕丧也夏齐侯卫侯胥命于蒲胥命者何相命也何言乎相命古者有方伯有州牧有卒正有连率命于天子正也诸侯自相命非正也齐太公之后东州之侯也卫康叔之后北州之侯也以事相命也六月公防杞侯于郕秋七月壬辰朔日有食之既既者何尽也公子翬如齐逆女九月齐侯送姜氏于讙何以书讥何讥尔送女者父不下堂母不出祭门兄弟庶母不出阙门父命之曰戒之敬之夙夜毋违命母施衿结帨曰勉之敬之夙夜毋违宫事庶母施鞶申之曰敬恭听宗尔父母之言夙夜毋愆视诸衿鞶送女越竟非礼也此入国矣何以不称夫人未见庙犹未入国也公防齐侯于讙夫人姜氏至自齐翬何以不致公亲受之于齐侯也冬齐侯使其弟年来聘有年有年何以书以喜书也何喜乎有年六谷皆登为有年

四年春正月公狩于郎狩者何田狩也春曰搜夏曰苗秋曰猕冬曰狩常事不书此何以书非其时书非其地书四时曷为必田狩春教振旅辨鼓铎火弊以献社夏教芟舍辨号名车弊以献禘秋教治兵辨旗物罗弊以献祫冬教大阅总军实徒弊以献烝夏天王使宰渠伯纠来聘宰者何官也天子之宰也天子之宰通乎天下渠伯者何爵也纠者何名也天子大夫不名其曰宰渠伯纠何讥何讥尔桓内弑君外成人之乱又不受命王弗能讨也而聘之是崇乱也参讥之

五年春正月甲戌此无事何以无无闻焉尔或曰陈侯之弟佗杀陈世子免云称阙也已丑陈侯鲍卒夏齐侯郑伯如纪外相如不书此何以书疾之也曷为疾之齐侯郑伯将袭纪以朝往焉纪人知之然后以朝反如者朝辞也尊不朝乎卑大不朝乎小强不朝乎弱不正其为诈以图人之国使若诚朝然疾之也天王使仍叔之子来聘仍叔之子者何犹曰仍叔之子云尔爵人以其德也禄人以其能也天下之公也王者不以爱害公葬陈桓公城祝丘秋蔡人卫人陈人从王伐郑其言从王伐郑何从王正也大雩雩者何旱祭也其言大何大雩非诸侯之雩也曷为非诸侯之雩天子雩主上帝诸侯雩主星辰山川鲁王礼也祀上帝鲁何以王礼昔者武王崩成王幼周公相成王摄天子七年制礼作乐颁度量而天下大服成王嘉之以周公为有勋劳故赐之大祭祀天子礼乐以广鲁于天下然则礼与曰非礼也天子祭天诸侯祭土诸侯祭土者唯王者后焉曷为或言雩或言旱或旱而雩或旱而不雩旱而雩礼也旱而不雩非礼也雩而雨则言雩雩而不雨则不言雩螽何以书记灾也冬州公如曹州公者何寰内诸侯也外相如不书此何以书过我则何以书接焉尔

六年春正月寔来寔来者孰谓谓州公也曷为不曰州公来简之也曷为简之受命而如曹废命而涂鲁来者来朝也不言朝不与朝也大夫以君命出言不宿丧不奔死不反公事无私敬交讥之夏四月公防纪侯于成秋八月壬午大阅何以书讥何讥尔不时也大阅之礼虞人莱野百步一表以旗致民选车徒命旗物辨鼓铎防器械三鼓而行三鼓而趋三鼓而走不用命者杀无赦置旌以为左右和车徒叙和表貉获禽不越遂不面伤大兽公之小兽私之冬事也秋兴之非正也厉农甚矣蔡人杀陈佗称人以杀何讨贼之辞也此蔡人也其以讨贼言之何

与之也曷为与之上无天子下无方伯天下诸侯有为无道孽乱宗贱害贵者义能讨之则讨之可也九月丁卯子同生子同生者何谓谓庄公也何以书贵也何贵尔世子也古者世子生告于君接以太牢宰掌具三日卜士负之吉者宿齐朝服寝门外诗负之射人以桑弧蓬矢六射天地四方保受乃负之宰醴负子赐以束帛卜士之妻大夫之妾使食之三月而名之遂以名告于宗庙社稷山川大夫士之子不敢与世子同名世子生之礼也此世子也其不曰世子何天下无生而贵者誓于天子然后为世子冬纪侯来朝

七年春二月己亥焚咸丘焚咸丘者何以火田也以火田则其曰焚咸丘何火田而咸丘焚也何以书讥何讥尔焚咸丘疾矣夏谷伯绥来朝邓侯吾离来朝此同时其特言之何同时而特言之者特见之者也何以名贬曷为贬用夷礼也

八年春正月己卯烝烝者何冬祭也春曰祠夏曰禴秋曰尝冬曰烝常事不书此何以书讥何讥尔讥亟也亟则黷黷则不敬踈则怠怠则忘君子之祭也敬而不黷思而不怠此未有言烝者其谓之亟何以夏五月为亟也天王使家父来聘夏五月丁丑烝秋伐邾冬十月雨雪何以书记异也何异尔不时也祭公来遂逆王后于纪祭公者何天子之三公也何以不言使不予天子之使祭公也曷为不予天子之使祭公三公者父师之任也坐而论道使三公以逆女非正也祭公逆王后于纪则曷为来由乎我使我主其礼也曷为使我主其礼昏姻之事必有嘉让之辞焉太上无敌不可以质惟诸侯同姓者主之遂者何生事也大夫无遂事遂而非礼非也此其为非礼奈何使我主之纪有成矣自是往逆也九年春纪季姜归于京师其言季姜何未可以称王后也称王后矣曷为未可以称王后自往者言之王者无舛王命之斯后矣自来者言之王虽有命未见宗庙则不敢处也不敢处恭也京师者何天子之居也京者何大也师者何众也天子之居必以众大之辞言之夏四月秋七月冬曹伯使其世子射姑来朝诸侯相见曰朝此世子也其言朝何参讥之曷为参讥之世子子也伉诸侯之礼而来朝曹伯失正矣朝之礼以待人父待人之子内失正矣曹伯失正内失正世子可以已矣则是故命也尸子曰夫已乎多道

十年春王正月桓无王其曰王何也存公也何谓存公三朝之节也古者有侯服有甸服有男服有采服有卫服侯服一歲一见甸服二歲一见男服三歲一见采服四歲一见卫服五歲一见鲁采服也古者一不朝则贬其爵再不朝则削其地三不朝则六师移之桓非受命之君也三不朝矣其曰王存公也庚申曹伯终生卒夏五月葬曹桓公秋公防卫侯于桃丘弗遇弗遇者何公不及遇也公不及遇者何公后防也曷为或言不或言弗不者正辞也弗者迁辞也君子之于言无所苟而已矣冬十有二月丙午齐侯卫侯郑伯来战于郎其言来战何来战者外为志乎战也何以不言师败绩战而不言师败绩者败在内也败在内则何以不言耻也十有一年春正月齐人卫人郑人盟于恶曹此大国也皆微者乎非微者也微者之盟不志非微者则其称人何大夫之交盟于中国自此始故贬之也盟防者君之礼也非臣之礼也大夫之交盟于中国众矣何为独贬乎此尽贬之则不可胜贬故于其始一贬焉其余从同同夏五月癸未郑伯寤生卒秋七月葬郑庄公九月宋人执郑祭仲曷为或称人以执或称侯以执称侯以执者伯讨也称人以执者非伯讨也宋人执郑祭仲其为非伯讨奈何郑庄公娶于邓生太子曰忽又娶于宋生庶子曰突祭仲者郑之相也庄公死太子即位宋公诱祭仲而执之曰为我

出忽而立突不然则死祭仲许之出忽而立突突归于郑此郑突也曷为不系之郑贬曷为贬郑非突之所可号归非突之所可名归非突之所可名则其曰突归于郑何病祭仲也祭仲之为人臣也处则不能守出则不能权贪生而好势废正以立乱曰突归于郑者见突之挈乎祭仲者也归者顺辞也有易辞焉非所顺而书归易也入者逆辞也有难辞焉非所逆而书入难也突之易见祭仲之挈也交恶之郑忽出奔卫此郑子也何以名贬曷为贬忽不予也忽不予者何遠君子近小人不能与贤者图事权臣擅命放乎五世乱郑者忽失为子之道也柔防宋公陈侯蔡叔盟于折柔者何内大夫也公防宋公于夫钟冬十有二月公防宋公于阙

十有二年春正月夏六月壬寅公防杞侯莒子盟于曲池秋七月丁亥公防宋公燕人盟于谷丘传曰燕南燕也八月壬辰陈侯跃卒公防宋公于虚冬十有一月公防宋公于 丙戌公防郑伯盟于武父丙戌卫侯晋卒曷为再曰春秋故史也有所不革子曰其事则齐桓晋文其文则史其义则丘窃取之矣十有二月及郑师伐宋丁未战于宋孰及之公也战者曷为或言公或不言公战而胜则言公言败战而不胜则不言公不言败战而敌则言公而不言败此战也其言伐何辟嫌也恶乎嫌嫌与郑人战也

十有三年春二月公防纪侯郑伯己巳及齐侯宋公卫侯燕人战何以不地地国也燕人者燕师也其称人何贬曷为贬燕非防盟之侯也卖信而怙怨是乱而已矣蓋自是国非其国也齐师宋师卫师燕师败绩三月葬卫宣公葬自内録也君子怨不弃义怒不废礼恶不忘亲夏大水秋七月冬十月

十有四年春正月公防郑伯于曹无冰何以书记异也夏五郑伯使其弟语来盟夏五何以不益疑也春秋信以传信疑以传疑秋八月壬申御廩灾御廩者何粢盛委积之所藏也天子亲耕千畝诸侯亲耕百畝以共粢盛王后亲蚕北郊夫人亲蚕西郊以共祭服国非无良农工女也以为以人之所尽事其祖祢不若以己所自亲者也灾者火也其谓之灾何也犹曰天戒之鬼神害之云尔乙亥尝何以书讥何讥尔不时也时为大顺次之体次之宜次之称次之冬十有二月丁巳齐侯禄父卒宋人以齐人蔡人卫人陈人伐郑以者何行其意也贵则行乎贱大则行乎小众则行乎寡此皆微者也其言以何宋公也宋公则其称人何贬曷为贬君之伐国者不斩祀不杀厉不堙井正之而已矣宋公伐郑残其郊牧焚其城郭隳其大宫取其椽以归为卢门之椽是暴而已矣大宫者何厉王之宫也厉王之宫郑恶乎得有之郑祖厉王而非礼之正也

十有五年春二月天王使家父来求车何以书讥何讥尔王者无求求车非礼也三月乙未天王崩夏四月己巳葬齐僖公五月郑伯突出奔蔡突何以名奔而名者见有君也忽未父则其曰有君何忽虽未入国固其国也郑世子忽复归于郑君存称世子君薨称子某君既没其称世子何君没而称世子者正疑乎不正君子与之继世焉世子犹世世子也曷为或言复归或不言复归复归有二道有诸侯之归有大夫之归诸侯归可言复大夫归不可言复诸侯何以可言复大夫何以不可言复诸侯世国故可以复大夫不世官故不可以复诸侯之言复者位未絶复可也大夫之言复者位絶矣复不可也诸侯位虽未絶归而不言复已絶者也大夫位虽已絶入而不言复未絶者也忽之为可复奈何正也许叔入于许许叔者何许公子也何以

字贤也何贤尔宜为君也宜为君则其称入何难也何难焉尔郑几灭之迫其乱而后能入也公防齐侯于艾邾人牟人葛人来朝此皆君也其称人何贬曷为贬诸侯旅见天子之礼也盖以为死天子而叛京师乃可以至焉秋九月郑伯突入于栎冬十有一月公防宋公卫侯陈侯于袤伐郑

十有六年春正月公防宋公蔡侯卫侯于曹夏四月公防宋公卫侯陈侯蔡侯伐郑传曰伐郑以纳突也伐郑以纳突则何以不曰纳郑伯于郑不与纳也曷为不与纳诸侯失国诸侯纳之正也有其实者居其名无其实者不得居其名有其名者享其功无其名者不得享其功纳突非正也秋七月公至自伐郑冬城向十有一月卫侯朔出奔齐朔何以名奔而名者见有君也孰君公子黔牟也公子黔牟曷为者也卫宣公之太子曰伋娶于齐而美宣公取之生寿及朔焉朔恶伋之为太子也构伋于公公使伋之齐而使盗待诸莘且杀之寿知而告之使行曰不可弃父之命恶用子矣有无父之国则可也寿于是载其旌以先盗杀寿既而伋至曰我之求也此何罪请杀我乎又杀之宣公死朔即位国人怨朔之杀二公子故于是逐朔而立黔牟

十有七年春正月丙辰公防齐侯纪侯盟于黄二月丙午公防邾仪父盟于雒夏五月丙午及齐师战于奚六月丁丑蔡侯封人卒秋八月蔡季自陈归于蔡蔡季者何蔡侯之弟也何以称字贤也何贤尔其去也以道其反也以礼公子不去国何贤乎季之去权也权者反于经而后有善焉行权有道自贬损以行权不害人以行权若季者道足以与权而不乱力足以得国而不居远而不携迹而不偏者也其言自陈何陈有力焉尔癸巳葬蔡桓侯葬者称公此其称爵何称爵礼也称公非礼也称爵何以礼称公何以非礼称爵者谏之于天子者也称公者非谏之于天子者也贱不谏贵幼不谏长天子崩谏于郊诸侯薨谏于王大夫卒谏于君生无爵者死无谥生有爵者死有谥孔子曰诸侯相谏非礼也及宋人卫人伐邾冬十月朔日有食之

十有八年春王正月公防齐侯于泺公夫人姜氏遂如齐何以不言及夫人伉也犹曰匹夫匹妇之相与云尔自祸之道也桓公既防齐侯于泺遂与夫人如齐申綸谏曰不可臣闻女有家男有室无相渎也谓之有礼易此必败君其舍夫人乎桓公弗听夫人果通于齐侯桓公知之谪而防之齐侯怒为是飨公既飨而出使公子彭生乘公擗而杀之竖曼曰彭生其免乎贤者死忠以振疑百姓寓焉智者究理而长虑身得免焉彭生贰于君无尽言而慢行以戏君使君失亲戚之礼命又力成其祸以构二国之怨祸理属焉夏四月丙子公薨于齐丁酉公之丧至自齐秋七月冬十有二月己丑葬我君桓公赋未讨何以书葬讨之矣未有言讨之者其曰讨之何桓公薨于车鲁人知彭生之为而莫知夫人之为也告于齐曰寡君畏君之威不敢宁居来修旧好礼成而不反无所归咎恶于诸侯请得彭生除之齐人杀彭生葬桓公桓公既葬三月鲁人徐知夫人之为也夫人惧自是走之齐

春秋传卷二

卷三

钦定四库全书

春秋传卷三

宋 刘敞 撰

庄公

元年春王正月公何以不言即位春秋君弑子不言即位君弑则子何以不言即位授受之道也先君不以其道终则子不忍即位焉先君不以其道终而子即位是无恩于先君也三月夫人孙于齐孙者何奔也内讳奔谓之孙夫人何以不称姜氏絕之也絕之奈何夫人与于弑者不可以入宗庙人之于天也以道受命于人也以言受命不若于道者天絕之也不若于言者人絕之也臣子大受命夏单伯逆王姬单伯者何孤也孤者曷谓谓附庸之君也附庸之君则曷为谓之孤附庸之君执人国者谓之孤曷为字之贵也何以不称使不与使也曷为不与使躬君弑于齐而使之主昏姻非礼也君子以其可辞而弗受也其弗辞而受以是为非礼也秋筑王姬之馆于外何以书讥何讥尔筑王姬之馆于外非礼也筑王姬之馆于外则何以非礼天子嫁女乎诸侯必使诸侯同姓者主之诸侯嫁女乎大夫必使大夫同姓者主之主嫁女者必自其庙仇雠之人非所以接昏姻也衰麻之服非所以接弁冕也如辞而已矣筑王姬之馆于外非礼也冬十月乙亥陈侯林卒王使荣叔来锡桓公命锡命者何命为诸侯也诸侯非受命则不成为君桓内弑其兄外不朝王终身不受非诸侯也故桓与王生不能讨死追命之非王义也故王无天桓无正王无天君子见法焉王姬归于齐不言逆之何亲逆之也亲逆之则何为不言亲逆之常事不书有非常然后书齐师迁纪郕郕郕郕者何纪之邑也

二年春王二月葬陈庄公夏公子庆父帅师伐于余丘于余丘者何国也秋七月齐王姬卒外夫人不卒此何以卒丧之也曷为丧之我主之故丧之齐告王姬之丧庄公为之大功姊妹之服也冬十有二月夫人姜氏防齐侯于禚何以书讥何讥尔妇人无外事送迎不出门见兄弟不过国妇人不事行未嫁从父既嫁从夫夫死从子夫人姜氏防齐侯于禚非礼也以公为不能防闲其母失子之道焉参讥之乙酉宋公冯卒

三年春王正月溺防齐师伐卫夏四月葬宋庄公五月葬桓王崩久矣曷为于此而葬慢也慢者何天子七月而葬同轨至诸侯五月而葬同盟至大夫三月而葬同位至士逾月而葬外姻至王崩曷为或言葬或不言葬葬自内録者也公亲防之则不言葬不言葬者常也公不亲防则言葬言葬者非常也葬天王大礼也曷为以常言之盖以为子事亲臣事君之道焉秋纪季以酈入于齐纪季者何纪侯之弟也何以不曰纪侯之弟言以酈为附庸于齐也纪季曷为以酈为附庸于齐齐将灭纪纪侯以道事之则不得免焉因不忍鬪其民也逡巡有去志纪季用是以酈入于齐复五庙焉然则予之乎予之也何用见其予之也其字而不名入而不畔是予

之也予之则其言入何难也何难焉尔析地以去国降志以事讎是非季之心也以宗国为寄矣冬公次于滑次者何止也曷为或以事书或不以事书以事书者止之以事者也不以事书者止之不以事者也君举于政师举于义止不以事者乱之道也

四年春王二月夫人姜氏享齐侯于祝丘享者何两君之礼也两君相见享于庙中夫人与在焉礼也非两君相见去其国而享诸侯非礼也为之名而已矣三月纪伯姬卒夏齐侯陈侯郑伯遇于垂纪侯大去其国大去其国者何出奔不复出奔不复则其曰大去其国何不使纪侯有奔之名也曷为不使纪侯有奔之名纪侯者仁人也不以其所用养人者害人以为虽太王之道不过焉然则纪灭乎纪灭矣灭则其不言灭何以其未至乎灭而去也已灭而失是逃也非大正之道也六月己丑齐侯葬纪伯姬灭国不葬纪已灭矣其言葬纪伯姬何以齐侯之葬之着焉也齐侯灭纪则曷为葬其夫人为说也葬臣子之事也斥言齐侯而葬伯姬甚贱之也然则其为说奈何曰逐人之君而取其国为非所为以求媚说者也秋七月冬公及齐人狩于禚齐人者何齐之微者也此齐之微者其言公及之何讥何讥尔非公之去南面而下与微者狩也

五年春王正月夏夫人姜氏如齐师秋郕犁来来朝郕者何小邾也小邾则曷为谓之郕未成国谓之郕既成国谓之小邾犁来者何其名也何以名贬曷为贬用夷礼也冬公防齐人宋人陈人蔡人伐卫传曰伐卫以纳朔也伐卫以纳朔则曷为不言纳卫侯朔不与纳也曷为不与纳诸侯失国诸侯纳之正也有其实者居其名无其实者不得居其名有其名者享其功无其名者不得享其功纳朔非正也纳朔何以非正天子命黔牟矣六年春王正月王人子突救卫王人者何微者也子突者何字也曷为字贵之也曷为贵之以其任之重贵之也任之重则曷为贵之诸侯乱命纳卫侯朔君子曰子突见正焉夏六月卫侯朔入于卫何以名绝曷为绝杀世子伋篡公子黔牟入者何逆辞也此复也何以不曰复复而言复者其可复者也复而不言复者道能复之不可复者也秋公至自伐卫螟冬齐人来归卫宝卫宝者何卫之宝也古者分同姓以宝玉展亲分异姓以远方之职贡使无忘服此卫之宝则齐人曷为来归之齐以不义取之卫以不义失之公之纳朔也力故齐人归于我也

七年春夫人姜氏防齐侯于防夏四月辛卯夜恒星不见夜中星陨如雨恒星者何列星也如雨者何如雨者非雨也非雨则曷为谓之如雨言众多不可为数也自上下者谓之陨自下上者谓之雨何以书记异也秋大水无麦苗曷为先言麦而后言苗麦苗同时麦成而先败也何以书记灾也冬夫人姜氏防齐侯于谷

八年春王正月师次于郎以俟陈人蔡人俟者何待也何待焉陈蔡将遇我而徼之也何以书讥何讥尔大国有攻伐之师小国有城守之兵不逆诈不亿不信过而徼之非义也甲午治兵治兵者何习战也出曰治兵入曰振旅常事不书此何以书讥何讥尔春而治兵不时也治兵以俟陈蔡也何以不言地国中则不言地何以不言公国中则不言公夏师及齐师围郕郕者何国也郕降于齐师降者何降之者何降者未失其国家者也降之者失其国家者也未失其国家者复见失其国家者不复见犹迁也秋师还未有言师还者此其曰师还何还者善辞也还者事已毕也何善焉师及齐师围郕郕降于齐师公子庆父怒请伐齐师庄公曰不可我实

不德齐师何罪罪我之由夏书曰皋陶迈种德德乃降黎民怀之修德而已矣令之还师故君子以其克己为仁不伐为义冬十有一月癸未齐无知弑其君诸儿九年春齐人杀无知传曰雍廩杀之雍廩杀之则其称人以杀之何讨贼之辞也齐僖公之弟年生公孙无知僖公爱之为其衣服礼秩皆如适及襄公绌无知无知怒襄公使连称管至父戍葵丘瓜时而往曰及瓜而代期戍公问不至请代弗许二人者大怒因无知以作乱襄公好田自贝丘而归贼从之入于公宫而弑之无知自立国人莫顺雍廩杀无知公及齐大夫盟于薳其言及齐大夫何盟纳子纠也盟纳子纠则何以不名其大夫公之纳子纠其所纳也若曰为齐大夫则可以纳也夏公伐齐纳纠此子纠也何以不曰子讳也曷为讳襄公之子也父母之仇弗与共天下昆弟之仇弗与共国君之仇视父母师弟之仇视昆弟然则其言纳何纳子纠宜也公纳之不宜也或问于孔子曰以德报怨何如孔子曰何以报德以直报怨以德报德齐小白入于齐其言入何逆辞也纠贵而小白贱也秋七月丁酉葬齐襄公八月庚申及齐师战于干时我师败绩内不言败此其言败何公佚获也战而大败公丧戎路传乘而归秦子梁子以公旗辟于下道盖仅然后免尔师败耻也佚获辱也耻可言辱不可言也九月齐人取子纠杀之其谓之子纠何贵也何贵焉宜为君者也齐人以兵加鲁曰子纠亲也请君讨之管仲召忽雠也请以戮于齐鲁人杀子纠此鲁人杀也则其曰齐人取之何甚齐侯也内私人之国而夺焉外败人之师而胁焉是取其子纠戮之而已矣冬浚洙洙者何水也浚之者何深之也曷为深之畏齐也

十年春王正月公败齐师于长勺二月公侵宋曷为或言侵或言伐无钟鼓曰侵有钟鼓曰伐侵浅事也伐精事也三月宋人迁宿迁者何迁之者何迁者其欲也迁之者非其欲也迁者其国家复见者也迁之者其国家不复见者也宿者何国也夏六月齐师宋师次于郎公败宋师于乘丘此次也其言败何讥之也何谓讥之齐师宋师次于郎未知其伐我与伐人与公子偃曰宋师不整击之胜无幸焉庄公从之自雩门出防马以虎皮而犯之大败宋师次者不以义胜者不以道交讥之九月荆败蔡师于莘以蔡侯献舞归荆者何楚也楚则曷为谓之荆荆者其自名者也楚者中国名之者也其不曰荆子何也外之也其外之者何中国有君有大夫盛德也荆楚无君无大夫则外之而已矣吴楚齐越以国称君以人称大夫略之也曷为略之有王者则后至无王者则先叛其礼与其号不可以通乎天下蔡侯献舞何以名绝曷为绝去位而虏也死社稷正也逃之罪也犹有耻焉虏贱甚矣冬十月齐师灭谭谭子奔莒何以不言出国已灭矣无所出也

十有一年春王正月夏五月戊寅公败宋师于鄆秋宋大水此宋大水也何以书吊焉尔主人告灾不告异诸侯吊灾不吊异告异则书之吊灾则书之宋大水公使吊焉曰天作淫雨害于粢盛若之何不吊主人对曰孤实不敬天降之灾又以为君忧拜命之辱臧文仲说是言也曰禹汤罪已其兴也勃焉桀纣罪人其亡也忽焉列国有凶而称孤者礼也言惧而名礼宋其庶乎冬王姬归于齐何以书我主之也我主之则曷为不言我主之常事不书必非常然后书

十有二年春王三月纪叔姬归于鄆此纪叔姬也其言归于鄆何顺纪季也何顺乎纪季言季之以鄆入于齐后纪而已矣夏四月秋八月甲午宋万弑其君防及其大夫仇牧及者何累也弑君多矣舍此无累者乎曰有孔父荀息皆累也舍孔父荀息无累者乎曰有有则此何以书贤也何贤乎仇牧仇牧可谓不畏彊御矣仇牧之不畏彊御奈何万尝与庄公战获乎庄公庄

公归散舍诸宫中数月然后归之归及为大夫于宋与闵公博妇人皆在侧万曰甚矣鲁侯之淑鲁侯之美也天下诸侯宜为君者唯鲁侯尔闵公矜此妇人妒其言顾曰此虜也尔虜焉故鲁侯之美恶乎至万怒搏闵公絕其脰仇牧闻君弑趋而至遇之于门手剑而叱之万臂擻仇牧碎其首仇牧之智则未仇牧之忠则尽矣疾其疾而忘其力忧其忧而忘其生仇牧可谓不畏彊御矣冬十月宋万出奔陈

十有三年春齐人宋人陈人蔡人邾人防于北杏此大国也皆微者乎非微者也微者之防不志然则其称人何大夫之交政于中国自此始故贬之也盟防者君之礼也非臣之礼也大夫之交政于中国众矣曷为独贬乎此尽贬之则不可胜贬故于其始一贬焉其余从同同夏六月齐人灭遂秋七月冬公防齐侯盟于柯十有四年春齐人陈人曹人伐宋夏单伯防伐宋其言防伐宋何往防之也秋七月荆入蔡冬单伯防齐侯宋公卫侯郑伯于鄆

十有五年春齐侯宋公陈侯卫侯郑伯防于鄆夏夫人姜氏如齐秋宋人齐人邾人伐郕宋其序齐上何主兵者也诸侯无专征有伯者在焉伯者之先诸侯专征也非伯者而先诸侯主兵也讥也此齐桓之师何以不得为伯者桓犹未成乎伯也郑人侵宋冬十月

十有六年春王正月夏宋人齐人卫人伐郑秋荆伐郑冬十有二月防齐侯宋公陈侯卫侯郑伯许男曹伯滑伯滕子同盟于幽同盟者何殷同之盟也古者诸侯之于天子春见曰朝夏见曰宗秋见曰覲冬见曰遇时见曰防殷见曰同同盟之礼为宫方三百步四门坛十有二寻深四尺加方明于其上方明者木也方四尺设六色东方青南方赤西方白北方黑上 下黄设六玉上圭下璧南方璋西方琥北方璜东方圭上介皆奉其君之旂置于宫尚左公侯伯子男皆就其旂而立四傅摈天子乘龙载大旂象日月升龙降龙出拜日于东门之外反祀方明诸侯既皆听命因相与盟于下方伯临之以显昭明同盟之礼也古者六歲而防十二歲而盟桓非受命之伯也假同盟之礼率诸侯以尊天子蓋自是始伯也然则孰防之公也公则曷为不言公疑之也曷为疑之齐鲁之仇也不可以共天下从之则忘亲弗从则忘君君子为其不得已焉虽勿忘其君亦勿忘其亲是以设之辞也孝子忠臣之义见焉尔邾子克卒此邾仪父也其谓之邾子克何未成国曰邾仪父既成国曰邾子克未成国之君卒不书葬不记也

春秋传卷三

卷四

<经部,春秋类,刘氏春秋传

钦定四库全书

春秋传卷四

宋 刘敞 撰

庄公

十有七年春齐人执郑詹郑詹者何郑大夫也执者曷为或称行人或不称行人称行人者执之以其所为使者也不称行人者执之不以其所为使及非行人者也夏齐人殲于遂殲者何尽也何言乎齐人尽于遂齐侯灭遂使兵戍之遂之余民因氏颌氏工娄氏须遂氏饮戍者酒而杀之此遂人尽齐人也其曰齐人殲于遂何弗与也墟人之国杀人之君私人之土制人之众彊不义之至也力多矣非有能尽齐者也齐自尽也秋郑詹自齐逃来何以书讥何讥尔讥逃也以为义死制云乎以为不义死道云乎君子不曰幸而免冬多麋何以书记异也何异尔为灾也

十有八年春王三月日有食之夏公追戎于济西此未有言伐我者其追何迹之也迹之则曷为不言其来不言其来者唯欲迹之也曰开之以虚示之以利后之以 见之以至云尔为谖也其言于济西何不及也不及则曷为不言其不及戎已远矣为谖之过也秋有 何以书记异也何异尔非中国之兽也冬十月

十有九年春王正月夏四月秋公子结媵陈人之妇于鄆遂及齐侯宋公盟媵者何送女也遂者何生事也大夫无遂事遂而权国义也其权国奈何齐侯宋公之在鄆则鲁人忧大夫以君命出苟有以安国家利社稷者则专之可也结之遂乎盟春秋与之何用见春秋与之公子之尊非称也媵陈人之妇非志也于鄆非地也称所非称以见义志所非志以见事地所非地以见权唯义为可以权夫人姜氏如莒冬齐人宋人陈人伐我西鄙此伐我也其如鄙何伐我而言鄙者远之也曷为远之非我之咎也

二十年春王二月夫人姜氏如莒夏齐大灾灾则其言大何大非一也宗庙廐库尽矣此齐火灾也何以书吊焉尔吊人者哀其祸而救其乏秋七月冬齐人伐戎二十有一年春王正月夏五月辛酉郑伯突卒秋七月戊戌夫人姜氏薨冬十有一月葬郑厉公

二十有二年春王正月肆大眚肆者何赦也眚者何罪也肆大眚何以书讥何讥尔肆大眚非礼也癸丑葬我小君文姜陈人杀其公子御寇公子非大夫也何以书公之嫡子也公之嫡子

则世子也其谓之公子何嫡子既誓称世子未誓称公子虽未誓书也杀世子母弟自君此其曰陈人杀之何世子以誓为贵责成而目君其曰陈人杀之者病御寇也曷为病之御寇之为人也盖足以杀其身已矣夏五月此其以五月首时何春秋故史也有所不革子曰其事则齐桓晋文其文则史其义则丘窃取之矣秋七月丙申及齐高傒盟于防冬公如齐纳币纳币不书此何以书讥何讥尔讥丧取也昏礼有纳采有问名有纳吉有纳徵有告期大夫之事也亲纳币亦非礼也交讥之

二十有三年春公至自齐祭叔来聘祭者何邑也叔者何字也曷为氏邑而字天子之下大夫也下大夫爵附庸是必使人则其不称使何不与使也曷为不与使下大夫无臣虽有臣犹不外交也夏公如齐观社何以书讥何讥尔诸侯越竟观社非礼也庄公将如齐观社曹刿諫曰不可夫礼所以整民也故防以训上下之则制财用之节朝以正班爵之义帅长幼之序征伐以讨其不然诸侯有王王有巡守以大习之非是君不举矣君举必书书而不法后嗣何述庄公弗听公至自齐荆人来聘公及齐侯遇于谷谷者何内之邑也萧叔朝公萧叔者何附庸之君也其言朝公何公在谷也朝于庙礼也于外非礼也秋丹桓宫楹何以书讥何讥尔天子之楹黝诸侯垩大夫苍士黹丹楹非礼也冬十有一月曹伯射姑卒十有二月甲寅公防齐侯盟于扈

二十有四年春王三月刻桓宫桷何以书讥何讥尔天子之桷斲之榑之加密石焉诸侯斲之榑之大夫斲之士斲本刻桷非礼也葬曹庄公夏公如齐逆女常事不书此何以书讥何讥尔讥以飧之子共宗庙也秋公至自齐八月丁丑夫人姜氏入何以不致不见乎宗庙也夫人至必见乎宗庙称来妇焉礼也不见乎宗庙则何以谓之入入者逆辞也国君娶夫人之辞曰请君之玉女共宗庙社稷之事知其不可娶也则勿娶而已矣知其不可娶然且娶之因是焉废宗庙之礼悖矣戊寅大夫宗妇觐用币宗妇者何大夫之妻也觐者何见也见则曷为谓之觐公事曰见私事曰觐见夫人礼也曷为以私言之夫人不见乎宗庙则不正不正不可以临诸臣故以私言之也觐用币何以书讥何讥尔孤执帛卿执羔大夫执鴈士执雉妇人枣栗脯脩用币非礼也御孙曰男女无别自此始矣大水冬戎侵曹曹羁出奔陈曹羁者何曹世子也何以名贬曷为贬羁不予也赤归于曹赤者何曹之庶公子也此曹之庶公子曷为不系曹贬曷为贬曹非赤之所可号归非赤之所可名归非赤之所可名则其曰赤归于曹何易也何易尔易乎戎也郭公郭公者何无闻焉尔或曰是郭亡也孰亡之盖齐灭之齐灭则其曰亡何郭公善善而不能用恶恶而不能去非有能亡郭者也郭自亡也

二十有五年春陈侯使女叔来聘夏五月癸丑卫侯朔卒六月辛未朔日有食之鼓用牲于社何以书讥何讥尔鼓用牲于社非礼也鼓用牲于社何以为非礼日有食之天子不举伐鼓于社诸侯用币于社伐鼓于朝陰阳之事而君臣之举也伯姬归于杞秋大水鼓用牲于社于门何以书讥何讥尔大水鼓用牲于社于门非礼也大水鼓用牲于社于门何以为非礼也凡天灾有币无牲非日月之眚不鼓币请之也鼓攻之也牲享之也鼓用牲于社于门非礼也冬公子友如陈

二十有六年春公伐戎夏公至自伐戎曹杀其大夫曷为或称人以杀或称国以杀或称人而

不名或称国而不名称国以杀者罪累上也称人以杀者杀有罪也称人而不名者大夫无罪众杀之也称国而不名者大夫无罪君杀之也大夫无罪而君杀之非也虽有罪不以归于京师亦非也孔子曰大夫彊而君杀之义也由三桓始也此之谓也秋公防宋人齐人伐徐宋其序齐上何主兵者也齐已先诸侯矣宋曷为主之齐失其命使宋主之非制也诸侯不专征方有伯州有牧连有率卒有正不专征之义也冬十有二月癸亥朔日有食之二十有七年春公防杞伯姬于洮何以书讥何讥尔天子非展义不巡守诸侯非民事不举卿非君命不越竟公防杞伯姬于洮非礼也夏六月公防齐侯宋公陈侯郑伯同盟于幽秋公子友如陈葬原仲原仲者何陈大夫也原氏也仲字也曷为字卒从正葬从主人公子友如陈葬原仲何以书讥何讥尔君不行使乎大夫君行使乎大夫内之失正也大夫不交诸侯大夫交乎诸侯原氏失正也内失正原氏失正季子可以已矣则是从命也参讥之冬杞伯姬来其言来何直来曰来大归曰来归诸侯之女嫁于诸侯父母在歳一归宁父母没使大夫归宁伯姬之来也已亟非礼也莒庆来逆叔姬莒庆者何莒大夫也其言逆叔姬何自为逆也大夫非君命不越竟越竟逆女非礼也然则嫁女于大夫书乎不书不书则此何以书以公之自主之也诸侯嫁女于大夫主大夫以与之公之自主之非礼也杞伯来朝公防齐侯于城濮

二十有八年春王三月甲寅齐人伐卫卫人及齐人战卫人败绩战不言伐此其言伐何至之日也何以不地地国也此齐人伐卫也其曰卫人及齐人战何战而言及者主之者也犹曰卫人为志乎为此战也云尔疾之也何为疾之战者凶事也非所主也杀一不辜而得天下君子不为也夏四月丁未邾子 卒秋荆伐郑公防齐人宋人救郑冬筑郿郿者何内之邑也筑之者何始作邑也何以书非常也大无麦禾未有言灾之者其曰大无麦禾何大无麦禾非灾也大无麦禾矣何以谓之非灾竭也国无九年之蓄曰不足无六年之蓄曰急无三年之蓄曰国非其国也大无麦禾病矣此饥也何以不言饥大无麦禾非饥也大无麦禾矣何以谓之非饥饥者在下也大无麦禾在上也古者冢宰制国用必于歳之杪量入以为出丰年不奢凶年不俭计而后知之计之道尽矣制之道不尽也臧孙辰告余于齐告余者何请余也何以不称使以为臧孙辰之私行也曷为以臧孙辰之私行臧孙辰曰贤者急病而让夷居官者当事不避难在位者恤民之患是以国家无违以鬯圭玉磬如齐告余臧孙辰之自为功也徒以名而已矣害莫甚焉以为臧孙辰之私行可也君子之为国也恃己而不恃人贵义而不贵名有终身之忧而无一朝之耻也二十有九年春新延廐延廐者何法廐也新之者何修旧也修旧书乎不书不书则此何以书讥何讥尔讥不务公室也天子十有二闲马六种诸侯六闲马四种大夫四闲马二种夏郑人侵许秋有蜚何以书记异也何异尔非中国之禽也冬十有二月纪叔姬卒纪已灭矣其卒之何顺纪季也何顺乎纪季言季以鄆入于齐后纪而已矣城诸及防其言及之何先诸而后防也三十年春王正月夏师次于成秋七月齐人降鄆鄆者何国也八月癸亥葬纪叔姬灭国不葬此何以葬顺纪季而贤叔姬也何贤乎叔姬纪侯大去其国叔姬从焉纪侯卒叔姬归于鄆妇人从人者也从不失节以是为贤也九月庚午朔日有食之鼓用牲于社冬公及齐侯遇于鲁济齐人伐山戎此齐侯也其称人何贬曷为贬齐侯曰我北伐山戎至于孤竹岳瀕诸侯莫敢不来虽三代受命何以异蓋封乎太山禪乎梁父齐之僭天子自伐山戎始焉

三十有一年春筑台于郎何以书讥何讥尔讥厉民也天子有灵台以候天地诸侯有时台以

候四时去国而筑台是乐而已矣夏四月薛伯卒筑台于薛六月齐侯来献戎防防者何军获也四裔之国不用王命方伯征之献其功于王王以警不諲礼也诸侯相遗俘非礼也秋筑台于秦冬不雨何以书记异也曷为或歷时而言不雨或歷月而言不雨一时不雨则书之一时不雨书之常也歷时而言不雨慢也无志乎民也歷月而不言雨闵也有志乎民也

三十有二年春城小谷夏宋公齐侯遇于梁丘何以书我接之也则其先宋何宋主齐也宋何以主齐齐遠而宋近也席则有上下室则有奥阼诸侯之事重主轻大主小近主遠贵主贱秋七月癸巳公子牙卒传曰杀也孰杀之公子友杀之公子友何为杀公子牙公子庆父公子牙者同母兄弟也通乎夫人以胁公公疾召公子牙而问后焉曰寡人即不起此病吾将焉致乎鲁国牙对曰鲁一生一及君已知之矣庆父也材君何忧焉牙出公子季友入公亦问焉对曰臣以死奉般公曰乡者牙曰庆父材季友曰夫何敢是将为乱乎夫何敢季友以君命命牙待于鍼巫氏使鍼季酖之曰公子饮此则可以无为天下戮笑必有后乎鲁国不饮此则必为天下戮笑必无后乎鲁国于是从其言而饮之饮之归未至而死然则曷为不言刺之隐也君亲无将将而诛焉季友之除恶也于未形君子以为贤于诛孔子曰大夫强而君杀之义也自三桓始也此之谓也八月癸亥公薨于路寝冬十月己未子般卒子卒云子卒此其称子般卒何君存称世子君薨称子某既葬称子逾年称公子般卒何以不书葬未逾年之君也有子则庙庙则书葬无子则不庙不庙则不书葬公子庆父如齐狄伐邢

闵公

元年春王正月公何以不言即位继弑君不言即位孰继继子般也孰弑子般庆父也庄公存之时圉人荝淫于宫中子般执而鞭之庄公曰不可鞭也不如杀之是有力焉能投蓋于稷门子般弗果杀庄公死子般即位庆父将弑君以取其国使谓荝曰般之辱尔国人莫不知盍弑之矣遂弑子般于次季友奔陈闵公者庄公之子也生八年矣庆父立焉讨荝而归狱焉不知庆父之意利其防与国人不从与闵公既立庆父以君事聘于齐不知庆父之意自释于国人与忧大国之讨与然而所以立闵公则庆父之力也所以继子般则非闵公之志也出奔者曷为或书或不书书者治之也不书者予之也季友奔陈其为予之奈何庄公死子般弑庆父夫人乱乎内鲁国之不絕若线季子生则可以易死故不可以死而可以生季子存则可以易亡故不可以存而可以亡其生也贤于死其亡也贤于存是以虽出奔予之也齐人救邢夏六月辛酉葬我君庄公秋八月公及齐侯盟于落姑季子来归其称季子何贤之也贵之也曷为贤之贵之其出也中权其入也中义蓋召之于陈也庆父专鲁则曷为召季子季子之贤内得于国人外闻于诸侯则未知其以是为說与不得已与抑将图之与季子至而国人授之以政百姓归焉杀公子牙今将尔季子不免庆父弑君何以不诛非不诛也势未能也冬齐仲孙来仲孙者何齐大夫也此无事其曰来何齐侯使之也齐侯使之则何以不言使讥何讥尔庄公死子般弑闵公防庆父夫人乱乎内鲁国之不絕若线设以齐正鲁犹反手也桓公使仲孙来省难仲孙反曰不去庆父则鲁难未止桓公曰去之奈何对曰难不已将自毙君姑待之而已矣公曰然则吾取鲁可乎对曰不可犹秉周礼周礼所以本也臣闻之国将亡未必先颠而后枝叶从之鲁不弃周礼未可动也君其务宁鲁难而亲之亲有礼因重固间携贰覆昏乱霸王之器也桓公知鲁之可忧而不知使仲孙之非也诚苟忧之何问焉仲孙知鲁之可亲而不知存

庆父之非也诚苟亲之何待焉交讥之

二年春王正月齐人迁阳夏五月乙酉吉禘于庄公禘者何大祭也何大焉祭其祖之所自出以其祖配之然则曷为谓之禘禘犹帝也有虞氏禘黄帝而祖颡顓夏后氏禘黄帝而祖禹商人禘嚳而祖契周人禘嚳而祖文王是故不王不禘不王不禘鲁何以禘昔者武王崩成王防周公相成王摄天下七年制礼作乐颁度量而天下大服先王嘉之以周公为有勲劳故赐之大祭祀天子礼乐外祭则郊是也内祭则禘是也然则鲁禘孰祭祭文王而配以周公孔子曰鲁之郊禘非礼也周公其衰矣此禘也其言吉何言吉者未可以吉也曷为未可以吉未三年也三年矣曷为谓之未三年三年之丧实以二十五月其言于庄公何言非宫庙也非宫庙者何君薨卒哭而祔祔而作主特祀于寝三年而升于庙禘非礼也吉禘亦非礼也于庄公亦非礼也八月辛丑公薨公薨何以不地弑也孰弑之庆父也何以不书葬贼未讨也贼未讨而葬慢也非臣子之事也九月夫人姜氏孙于邾公子庆父出奔莒冬齐高子来盟高子者何齐大夫也其称高子何贤之也贵之也曷为贤之贵之庄公死子般弑闵公弑庆父夫人乱乎内鲁旷年无君则国未知孰有之也齐侯使高子将南阳之甲而至以谋鲁国高子因是平鲁之难鲁人頼焉僖公定位而后盟大夫在竟外有以尊社稷利国家则专之高子可谓知礼矣鲁人以为美谈曰犹望高子也然则何以不称使权在高子也十有二月狄入卫郑弃其师郑弃其师者何恶其上也郑伯恶高克而欲遠之使将兵御狄于境翱翔河上久而不召众散而归高克奔陈则是弃其师之道也

春秋传卷四

卷五

钦定四库全书

春秋传卷五

宋 刘敞 撰

僖公

元年春王正月公何以不言即位继弑君子不言即位此非子也其称子何臣子一例也齐师宋师曹师次于聂北救邢曷为先言次而后言救讥何讥尔次于聂北救邢言以为名而已矣非救人之道也夏六月邢迁于夷仪齐师宋师曹师城邢秋七月戊辰夫人姜氏薨于夷齐人以归夷者何齐地也齐地则其言齐人以归何夫人薨于夷则齐人以归夫人薨于夷则齐人曷为以归桓公召而缢杀之也楚人伐郑八月公防齐侯宋公郑伯曹伯邾人于柎九月公败邾师于偃冬十月壬午公子友帅师败莒师于郚获莒挈传曰公子庆父弑闵公走而之莒莒人逐之将由乎齐齐人不纳却反舍于汶水之上使公子奚斯入请季子曰公子不可以入入则杀矣奚斯不忍反命于庆父自南浹北面而哭庆父闻之曰嘻此奚斯之声也诺己曰吾不得入矣于是抗辮经而死莒人闻之曰吾已得子之贼矣以求赂乎鲁鲁弗与为是兴师而伐鲁季子败之获莒挈莒挈者莒大夫也公赐季子汶阳之田及费费由是始大十有二月丁巳夫人氏之丧至自齐夫人何以不称姜氏贬曷为贬夫人与于乱弑二君死不以其正不可以入宗庙然则曷为不于死焉贬夫人姜氏薨于夷齐人以归则上之行乎下也义已矣僖公请而葬之则是子命也君子以为非义是以贬乎其以丧至也

二年春王正月城楚丘城楚丘者何卫之邑也曷为城之封卫也曷为不曰城卫不与封卫也曷为不与实与而文不与文曷为不与诸侯之义不得专封也诸侯之义不得专封则其曰实与之何上无天子下无方伯天下诸侯有相灭亡者力能救之则救之可也然则卫孰灭之狄灭之卫懿公为无道好鹤鹤有乘轩者国人皆怨狄师伐之懿公不能御战而死卫之遗民男女七百有三十人益之以共滕之民为五千人立戴公以庐于曹齐桓公使公子无亏帅车三百乘甲士三千人以戍曹归之车马器服焉俄而戴公卒文公立卫人不能国盖自是封于楚丘然则孰城之我也我专城之与非专城之也桓公使之也桓公使之则曷为不言使之诸侯之忧危祸灾者则四邻救焉道也夏五月辛巳葬我小君哀姜虞师晋师灭夏阳夏阳者何虢之邑也此虢之邑其言灭何国举也国举矣则曷为书夏阳言虢之所以为虢者恃夏阳也且君存焉灭国多矣何为独言乎虢之恃夏阳见非独虢之恃夏阳也虞亦恃焉灭夏阳二国丧矣此灭虢也其言二国丧何晋献公朝诸大夫而问焉曰寡人夜者寝而不寐其意也何诸大夫有进而对者曰寝不安与其诸侍御有不在侧者与献公不应荀息进曰虞虢见与献公揖而进之遂与之入而谋曰吾欲攻虢则虞救之攻虞则虢救之如之何愿与子虑之荀息对曰君若用臣之谋则今日取虢而明日取虞尔君何忧虞焉献公曰然则奈何荀息曰请以屈产

之乘与垂棘之白璧往请假道于虞必可得也则寶出之内藏藏之外府马出之内廐系之外廐尔君何丧焉献公曰诺虽然宫之奇存焉如之何荀息曰宫之奇之为人也达心而懦又少长于君达心则其言略懦则不能强諫少长于君则君狎之且虞公贪而好寶见寶必不从其言请终以往于是终以往谓虞公曰冀为不道入自颠軫伐郢三门冀之既病则亦唯君故今虢为不道保于逆旅以侵敝邑之南鄙敢请假道以请罪于虢虞公将许之宫之奇果諫语曰唇亡则齿寒虞虢之相救非相为赐则晋今日取虢而明日虞从而亡尔君请勿许也虞公不从其言终假之道起师防之以取虢还四年反取虞虞公抱寶牵马而至荀息见曰臣之谋何如献公曰子之谋则已行矣寶则吾寶也虽然吾马之齿亦已长矣蓋戏之也秋九月齐侯宋公江人黄人盟于贯冬十月不雨何以书记异也楚人侵郑

三年春王正月不雨夏四月不雨徐人取舒舒者何附庸之国也六月雨不雨言不雨此其曰六月雨何一时不雨则书之歷时而言不雨慢也志乎民也歷月而言不雨闵也有志乎民也六月雨云者乐之也忧之故乐之也忧以天下乐以天下秋齐侯宋公江人黄人防于阳谷冬公子友如齐莅盟莅盟者何往盟乎彼也来盟者何来盟乎我也前定之盟也楚人伐郑

四年春王正月公防齐侯宋公陈侯卫侯郑伯许男曹伯侵蔡蔡溃溃者何散也民逃其上也是侵浅事也侵蔡而蔡溃桓公可谓知所侵矣遂伐楚次于陞此伐楚也曷为次于陞止师以修文告之命古者邦内甸服邦外侯服侯卫賓服蛮夷要服戎狄荒服甸服者祭侯服者祀賓服者享要服者贡荒服者王日祭月祀时享歲贡终王不祭则修意不祀则修言不享则修文不贡则修名不王则修德序成而有不至则修刑故刑不祭伐不祀征不享让不贡告不王伐国者蓋賓之也非残之也次于陞义矣夏许男新臣卒诸侯卒于师曰师卒于防曰防此卒于师其不曰卒于师何非卒于师曰师在楚许之间许男复焉古者君即位而为裨歲一漆之出疆必载裨卒于师曰师卒于防曰防正也许男新臣卒非正也楚屈完来盟于师盟于召陵屈完者何楚大夫也楚之大夫未有以名闻者也其曰屈完何进之也曷为进之服罪也其服罪奈何诸侯之师次于陞楚子使与师言曰君处北海寡人处南海唯是风马牛不相及也不虞君之涉吾地也何故管仲对曰昔召康公命我先君太公曰五侯九伯女实征之以夹辅周室赐我先君履东至于海西至于河南至于穆陵北至于无棣尔贡包茅不入王祭不供无以缩酒寡人是徵昭王南征而不复寡人是问对曰贡之不入寡君之罪也敢不共给昭王之不复君其问诸水濱于是请盟然则何以不称使权在屈完也大夫以君命出苟可以尊社稷利国家则专之屈完可谓知畏义矣来盟于师则其曰盟于召陵何来盟于师屈完之志也盟于召陵桓公之事也还师召陵以成屈完桓公曰以此众战谁能御之以此攻城何城不克屈完曰君若以德绥诸侯诸侯谁敢不服君若以力楚国方城以为城汉水以为池虽众无所用之齐人执陈袁涛涂涛涂之罪何辟军之道也其辟军之道奈何涛涂谓桓公曰君既服南夷矣何不选师濱海而东服东夷且归桓公曰诺于是还师濱海而东大陷于沛泽之中顾而执涛涂称人而执者非伯讨也此执有罪何以不得为伯讨古者周公东征则西国怨西征则东国怨桓公假道于陈而伐楚则陈人不欲其反由己者师不正故也不修其师而执涛涂古人之讨则不然也秋及江人黄人伐陈不言及之者何内师也八月公至自伐楚葬许穆公冬十有二月公孙兹帅师防齐人宋人卫人郑人许人曹人侵陈

五年春晋侯杀其世子申生曷为直称晋侯以杀杀世子母弟直称君者甚之也甚之奈何晋献公之夫人曰齐姜生太子申生又娶二女于戎大戎狐姬生重耳小戎子生夷吾晋伐骊戎骊戎男女以骊姬归生奚齐其娣生卓子骊姬嬖欲立其子赂外嬖梁五与东关嬖五使言于公曰曲沃君之宗也蒲与二屈君之疆也不可以无主宗邑无主则民不威疆場无主则啓戎心戎之生心民慢其政国之患也若使太子主曲沃而重耳夷吾主蒲与屈则可以威民而惧戎且旌君伐使俱曰狄之广莫于晋为都晋之啓土不亦宜乎公説使太子居曲沃重耳居蒲夷吾居屈羣公子俱鄙唯二姬之子在绛晋始作二军公将上军太子将下军士蒍曰太子不得立矣分之都城而位以卿先为之极又焉得立不如逃之无使罪至为吴太伯不亦可乎犹有令名与其及也太子弗从骊姬既谗太子而疏之谓太子曰君梦齐姜必速祭之太子祭于曲沃归胙于公公田骊姬寘诸宫六日公至毒而献之公祭诸地地坟与犬犬毙与小臣小臣亦毙姬泣曰贼由太子太子奔新城公杀其傅杜原款而急太子或谓太子子辞君必辩焉大子曰君非姬氏居不安食不饱我辞姬必有罪君老矣吾又不乐然则其行乎太子曰君实不察其罪被此名也以出人谁纳我乃缢而死申生可谓轻其死矣语孝则未也杞伯姬来朝其子何以书讥何讥尔杞伯姬来朝其子非礼也伯姬为志乎朝其子则是杞伯失夫之道也诸侯相见曰朝以待人父之道待人之子内失正矣参讥之夏公孙兹如牟公及齐侯宋公陈侯卫侯郑伯许男曹伯防王世子于首止曷为殊防王世子世子贵也世子犹世世子也秋八月诸侯盟于首止无中事复举诸侯何也尊王世子而不敢与盟也尊则其不敢与盟何也盟者不相信故谨信也不敢以所不信而加于尊者故不敢盟也此地也曷为再言首止善是盟也曷为善之王将以爱易世子桓公为是率诸侯防而盟之王室以安则是正乎不正不正则其嘉之何也王将以爱易世子诸侯莫知以争则不可以諫则不得桓公控大国扶小国防世子于首止以尊天王为之也然而诸侯以睦天王以尊后嗣以定一防而父子君臣之道皆得焉故孔子曰正而不谏此之谓也郑伯逃归不盟其言逃归何去其众也国君去其众犹曰匹夫之行也楚人灭 子奔黄九月戊申朔日有食之冬晋人执虞公此灭也何以不言灭虞之灭于晋久矣非一日之积也此入而执也何以不言以归地之緡于晋久矣国非其国也自灭夏阳始焉

六年春王正月夏公防齐侯宋公陈侯卫侯曹伯伐郑围新城秋楚人围许诸侯遂救许冬公至自伐郑七年春齐人伐郑夏小邾子来朝郑杀其大夫申侯称国以杀大夫者罪累上也申侯之累上奈何首止之防郑伯逃归齐桓公率诸侯以伐郑孔叔言于郑伯曰心苟不竞何憚于病既不能彊又不能弱所以毙也国危矣请下齐以救国郑伯曰吾知所由来矣姑少待我对曰朝不及夕何以待君于是杀申侯以説于齐然则申侯之罪奈何申侯之为人臣也专利而不厌兴事以自为功足以杀其身而已矣秋七月公防齐侯宋公陈世子欵郑世子华盟于母曹伯班卒公子友如齐冬葬曹昭公

八年春王正月公防王人齐侯宋公卫侯许男曹伯陈世子欵盟于洮王人者何微者也曷为序乎诸侯之上先王命也郑伯乞盟乞盟者何处其所而请与也其处其所而请与奈何蓋酌之也盟者齐信也酌之有不齐焉如勿酌而已矣信之有不义焉如勿信而已矣夏狄伐晋秋七月禘于太庙用致夫人用者何用者不宜用也致者何致者不宜致也夫人者谁谓谓成风也成风者僖公之母庄公之妾也然则何言乎禘于太庙用致夫人于是成之为夫人也成之

为夫人则何以书讥何讥尔讥以妾为嫡也讥以妾为嫡则何以不称风氏言自是鲁以妾为嫡也冬十有二月丁未天王崩传曰惠王也

九年春王三月丁丑宋公御说卒夏公防宰周公齐侯宋子卫侯郑伯许男曹伯于葵丘宰周公者何天子三公也天子之宰通乎天下宋其称子何未逾年之君也然则其称子何君薨嗣子谅陰百官总已听于冢宰三年正也不能三年者其以凶礼行则言子其以嘉礼行则言爵以嘉礼行者非也以凶礼行者亦非也君子不夺人之亲人亦不可夺亲也秋七月乙酉伯姬卒此未适人何以卒许嫁矣妇人许嫁字而笄之死则以成人之丧治之九月戊辰诸侯盟于葵丘此地也曷为再言葵丘善是盟也曷为善之桓公曰诛不孝无易树子无以妾为妻尊贤育才以彰有德敬老慈防无忘賓旅士无世官官事无摄取士必得无专杀大夫无曲防无遏余无有封而不以告凡我同盟之人既盟之后言归于好以是为尽禁矣诸侯咸谕乎桓之志蓋束牲载书而不防血也甲子晋侯诡诸卒冬晋里克杀其君之子奚齐此未逾年之君也其曰杀其君之子奚齐何弑未逾年君之号也诸侯必逾年然后称君必三年然后成君诸侯曷为必逾年然后称君必三年然后成君一年不二君緣民臣之意不可旷年无君緣孝子之心则三年不忍当也

十年春王正月公如齐狄灭温温子奔卫晋里克弑其君卓及其大夫荀息及者何累也弑君多矣舍此无累者乎曰有孔父仇牧皆累也舍孔父仇牧无累者乎曰有有则此何以书贤也何贤乎荀息荀息可谓不食其言矣其不食其言奈何晋献公杀太子申生而立奚齐使荀息傅之公疾病召荀息而问之曰士何如则可谓之信矣荀息对曰使死者反生生者不愧乎其言则可谓信矣献公死奚齐立里克谓荀息曰君杀正而立不正废长而立防如之何愿与子虑之荀息曰君尝讯臣矣臣对曰使死者反生生者不愧乎其言则可谓信矣里克知其不可与谋退弑奚齐荀息立卓子里克弑卓子荀息死之荀息之智则未荀息之义则尽矣托六尺之孤寄百里之命临大节而不可夺荀息可谓不食其言矣夏齐侯许男伐北戎晋杀其大夫里克里克弑二君曷为不以讨贼之辞言之不君奚齐卓子不成其弑之名也曷为不君奚齐卓子驪姬杀太子申生而逐重耳夷吾以立奚齐晋国遂大乱诸侯皆怨是虽为君国人不君也国人不君则其曰里克杀其君卓子何是里克之君也里克之君奈何驪姬将杀申生而难里克谓优施曰如之何优施曰吾来里克一日而已子为我具特羊之飧吾以从之饮酒驪姬许诺使优施饮里克酒优施起舞且歌曰暇豫之吾吾不如鸟乌人皆集于苑已独集于枯里克笑曰何谓苑何谓枯对曰其母为夫人其子为君苑也其母既死其子又有谤枯也枯且有伤优施出里克辟奠不餐而寝夜半告优施曰曩而言戏乎抑有所闻之乎曰然君既许夫人立奚齐矣里克曰秉君以杀太子吾不忍通复故交吾不敢中立其免乎优施曰免旦而里克见防郑曰难将作矣优施告我君许夫人立奚齐矣防郑曰子谓何曰吾对以中立防郑曰惜也不如曰不信以疏之亦固太子以携之多为之故以变其志志少疏乃可间也今日中立固其谋也里克曰往言不可及矣且人中心唯无忌何可败也称疾不朝三旬难乃成放乎杀申生而立奚齐者是乃里克也殆而悔之则无及矣然后杀奚齐卓子而反国乎重耳故曰杀其君也重耳者申生之弟也贤而有谋国人愿立焉将迎之狄惠闻之自秦先入于是杀里克也曰尔既杀夫二孺子矣为子君者不亦难乎而杀之秋七月冬大雨雪何以书记异也

十有一年春晋杀其大夫防郑父其称国以杀何称国以杀大夫者罪累上也防郑父里克之与也夏公及夫人姜氏防齐侯于阳谷秋八月大雩冬楚人伐黄十有二年春王三月庚午日有食之夏楚人灭黄秋七月冬十有二月丁丑陈侯杵臼卒

十有三年春狄侵卫夏四月葬陈宣公公防齐侯宋公陈侯卫侯郑伯许男曹伯于赧秋九月大雩冬公子友如齐

春秋传卷五

卷六

钦定四库全书

春秋传卷六

宋 刘敞 撰

僖公

十有四年春诸侯城緣陵緣陵者何杞之邑也曷为城之封杞也曷为不曰城杞不与封杞也曷为不与实与而文不与文曷为不与诸侯之义不得专封也诸侯之义不得专封则其曰实与之何上无天子下无方伯天下诸侯有相灭亡者力能救之则救之可也然则杞孰亡之蓋淮夷胁之自是封于緣陵诸侯何以不序不足序也其不足序奈何桓德衰矣师徒不完器用不具城楚丘也卫人忘亡然则非恶诸侯也恶长诸侯者也夏六月季姬及鄆子遇于防使鄆子来朝季姬者何吾女也曷为使乎鄆子来朝内辞也非使来朝使来请已也秋八月辛卯沙鹿崩沙鹿者何山也山则曷为不曰山有号有名以名通者不待号可也然则曷为不系国山不可以系国山曷为不可以系国名山大泽不以封诸侯守之沙鹿崩何以书记异也狄侵郑冬蔡侯卒十有五年春王正月公如齐楚人伐徐三月公防齐侯宋公陈侯卫侯郑伯许男曹伯盟于牡丘遂次于匡公孙敖帅师及诸侯之大夫救徐夏五月日有食之秋七月齐师曹师伐厉八月螽九月公至自防季姬归于鄆己卯晦震夷伯之庙震之者何雷电击夷伯之庙者也夷伯者何吾大夫也夷氏也伯字也曷为字臣既死君不忍呼其名子既死父不忍呼其名何以书记异也因此以见天子至于士皆有庙天子七庙诸侯五大夫三士二故德厚者流光德薄者流卑是以贵始德之本也始封必为祖冬宋人伐曹楚人败徐于娄林十有一月壬戌晋侯及秦伯战于韩获晋侯战而言及者主之者也犹曰晋侯为志乎为此战也云尔此偏战也何以不言师败绩君获不言师败绩也师虽不败绩而君败绩则书以败绩师虽败绩而君获则不书败绩重君也君之重重于师师之重重于大夫传曰晋惠公自秦入于晋背秦之好晋饥乞食于秦秦输之秦饥乞食于晋晋闭之故穆公伐晋晋侯请战曰寡人不佞能合其众而不能离君若不还无所逃命秦伯对曰昔君之未入寡人惧之入而未定列寡人忧之今既定列矣敢不承命晋大夫皆惧战于韩原获晋侯以归

十有六年春王正月戊申朔陨石于宋五曷为先言陨而后言石陨石记闻闻其礚然视之则石察之则五是月六鷁退飞过宋都曷为先言六而后言鷁六鷁记闻视之则六察之则鷁徐而察之则退飞君子之于言无所苟而已矣五石六鷁何以书记异也外异不书此何以书告焉尔宋襄公问于周内史叔兴父曰是何祥也吉凶安在对曰今兹鲁多大丧明年齐有乱君将得诸侯而不终三月壬申公子季友卒大夫卒称名季者字也其称季友何讥何讥尔讥世卿世卿非礼也言自是世季氏也世卿多矣曷为独讥乎此因其可讥而讥之此其为可讥奈何言是乃逐昭公者也其诸则宜于此焉正之矣夏四月丙申鄆季姬卒秋七月甲子公孙兹

卒冬十有二月公防齐侯宋公陈侯卫侯郑伯许男邢侯曹伯于淮

十有七年春齐人徐人伐英氏英氏者何国也夏灭项孰灭之公灭之曷为不言公灭之内大恶讳也内大恶则曷为或讳或不讳或以为讳或不以为讳曷为或以为讳或不以为讳或以为耻或不以为耻讳者非讳其实也讳其义也秋夫人姜氏防齐侯于卞传曰为灭项故夫人姜氏防齐侯于卞参讥之九月公至自防冬十有二月乙亥齐侯小白卒

十有八年春王正月宋公曹伯卫人邾人伐齐传曰伐齐以纳公子昭也伐齐以纳公子昭则何以不曰纳齐公子昭于齐不与纳也曷为不与纳诸侯失国诸侯纳之正也有其实者居其名无其实者不得居其名有其名者享其功无其名者不得享其功纳公子昭非正也纳公子昭之为非正奈何齐桓公之夫人三王姬徐嬴蔡姬皆无子桓公好内多内宠内嬖如夫人者六人长卫姬生无亏小卫姬生元郑姬生昭葛嬴生潘密姬生商人宋华子生雍六人者莫之适立桓公死六人者皆欲为后国人立无亏昭出奔宋宋襄公率诸侯伐齐纳焉立嫡以长不以贤立子以贵不以长贵钧以年年钧以德纳公子昭非正也夏师救齐五月戊寅宋师及齐师战于甗齐师败绩战而言及者主之者也犹曰宋师为志乎为此战也云尔狄救齐秋八月丁亥葬齐桓公传曰桓公卒五公子争立竖刁易牙乱乎内十有一月而后葬冬邢人狄人伐卫狄不言人此其言人何人狄所以狄邢也狄邢则何以人狄言邢之与狄犹一体也邢之与狄犹一体奈何邢亲狄而残卫以放灭国邢无亲矣以是为一体也

十有九年春王三月宋人执滕子婴齐婴齐何以名执而名者不反之辞也夏六月宋公曹人邾人盟于曹南曹南者何曹之南也曹人在焉其曰曹南何君不出而大夫行故曰曹南也鄫子防盟于邾其言防盟何防盟者约盟而往防也已西邾人执鄫子用之用之者何或曰盖叩其鼻以血社也或曰杀之也春秋诸侯死不以其道名鄫子何以不名略之也曷为略之言鄫子之所以放乎死者自取之也其自取之奈何盖私乎季姬者也季姬许嫁邾鄫子请焉故曰爱人不爱反其仁敬人不敬反其礼为人君不可不慎也反求诸己而已矣秋宋人围曹卫人伐邢冬防陈人蔡人楚人郑人盟于齐梁亡此未有言伐者其言梁亡何自亡也其自亡奈何鱼烂而亡也梁伯好土功亟城而弗处民罢而弗堪则曰某寇将至乃沟公宫曰秦将袭我民惧而溃秦遂取梁

二十年春新作南门新作者何更旧也南门者何法门也新作南门何以书记何讥尔讥不务公室也其谓南门何南非一门也库门天子皋门雉门天子应门夏郕子来朝五月乙巳西宫灾西宫者何小寝也小寝则曷为谓之西宫有西宫则有东宫矣鲁子曰以有西宫亦知诸侯之有三宫也西宫灾何以书记灾也郑人入滑秋齐人狄人盟于邢冬楚人伐随

二十有一年春狄侵卫宋人齐人楚人盟于鹿上夏大旱何以书记灾也秋宋公楚子陈侯蔡侯郑伯许男曹伯防于孟楚何以称子以其先诸侯不可不曰楚子也其先诸侯何也诸侯莫能宗中国推楚子使当中国贱之也执宋公以伐宋孰执之楚子执之曷为不言楚子执之诸侯皆在是分恶于诸侯也分恶于诸侯者何犹曰非独楚人诈也诸侯与有贬焉非独诸侯贱也宋公与有罪焉宋襄公合诸侯以求伯以力为之纳齐孝公执滕子婴齐圖曹之君防楚成

王公子目夷諫曰小国争盟必亡盍姑内省德乎无阙而后动襄公不听襄公之求伯也至于辱而已矣冬公伐邾楚人使宜申来献防使宜申者楚子也其称人何贬曷为贬为执宋公贬宋公与楚子期以乘车之防公子目夷曰楚夷国也彊而无义请君以兵车之防往宋公曰吾与之约以乘车之防自吾为之自我堕之不可终以乘车之防往楚人果伏兵车执宋公以伐宋宋公谓公子目夷曰子归守国矣国子之国也吾不从子之言以至于此公子目夷复曰君虽不言国固臣之国也于是归设守械而守国楚人谓宋人曰子不与我国吾将杀子君矣宋人应之曰吾赖社稷之神灵吾国已有君矣楚人知虽杀宋公犹不得宋国于是释宋公宋公释乎执走之卫公子目夷复曰国为君守之君何为不入然后逆襄公归此盖防乎宋也曷为不曰宋防不与防乎宋也曷为不与防乎宋防者军获也中国于四裔则有防诸侯于天子则有献防非四裔无所防非天子虽防不献也十有二月癸丑公防诸侯盟于薄释宋公执未有言释之者此其言释之何公与为尔也公与为尔奈何公与讥尔也二十有二年春公伐邾取须句夏宋公卫侯许男滕子伐郑秋八月丁未及邾人战于升陁何以不言师败绩战而不言师败绩者败在内也师败绩不言及之者耻也邾人报须句公御之小邾师而不设备臧文仲諫曰国无小不可易也无备虽众不可恃也诗曰战战兢兢如临深渊如履薄冰又曰敬之敬之天惟显思命不易哉先王之明德犹无不难也无不惧也况我小国乎君亦无谓邾小蠱蜚有毒而况国乎弗听战于升陁我师败绩冬十有一月己巳朔宋公及楚人战于 宋师败绩战而言及之者主之者也犹曰宋公为志乎为此战也云尔宋公与楚人期战于 之阳大司马固諫曰天之弃商久矣君将兴之弗可赦也已弗听宋人既成列楚人未既济有司复曰彼众我寡请迨其未毕济而击之宋公曰不可吾闻之也君子不厄人我虽丧国之余寡人不忍行也既济未毕陈有司复曰请迨其未毕陈而击之宋公曰不可吾闻之也君子不鼓不成列已陈然后鼓之宋师大败宋公之爱人也则无以异于杀之尔其信人也则亦无以异于杀之尔故曰善战者服上刑连诸侯者次之辟草莱任土地者次之宋襄公有二焉

二十有三年春齐侯伐宋围缙夏五月庚寅宋公兹父卒秋楚伐陈冬十有一月杞子卒杞子称子者何也贬曷为贬以其用夷礼贬然则孰贬之天子贬之何用知其天子贬之非天子不制度不议礼不考文春秋之进贤也不记实其退不肖也不乱名然则杞之名何也公也杞何以称公王者之后称公杞夏之后也宋殷之后也王者必将二王之后行其正朔报其礼乐以寘于天子尊贤之义也

二十有四年春王正月夏狄伐郑秋七月冬天王出居于郑王者无外其曰出居于郑何王自出也王自出奈何襄王之为世子也母弟曰带有宠于惠后惠后爱之惠王许立焉齐桓公是以防诸侯于首止惠王崩带不得立作乱而出奔十年王召而复之则又以狄攻王王御士将御之王曰先后其谓我何宁使诸侯圖之于是出居于郑以是为非一天下之道也此其为非一天下之道奈何曰舜之于象也封之有庠天子使吏治其政而纳其贡税象不得有为于其国源源而来富贵之尔亲爱之尔此道之谓也晋侯夷吾卒

二十有五年春王正月丙午卫侯燬灭邢卫侯燬何以名贱之也曷为贱之诱灭也其诱灭奈何卫侯将伐邢礼至曰不得其守国未可望也我请使昆弟仕之乃仕于邢卫师至邢邢大夫巡城二礼掖之以赴于外而杀之遂灭其国故君子疾其诱灭也使人之臣反其君犹臣人而

反其君者也夏四月癸酉卫侯燬卒宋荡伯姬来逆妇宋荡伯姬者何内女也荡氏之母也妇者縁姑言之辞也妇人不专行姑无为妇逆者宋荡伯姬来逆妇非礼也然则何以书以公之自主之也诸侯嫁女于大夫主大夫以与之公之自主之非礼也宋杀其大夫秋楚人围陈纳顿子于顿其言纳何言纳者与纳也曷为与纳诸侯失国诸侯纳之正也何以不言遂围陈所以纳顿子也然则曷为不言以师亲之者也葬卫文公冬十有二月癸亥公防卫子莒庆盟于洮

二十有六年春王正月己未公防莒子卫 速盟于向齐人侵我西鄙公追齐师至鄆弗及追之者何逐之也其言弗及何弗者迁辞也为畏而弗敢及使若不及然齐师者齐人也其称师何为公之弗敢及张之也然则何言尔讥畏也议畏奈何天子有道守在四夷诸侯有道守在四邻闻以百里为政乎天下者矣未闻以千乘畏人者也夏齐人伐我北鄙卫人伐齐公子遂如楚乞师乞者何卑辞也曷为以外内同若辞重师也曷为重师师出不正反战不正胜也秋楚人灭防以防子归防子何以不名著力不足也其为力不足奈何楚人谓防曰何以不祀祝融与鬻熊防子对曰吾先君熊挚有疾鬼神弗赦而自窜于夔吾是以失楚又何祀焉楚人疾其言伐防灭之以防子归冬楚人伐宋围缙公以楚师伐齐取谷冬公至自伐齐

二十有七年春杞子来朝夏六月庚寅齐侯昭卒秋八月乙未葬齐孝公乙巳公子遂帅师入杞冬楚人陈侯蔡侯郑伯许男围宋此楚子也其称人何贬曷为贬蛮夷也而亟病中国人楚子亦所以人诸侯也曷为人诸侯诸侯莫能宗中国推楚子使伯中国所恶乎宋者以善于晋侯重耳者也十有二月甲戌公防诸侯盟于宋此围宋也曷为地以宋防所以平宋也然则何言尔成公意也

二十有八年春晋侯侵曹晋侯伐卫曷为再言晋侯侵一事也伐一事也公子买戍卫不卒戍刺之其言不卒戍刺之何讥何讥尔刺之为不卒戍也公子买戍卫则曷为不卒戍辟晋也然则曷为戍卫卫不礼于晋絶晋而与楚刺之者何杀之也杀之则曷为谓之刺之内讳杀大夫谓之刺之犹曰以道杀之也以道杀之则其曰刺之何刺者与众杀之者也一刺曰讯羣臣再刺曰讯羣吏三刺曰讯万民楚人救卫三月丙午晋侯入曹执曹伯畀宋人其称侯以执何称侯以执者伯讨也此其为伯讨奈何曹共公为无道逖君子而近小人服赤芾者三百也其言畀宋人何与宋人也晋侯执曹伯则曷为与宋人为譎也其为譎奈何晋侯之为公子也有德于宋楚楚人围宋殆矣宋请救于晋勿救则怨在宋救之则怨在楚先轸曰然则我执曹伯而畀宋人且分其田楚人爱曹必释宋而从我我与之战而后圖之于是执曹伯以畀宋楚人怒夏四月己巳晋侯齐师宋师秦师及楚人战于城濮楚师败绩战而言及之者主之者也犹曰晋侯为志乎为此战也云尔楚人者楚师也其称人何贬曷为贬是大夫得臣之师也何恶乎大夫得臣楚子曰晋侯在外十九年矣而得晋国是天建之也而又有明德天不可废德不可敌令之还师得臣不可楚子怒少与之师得臣从晋侯晋侯退三舍而止楚众欲还得臣又不可战于城濮楚师大败楚于是杀得臣楚杀其大夫得臣称国以杀大夫者罪累上也此杀有罪其以累上之辞言之何恶楚子也何恶乎楚子知其不可使也而不能勿使知其不可敌也而不能勿敌是以弃其师之道也卫侯出奔楚失国而名者别二君也卫有君矣卫侯何以不名贤卫子也贤卫子则何以不名言叔武之不有其国也叔武者曷为者也卫侯之弟也摄君

之事而不处其位载君之德而不私其名上治之天子下治之诸侯以求反卫侯于国是以称之卫子也五月癸丑公防晋侯齐侯宋公蔡侯郑伯卫子莒子盟于践土陈侯如防其言如防何如防赴防也公朝于王所曷为不言公如京师天子在是也是非京师也则天子曷为在是天子来是也曷为不言天子来是天子以天下为家来是虽微犹可言也六月卫侯郑自楚复归于卫卫侯郑何以名贬曷为贬杀叔武也卫侯曷为杀叔武叔武治反卫侯卫侯驱而入射叔武而杀之其言归何易也其易奈何叔武在内也卫元咺出奔晋陈侯欸卒秋杞伯姬来公子遂如齐冬公防晋侯齐侯宋公蔡侯郑伯陈子莒子邾子秦人于温天王狩于河阳狩不书此何以书讥何讥尔天王狩于河阳非狩也何言乎非狩晋侯召王以诸侯见盖托于狩以至河阳也孔子曰晋文公谲而不正此之谓也壬申公朝于王所晋人执卫侯归之于京师称人以执者非伯讨也卫侯杀叔武何以不得为伯讨卫之祸文公为之也文公为之奈何文公逐卫侯而立叔武使人兄弟相疑放乎杀母弟者文公为之也然后治之晚矣曷为或言归于或言归之于归于者正也归之于者不正也此其为不正奈何文公使元咺与卫侯讼文公右元咺刖卫大夫鍼庄子杀士荣然后执卫侯归之于京师文公之听也已颇右者盖君臣无狱诸侯不专杀卫元咺自晋复归于卫其言复归何大夫无复复者位已绝也已绝而复恶也恶则其言归何易也其易奈何以文公为之主也诸侯遂围许曹伯襄复归于曹曹伯襄何以名贬曷为贬其归之道非所以归也非所以归者何给也其给奈何曹伯执乎晋而未反晋侯有疾使其竖侯孺货筮史曰以曹为解晋侯恐自是反曹伯遂防诸侯围许

二十有九年春介葛卢来介葛卢者何附庸之君也何以名贬曷为贬用夷礼也其言来何来朝也公在外则何以言来接焉尔公至自围许夏六月公防王人晋人宋人齐人陈人蔡人秦人盟于翟泉是称人皆微者与非微者也王子虎晋狐偃宋公孙固齐国归父陈辕涛涂秦小子憖之盟也则其称人何翟泉在王城之内诸侯之大夫入天子之境虽贵曰士陪臣也而盟于天子之侧自此始是以贬也其余从同同秋大雨雹何以书记灾也冬介葛卢来此得见乎公矣何以不言朝不成朝也其不成朝奈何盖以夏变乎夷者也

三十年春王正月夏狄伐齐秋卫杀其大夫元咺及公子瑕称国以杀大夫者罪累上也何言乎及公子瑕以罪及之也公子瑕元咺之厚也卫侯郑归于卫卫侯郑何以名贬曷为贬其始复也杀叔武矣其又复也杀元咺及公子瑕是暴戾而无亲也则其言归何易也其易奈何晋人执卫侯归之于京师使医醢之不死臧文仲言于僖公曰臣闻之班相恤也乃能有亲夫晋人醢卫侯不死亦不讨其使者讳而恶杀之也有诸侯之请必免之君盍请卫侯以示亲于诸侯且以动晋夫晋新得诸侯使亦曰鲁不弃其亲不亦可乎公说纳玉于王与晋侯皆十防自是免卫侯此复归也何以不言复不与复也曷为不与复贼杀其亲则正之放弑其君则残之内乱鸟兽行则灭之三王之政也晋人秦人围郑介人侵萧冬天王使宰周公来聘公子遂如京师遂如晋遂者何生事也大夫无遂事遂而宜权也此其为权奈何晋文公执曹伯班其所侵地于诸侯曰后至者勿颁公子遂聘于周自周遂之晋为诸侯先鲁于是取济西田复周公之守

三十有一年春取济西田孰取之吾故也取邑必系国取邑不系国非也取附庸也取田必系国取田不系国吾故也非外取之也公子遂如晋夏四月四卜郊不从乃免牲曷为或言三卜

或言四卜三卜礼也四卜非礼也三卜何以礼四卜何以非礼求吉之道三郊用正月上辛郊用正月上辛则曷为卜或以十二月下辛卜正月上辛如不吉则以正月下辛卜二月上辛如不吉则又以二月下辛卜三月上辛如不吉则不郊夏后氏以建寅为正商人以建丑为正周人以建子为正王者必以其正月郊王者必以其正月郊则曷为三卜卜郊非礼也卜郊何以非礼鲁郊非礼也鲁郊何以非礼天子祭天诸侯祭土天子有方望之事无所不通诸侯山川有不在其封内者则不祭也曷为或言免牲或不言免牲免牲礼也不免牲非礼也免牲何以礼不免牲何以非礼郊者歳事也六月上甲始庀牲十月上甲始系牲帝牲必在涤三月如不从则免矣曷为或言牲或言牛中礼曰牲不中礼曰牛何以则中礼何以则不中礼夏后氏牡商人白牡周人骍牡天地之牛角茧栗宗庙之牛角握賓客之牛角尺犹三望三望者何望祭也然则曷祭祭星辰山川曷为祭星辰山川星辰民所瞻仰也山川民所取财用也其守为诸侯犹三望何以书讥何讥尔讥不郊而望祭也秋七月冬杞伯姬来求妇其言妇何縁姑言之之辞也妇人不专行杞伯姬来求妇非礼也姑无自求妇者也狄围卫十有二月卫迁于帝丘

三十有二年春王正月夏四月己丑郑伯防卒卫人侵狄秋卫人及狄盟何以不地地于狄也冬十有二月己卯晋侯重耳卒

三十有三年春王二月秦人入滑齐侯使国归父来聘夏四月辛巳晋人及姜戎败秦于殽何言乎晋人及姜戎别晋人于姜戎也曷为别晋人于姜戎襄公亲之也襄公亲之则其称人何贬曷为贬君在殡孤无外事襄公墨衰而即戎盖自是晋始墨此秦人也其谓之秦何夷狄之也曷为夷狄之前此者秦晋围郑郑伯使烛之武夜出见秦伯请平秦伯许之及与郑盟引师而去之使杞子逢孙杨孙戍之及郑伯防未葬晋侯重耳卒杞子使告于秦曰郑人使我掌其北门之管若潜师以来国可得也秦伯访诸蹇叔蹇叔曰劳师以袭远非所闻也师劳力竭远主备之无乃不可乎师之所为郑必知之勤而无所必有悖心且行千里其谁不知秦伯辞焉召孟明西乞白乙使出师于东门之外蹇叔哭之曰孟子吾见师之出而不见其入也秦伯怒使谓曰尔何知中壽尔墓之木拱矣蹇叔之子与师哭而送之曰晋人御师必于殽殽有二陵焉其南陵夏后皋之墓也其北陵文王之所辟风雨也必死是间吾收尔骨焉子揖师而行高者郑商也遇之矫以郑伯之命而犒师焉且使遽告于郑郑人使视客馆则束载厉兵秣马矣郑人逐三大夫者而修守备孟明日郑不可冀也攻之不克围之不继吾其还也遂入滑而还滑者晋之与国也晋先轸曰秦违蹇叔而以贪勤民天奉我也奉不可失敌不可纵兴姜戎要而击之殽匹马只轮无反者秦之所以为狄与人之臣而谋其君利人之丧而袭其国弱人之孤而死其亲背大臣而与小臣图事贪得地而弃其师者也癸巳葬晋文公狄侵齐公伐邾取訾娄秋公子遂帅师伐邾晋人败狄于箕冬十月公如齐十有二月公至自齐乙巳公薨于小寝小寝者何燕寝也男子不絶于妇人之手妇人不絶于男子之手以齐终也薨于小寝非正也陨霜不杀草李梅实何以书记异也何异尔不时也晋人陈人郑人伐许

春秋传卷六

卷七

<经部,春秋类,刘氏春秋传

钦定四库全书

春秋传卷七

宋 刘敞 撰

文公

元年春王正月公即位二月癸亥日有食之天王使叔服来会葬夏四月丁巳葬我君僖公天王使毛伯来锡公命锡命者何命为诸侯也诸侯在丧称子逾年即位终丧受命正也未毕丧命之非正也既毕丧不受命亦非正也锡命则曷为或书或不书常事不书有非常然后书晋侯伐卫叔孙得臣如京师卫人伐晋秋公孙敖会晋侯于戚冬十月丁未楚世子商臣弑其君頹公孙敖如齐

二年春王二月甲子晋侯及秦师战于彭衙秦师败绩战而言及者主之者也犹曰晋侯为志乎为此战也丁丑作僖公主作僖公主者何为僖公作主也主者曷用虞主用桑练主用栗用栗者藏主也作僖公主何以书讥何讥尔不时也其不时奈何古者葢葬而虞期而练丧事即远天下之达礼也过之者犹不及也三月乙巳及晋处父盟孰及之公也公则何以不言公不与大夫得敌公也何以不地地于晋也地于晋何以不曰公如晋耻也此阳处父也何以不氏未能以其氏通也夏六月公孙敖防宋公陈侯郑伯晋士穀盟于垂陇自十有二月不雨至于秋七月何以书记异也大旱以灾书此亦旱也曷为以异书大旱之日短而云灾故以灾书此不雨之日长而无灾故以异书也八月丁卯大事于太庙跻僖公大事者何祫也祫则曷为谓之大事诸侯之大事也庶人荐而不享大夫享而不祫诸侯祫而不禘春祠夏禘秋尝冬烝曰享毁庙之主陈于太庙未毁庙之主皆升合食于太祖曰祫祀其祖之所自出以其祖配之曰禘故不王不禘跻者何升也何言乎升僖公讥何讥尔逆祀也其逆祀奈何先祢而后祖也夏父弗忌为宗伯尊僖公言于朝曰吾见新鬼大故鬼小先大后小顺也跻圣贤明也明顺礼也诸大夫莫禁于是跻僖公此非祖祢也其谓之祖祢何臣子一例也冬晋人宋人陈人郑人伐秦公子遂如齐纳币纳币不书此何以书讥何讥尔讥丧娶也娶在三年之外则何讥乎丧娶三年之内不图昏吉禘于庄公讥然则曷为不于祭焉讥三年之恩疾矣非虚加之也以人心为皆有之以人心为皆有之则曷为独于娶焉讥娶者大吉也非常吉也其为吉者主于己以为有人心焉者则宜于此焉变矣

三年春王正月叔孙得臣防晋人宋人陈人卫人郑人伐沈沈溃夏五月王子虎卒王子虎者何天子之大夫也外大夫不卒此何以卒或曰为其尝执重以守也或曰为其尝临诸侯之盟

也秦人伐晋秋楚人围江雨螽于宋雨螽者何死而坠也何以书记异也冬公如晋十有二月己巳公及晋侯盟晋阳处父帅师伐楚以救江何言乎伐楚以救江讥何讥尔为谗也其为谗奈何伐楚所以为救江也

四年春公至自晋夏逆妇姜于齐孰逆之内之微者逆之逆大夫大礼也公亲之使大夫非正也微者甚矣何以不称夫人言是非逆夫人之礼也往不敌人不致何夫人之礼之有其称妇何有姑之辞也何以不言姜氏贬曷为贬丧娶也丧娶者公也曷为贬夫人夫人与有贬也妇人在家制于父既嫁制于夫妇人不专行其曰与有贬何父母与有罪也狄侵齐秋楚人灭江晋侯伐秦卫侯使甯俞来聘冬十有一月壬寅夫人风氏薨夫人风氏者何僖公之母庄公之妾也

五年春王正月王使荣叔归含且赠含者何口实也王何以无天言是非天之法也是非天之法者何是始以妾为嫡也此归也何以不言来有归而来有归而不来归含且赠非正也归而不来亦非正也交讥之三月辛亥葬我小君成风王使召伯来防葬防葬之礼于鄙上防葬犹归含也成之为夫人矣夏公孙敖如晋秦人入郢秋楚人灭六冬十月甲申许男业卒

六年春葬许僖公夏季孙行父如陈秋季孙行父如晋八月乙亥晋侯驩卒冬十月遂如晋葬晋襄公晋杀其大夫阳处父称国以杀大夫者罪累上也阳处父之累上奈何晋侯搜于齐使狐射姑将中军赵盾佐之阳处父聘于卫还至言于君曰不可古者君之使臣也使能者佐贤者不使贤者佐能者今赵盾贤射姑能其不可乎襄公以其言改搜于董易中军谓射姑曰始吾使盾佐女今女佐盾矣射姑曰诺襄公死处父主竟上之事射姑使人杀之处父之所以死者君漏言也然则处父之罪何处父之为人臣也华而不实好刚而犯上兴事以自为名足以杀其身而已矣晋狐射姑出奔狄闰月不告月犹朝于庙不告月者何不告朔也诸侯歳受朔于天子退而藏之祖庙朔告月于祖庙退而班之百官正也闰不告月非正也朝庙为告月也不告月而朝庙亦非正也

七年春公伐邾三月甲戌取须句遂城郕夏四月宋公王臣卒宋人杀其大夫其称人以杀何众杀之者也传曰宋成公卒昭公即位欲尽去羣公子乐豫諫曰不可公族公室之枝叶也若去之是无所庇本根也葛藟犹能庇其本根故君子以为比况国君乎亲之以德皆股肱也谁敢携贰弗听穆襄之族率国人以攻昭公杀公孙固公孙郑于宫葢仅然后胜尔戊子晋人及秦战于令狐战而言及之者主之者也犹曰晋人为志乎为此战也云尔何以不言师败绩敌也晋先蔑奔秦何以不言出自师出也其自师出奈何晋襄公卒灵公防将立君赵盾曰公子雍可好善而长使先蔑召诸秦秦伯许之以师纳之未至襄夫人抱太子以啼于朝曰先君何罪其嗣亦何罪舍适嗣不立而外求君将安寘此出朝则抱以之赵氏赵盾及诸大夫畏国人之偏已也皆相约默而君之尔然后起师以逆公子雍先蔑与往遇于令狐战焉先蔑知其反已也不可以复入自是走之秦此晋赵盾之师也其称人何贬曷为贬不与大夫专废置君也狄侵我西鄙秋八月公防诸侯晋大夫盟于扈诸侯何以不序大夫以不名不足序也其不足序奈何或曰葢欲治宋而后不能也或曰赵盾载君之位以临诸侯恶之也冬徐伐莒公孙敖如莒蒞盟

八年春王正月夏四月秋八月戊申天王崩冬十月壬午公子遂防晋赵盾盟于衡雍乙酉公子遂防雒戎盟于暴曷为再言公子遂与之也公孙敖如京师不至而复丙戌奔莒此出奔也何以不言出受命矣自外出也大夫受命而出君言不宿于家臣子大受命则何以不言其至近也曷为或言而复或言乃复乃难乎而也传曰公孙敖如莒莒女有归于鲁者敖取之既而反之期年而从之螽宋人杀其大夫司马宋司城来奔司马者何司城者何皆官举也曷为皆官举言不能其官也不能其官者何君弱政乱强臣擅命然则何以不名非国讨也非国讨则孰讨之华孙杀之华孙遂之华孙杀之华孙遂之则其曰宋人杀其大夫司马宋司城来奔何曰是卿也不能其官者非他人之罪也其斯之谓与九年春毛伯来求金毛伯者何天子之大夫也何以不称使非王命也曷为非王命当防未君也逾年矣何以谓之未君即位矣而未称王也未称王何以知其即位以诸侯之逾年即位亦知天子之逾年即位也以天子三年然后称王亦知诸侯之三年称子也逾年称公矣则曷为三年称子縁民臣之心不可一日无君縁终始之义一年不二君不可旷年无君縁孝子之心则三年不忍当也毛伯来求金何以书讥何讥尔王者无求求金非礼也此非王命则曷为谓之王者无求古者君薨百官总己听于冢宰三年固王者之道也夫人姜氏如齐二月叔孙得臣如京师辛丑葬襄王晋人杀其大夫先都称人以杀大夫者杀有罪也先都之罪何乱也其乱奈何先都士穀者皆晋之强家也求专晋而不得怒而作乱蓋杀其大夫先克也三月夫人姜氏至自齐夫人曷为或致或不致或可以致或不可以致曷为或可以致或不可以致出入以礼则可以致出入不以礼则不可以致此其为有礼奈何父母在而归宁也晋人杀其大夫士穀及箕郑父其言及箕郑父何以罪及之也箕郑父士穀之厚也凡及之志皆讥也楚人伐郑公子遂防晋人宋人卫人许人救郑夏狄侵齐秋八月曹伯襄卒九月癸酉地震何以书记异也冬楚子使椒来聘聘常事也其曰椒何楚进也楚进久矣曷为始乎此自是与中国通也与中国通者何自是以中国之礼为之者也秦人来归僖公成风之襚其言僖公成风何母以子贵母以子贵则何以不称夫人不与得称夫人也曷为不与得称夫人为父后者为妾母无服以尊者为一体不得遂也不与得称夫人则何以始于此臣不贬君卑不夺尊縁诸侯之义以正我也葬曹共公

十年春王三月辛卯臧孙辰卒夏秦伐晋其谓之秦何夷狄之也曷为夷狄之其为师之道于此焉以夷狄为之也楚杀其大夫宜申称国以杀大夫者罪累上也宜申之累上奈何城濮之战宜申将左师败将死楚子使止之以为商公俄而则沿汉泝江入郢楚子问之对曰臣免于死又有谗言谓臣将逃臣归死于司败也楚子使为工尹而杀之然则宜申之罪奈何宜申之为人臣也出则亡其众处则乱其命足以杀其身而已矣自正月不雨至于秋七月及苏子盟于女栗孰及之公也公则曷为不言公不与公盟也曷为不与公盟古者内诸侯不外交外诸侯不内交有至尊在不貳之也冬狄侵宋楚子蔡侯次于厥貉

十有一年春楚子伐麇夏叔彭生防晋郤缺于承匡秋曹伯来朝公子遂如宋狄侵齐冬十月甲午叔孙得臣败狄于咸

十有二年春王正月邾伯来奔杞伯来朝二月庚子子叔姬卒此未适人何以卒许嫁矣妇人许嫁字而笄之死则以成人之丧治之其称子何犹曰公子也夏楚人围巢秋滕子来朝秦伯使术来聘冬十有二月戊午晋人秦人战于河曲何以不言及竟也何以不言师败绩敌也季

孙行父帅师城诸及郚

十有三年春王正月夏五月壬午陈侯朔卒邾子貜鮒卒自正月不雨至于秋七月世室屋坏世室者何鲁公之庙也周公称太庙鲁公称世室羣公称宫此鲁公之庙也曷为谓之世室世室犹世室也世世不毁也周公何以称太庙于鲁封鲁公以为周公也周公拜乎前鲁公拜乎后曰生以养周公死以为周公主然则周公之鲁乎曰不之鲁也封鲁公以为周公主然则周公曷为不之鲁欲天下之一乎周也鲁祭周公何以为牲周公用白牡鲁用骍犗羣公不毛鲁祭周公何以为盛周公盛鲁公煮羣公廩世室屋坏何以书讥何讥尔久不修也冬公如晋卫侯防公于沓狄侵卫十有二月己丑公及晋侯盟公还自晋郑伯防公于棐还者何善辞也何善尔前此者郑卫背晋而与楚公之往也卫侯防公于沓请平于晋其还也郑伯防公于棐亦请平于晋公皆成之一举而三国附固诸侯之义也

十有四年春王正月公至自晋邾人伐我南鄙叔彭生帅师伐邾夏五月乙亥齐侯潘卒六月公防宋公陈侯卫侯郑伯许男曹伯晋赵盾癸酉同盟于新城秋七月有星孛入于北斗孛者何彗星也其言入于北斗何北斗有中也何以书记异也公至自防晋人纳防菑于邾弗克纳此纳也其言弗克纳何弗者迂辞也非力不能克义不可纳也此其为义不可纳奈何晋郤缺帅师革车八百乘以纳防菑于邾力沛若有余邾人言曰接菑晋出也纘且齐出也子以其指则接菑也四纘且也六子以大国压之则未知齐晋孰有之也贵则皆贵矣虽然纘且也长郤缺曰非吾力不能纳义实不尔也引师而去之此晋郤缺之师也其称人何贬曷为贬不与大夫专废置君也此邾防菑也曷为不系乎邾贬曷为贬邾非防菑之所可号纳非防菑之所可名纳非防菑之所可名则其曰纳防菑于邾何于纳也然后知其弗克纳君子与焉九月甲申公孙敖卒于齐大夫出奔曷为或卒或不卒或可以卒或以卒曷为或可以卒或不可以卒大夫出其宗庙爵禄犹列于朝出入犹诏于国兄弟宗族犹存是大夫而已矣卒之可也爵禄无列于朝出入无诏于国兄弟宗族无存是非大夫而已矣卒之不可也齐公子商人弑其君舍此未逾年之君也其言弑其君舍何成死者而贱生者也然则奚齐何以不成弑君者或弑而伐之或弑而取之恶莫甚焉宋子哀来奔子哀者何宋大夫也其称字何贤也自外至者贤之不名自内至者贤之不书何贤乎子哀以为知义也其知义奈何蓋兆乎宋之将乱而去也冬单伯如齐齐人执单伯齐人执子叔姬子叔姬者何齐君舍之母也齐君舍之母则齐人曷为执之公子商人弑其君而暴其母单伯如齐请以归曰杀其子焉用其母商人怒为是执之何以不称行人或曰不称行人者非其所为使也或曰附庸之君也生不名死不卒故执亦不称行人也此一事也曷为再言齐人嫌也

十有五年春季孙行父如晋三月宋司马华孙来盟其称司马何官举之也曷为官举之是杀其大夫司马者也何以不称使蓋專行也以是为无君矣夏曹伯来朝齐人归公孙敖之丧何以不言来归而不来也何以知其归胁我而归之也胁我而归之奈何公孙敖卒于齐其子请以葬弗许齐人为之谋焉曰鲁尔亲也饰棺置诸堂阜鲁必取之孟氏从之于是取以归葬视公子庆父然则何以书讥何讥尔以大夫卒之而不以大夫终之非鲁也制人之君臣使上不行乎下非齐也六月辛丑朔日有食之鼓用牲于社单伯至自齐大夫执则致致则名此其不名何或曰为其贵也或曰为其贤也单伯之贤奈何使于四方不辱君命以为有耻也晋郤缺

帅师伐蔡戊申入蔡入不言伐此其言伐何非一事也曷为非一事既伐而去矣又入焉者也然则何言尔疾之也曷为疾之为谗也秋齐人侵我西鄙季孙行父如晋冬十有一月诸侯盟于扈诸侯何以不序不足序也其不足序奈何欲治齐而后不能也欲治齐而后不能孰恶恶晋也恶晋则其言诸侯何晋固为诸侯长矣非诸侯之罪也陈恒弑其君孔子沐浴而朝告于哀公曰陈恒弑其君请讨之公曰告夫三子孔子曰以吾从大夫之后不敢不告也公曰告夫三子者之三子告不可孔子曰以吾从大夫之后不敢不告也十有二月齐人来归子叔姬其言来归何出也郕伯姬来归则何以不称人称人以归者归无罪者也不称人以归者归有罪者也国君出大夫使大夫致之将命曰寡君不敏不能从而事社稷宗庙使使臣某告于执事主人对曰寡君固前辞不教矣敢不敬须以俟命故称人以归者賁之事也不称人以归者主人之礼也齐侯侵我西鄙遂伐曹入其郛郛者何恢郭也入不言伐此其言伐何入其郛故称入焉来入其国故称伐焉

十有六年春季孙行父防齐侯于阳谷齐侯弗及盟其言弗及盟何弗者迁辞也非弗其盟也弗肯与盟也齐侯曷为弗肯与季孙行父盟季孙行父防齐侯于阳谷其义固弗可与盟也大国之卿可以防小国之君不可以防次国之君此弗肯也其谓之弗及何所耻也为贱而弗肯及使若弗及然夏五月公四不视朔公曷为四不视朔公有疾也何言乎公有疾不视朔自是公无疾不视朔也然则曷为不言公无疾不视朔有疾犹可言也无疾不可言也六月戊辰公子遂及齐侯盟于郟丘秋八月辛未夫人姜氏薨毁泉台何以书讥何讥尔讥毁也曷为讥毁有蛇自泉宫出入于国如先君之数既而夫人薨鲁人以为祥毁泉台非明民之道也楚人秦人巴人灭庸冬十有一年宋人弑其君杵臼弑君者曷为或称名氏或不称名氏以氏通者称氏以名通者称名名氏不通者称人贱者称盗贵贱之序也其义一施之君子无加损焉

十有七年春晋人卫人陈人郑人伐宋夏四月癸丑葬我小君声姜声姜者何文公之母也齐侯伐我西鄙六月癸未公及齐侯盟于谷诸侯防于扈诸侯何以不序不足序也其不足序奈何欲治宋而后不能也秋公至自谷曷为不言至自防离不言防防者事之成也冬公子遂如齐

十有八年春王二月丁丑公薨于台下秦伯防卒夏五月戊戌齐人弑其君商人传曰齐侯之为公子也与邴歜之父争田弗胜及即位刖邴歜之父纳閭职之妻而使歜为仆使职参乘二人者相与谋弑之而走六月癸酉葬我君文公秋公子遂叔孙得臣如齐使言上客者也其曰公子遂叔孙得臣何是非常使也是非常使者何公子遂将立宣公谓叔彭生曰君防如之何愿与子虑之叔彭生对曰吾子相之老夫抱之何防君之有公子遂知其不可与谋自是聘于齐齐侯许之立宣公冬十月子卒子卒者孰谓谓子赤也夫人姜氏归于齐归者何大归也夫人姜氏曷为归于齐子赤弑也子赤夫人之子也宣公敬嬴之子也敬嬴私事公子遂公子遂弑子赤而以君命召叔彭生彭生将入其宰公冉务人止之曰入必死彭生曰死君命可也公冉务人曰若君命可死非君命何听弗听乃入公子遂杀彭生夫人姜氏自是归于齐哭而过市曰天乎仲为不道杀嫡立庶市人皆哭鲁人谓之哀姜叔彭生死君命何以不书贬曷为贬人臣无将将而诛焉公子遂之将也彭生知之矣昉乎杀子赤而立宣公者叔彭生为之也季孙行父如齐莒弑其君庶其称国以弑何其称国以弑者众弑君之辞也

春秋传卷七

卷八

钦定四库全书

春秋传卷八

宋 刘敞 撰

宣公

元年春王正月公即位继弑不言即位此其言即位何如其意也公子遂如齐逆女三月遂以夫人妇姜至自齐遂何以不称公子一事而再见者卒名也夫人何以不称姜氏贬曷为贬丧娶也丧娶者公也曷为贬夫人夫人与有贬也妇人在家制于父既嫁制于夫妇人不专行其曰与有贬何父母与有罪也其称妇何有姑之辞也夏季孙行父如齐晋放其大夫胥甲父于卫放之者何宥之以遠者也其言于卫何犹曰无去是云尔曷为或称国以放其大夫或称人以放其大夫称人以放其大夫者放有罪也称国以放其大夫者放无罪也胥甲父之无罪奈何晋人秦人战于河曲交绥秦行人夜戒晋师曰两君之士皆未愾也明日请复战防骈者晋君之将也谋曰使者目动而言肆将遁矣薄诸河必败之胥甲父曰不可死伤未收而弃之不惠也不待期而薄人于险无勇也于是止晋人患其不得志于秦讨胥甲父而放之曰毋若胥甲父之不用命也君子盖讥之公防齐侯于平州公子遂如齐六月齐人取济西田外取邑不书此何以书非齐取之也齐人取济西田则何言乎非齐取之我以赂齐也曷为赂齐为弑子赤之赂也赂齐尔何言乎齐人取之讳也秋邾子来朝楚子郑人侵陈遂侵宋晋赵盾帅师救陈宋公陈侯卫侯曹伯防晋师于榘林伐郑此晋赵盾之师曷为不言防晋赵盾之师君不防大夫之辞也冬晋赵穿帅师侵崇崇者何国也晋人宋人伐郑

二年春王二月壬子宋华元帅师及郑公子归生帅师战于大棘宋师败绩获宋华元战而言及之者主之者也犹曰宋华元为志乎为此战也云尔此获也其言师败绩何师重于大夫也秦师伐晋夏晋人宋人卫人陈人侵郑秋九月乙丑晋赵盾弑其君夷皋传曰亲弑君者赵穿也亲弑君者赵穿则其曰赵盾弑其君何加之弑也曷为加之弑不讨贼也然则赵穿曷为弑其君晋灵公为无道使诸大夫皆内朝然后处于台上引弹而弹之已趋而辟丸是乐而已矣赵盾已朝而出与诸大夫立于朝有人荷畚自闺而出者赵盾曰彼何也夫畚曷为出乎闺呼之不至曰子大夫也欲视之则就视之赵盾就而视之则赫然死人也赵盾曰是何也曰膳宰也熊蹯不熟公怒以斗掣而杀之支解将使我弃之赵盾曰嘻趋而入灵公望见赵盾愬而再拜赵盾逡巡北面再拜稽首趋而出灵公心忤焉欲杀之于是使勇士某者往杀之勇士入其大门则无人焉者入其闺则无人焉者上其堂则无人焉俯而闚其户方食鱼餐勇士曰嘻子诚仁人也吾入子之大门则无人焉入子之闺则无人焉上子之堂则无人焉是子之易也子为晋国重卿而食鱼餐是子之俭也君将使吾杀子吾不忍杀子也虽然吾亦不可复见吾君矣遂刎颈而死灵公闻之怒滋欲杀之甚众莫可使往者于是伏甲于宫中召赵盾而食

之赵盾之车右祗弥明者国之力士也伋然从乎赵盾而入放乎堂下而立赵盾已食灵公谓盾曰吾闻子之剑盖利剑也子以示我吾将观之赵盾起将进剑祗弥明自下呼之曰盾食饱则出何故防剑于君所赵盾知之躇阶而走灵公有周狗曰獒呼獒而属之獒亦躇阶而从之祗弥明逆而蹇之绝其颌赵盾顾曰君之獒不若臣之獒也然而宫中甲鼓而起有起于甲中者抱赵盾而乘之赵盾顾曰吾何以得此于子曰子某时所食活我于暴桑下者也赵盾曰子名为谁曰吾君孰为介子之乘矣何问吾名赵盾驱而出众无留之者赵穿者赵盾之族子弟也缘民众不说起弑灵公然后迎赵盾而入立成公黑臀太史董狐书赵盾弑公以示于朝告于诸侯赵盾曰天乎无辜孰为盾而忍弑其君者乎董狐曰尔为仁为义人弑尔君而不讨贼则志同志同非子弑君则谁哉赵盾曰呜呼我之懷矣自诒伊戚其我之谓矣孔子曰董狐古之良史也书法不隐赵盾古之良大夫也为法受恶惜也讨贼则免冬十月乙亥天王崩

三年春王正月郊牛之口伤改卜牛牛死乃不郊犹三望其言之何缓也其缓奈何伤自牛作也牛死则曷为遂不郊养牲养二卜帝牲牛不吉则扳稷牲而卜之帝牲在于涤三月于稷者唯具是视郊则曷为必祭稷王者必以其祖配王者则曷为必以其祖配自内出者无匹不行自外至者无主不止万物本乎天人本乎祖此所以配也葬匡王楚子伐陆浑戎夏楚人侵郑秋赤狄侵齐宋师围曹冬十月丙戌郑伯兰卒葬郑穆公四年春王正月公及齐侯平莒及邾莒人不肯公伐莒取向何言乎莒人不肯公伐莒取向讥何讥尔平莒及邾义也莒人不肯吾有不义焉伐莒彊也取向利也非君子之道也君子之道犹射射者正己而不中不怨胜己者反求诸己而已矣秦伯稻卒夏六月乙酉郑公子归生弑其君夷传曰楚人献鼃于郑灵公公子宋公子归生将见公子宋之食指动以示归生曰他日我如此必尝异味及入宰夫解鼃相视而笑公问之归生以告及食大夫鼃召公子宋而弗与也公子宋怒染指于鼎尝之而出公亦怒将杀之公子宋与公子归生谋先归生曰畜老犹憚杀之而况君乎公子宋反譖归生归生从之卒相与弑灵公赤狄侵齐秋公如齐公至自齐冬楚子伐郑

五年春公如齐夏公至自齐秋九月齐高固来逆子叔姬叔孙得臣卒冬齐高固及子叔姬来何言乎高固之来讥何讥尔子叔姬来可也高固来不可也子叔姬来何以可高固来何以不可嫁女者父母在则归宁大夫非君命不越疆齐高固及子叔姬来专行之辞也楚人伐郑

六年春晋赵盾卫孙免侵陈夏四月秋八月螽冬十月七年春卫侯使孙良夫来盟夏公防齐侯伐莱秋公至自伐莱大旱冬公防晋侯宋公卫侯郑伯曹伯于黑壤八年春公至自防夏六月公子遂如齐至黄乃复其言至黄乃复何有疾也何言乎有疾乃复讥何讥尔大夫以君命出未致使而死以尸将事辛巳有事于太庙仲遂卒于垂仲遂者何公子遂也大夫卒称名仲者字也其曰仲遂何讥何讥尔讥世卿世卿非礼也言自是世仲氏也世卿多矣曷为独讥乎此因其可讥而讥之此其为可讥奈何言是乃弑子赤者也其诸则宜于此焉正之矣此公子也何以称公子贬曷为贬为弑子赤贬也弑君者不卒此何以卒以事之变卒之也壬午犹绎万入去籥绎者何祭之明日也万者何干舞也籥者何籥舞也万舞以干羽舞以籥其言万入去籥何去其有声者废其无声者存其心焉尔存其心焉尔者何知其不可而为之也戊子夫人嬴氏薨晋师白狄伐秦楚人灭舒蓼秋七月甲子日有食之既冬十月己丑葬我小君敬嬴雨不克葬庚寅日中而克葬曷为或言而或言乃乃难乎而也难者何丧事卜日日而行事礼

也雨不克葬事之制也中日而克葬制之可者也日下昃乃克葬制之不可者也城平阳楚师伐陈

九年春王正月公如齐公至自齐夏仲孙蔑如京师齐侯伐莱秋取根牟根牟者何附庸之国也八月滕子卒九月晋侯宋公卫侯郑伯曹伯防于扈晋荀林父帅师伐陈辛酉晋侯黑臀卒于扈何以地在外也何以不言卒于防防及也冬十月癸酉卫侯郑宋宋人围滕楚人伐郑晋郤缺帅师救郑陈杀其大夫泄冶称国以杀大夫者罪累上也泄冶之累上奈何陈灵公与孔宁仪行父通乎夏徵舒之家或衣其衣或衷其襦以相戏于朝泄冶谏曰公卿宣淫民无效焉且闻不令君其已乎公曰吾能改矣公告二子二子怒请杀之公弗禁于是相与杀泄冶然则泄冶犹可以为罪乎曰薄乎云尔安得无罪君子之所谓大臣者以道事君不可则止是以乱邦不居泄冶之谓从矣昉乎杀其身

十年春公如齐公至自齐齐人归我济西田其言我何有齐济者有鲁济者归我济西田鲁济者也夏四月丙辰日有食之己巳齐侯元卒齐崔氏出奔卫崔氏者何崔杼也崔杼则其言崔氏何贬曷为贬讥世卿世卿非礼也传曰崔杼有宠于惠公高氏国氏畏其偪也公卒而逐之世卿多矣曷为独讥乎此因其可讥而讥之此其为可讥奈何言是乃弑其君者也其诸则宜于此焉正之矣公如齐五月公至自齐癸巳陈夏徵舒弑其君平国传曰陈灵公与公孙宁仪行父饮酒于夏氏公谓行父曰徵舒似女对曰亦似公徵舒病之公出自其廐射而杀之公孙宁仪行父惧走而诉之楚六月宋师伐滕公孙归父如齐葬齐惠公晋人宋人卫人曹人伐郑秋天王使王季子来聘王季子者何王季子也何言乎王季子讥何讥尔古者二十而冠四十而仕五十而爵天子之元子犹士也天下无生而贵者也王者不以爱害公公孙归父帅师伐邾取绎大水季孙行父如齐冬公孙归父如齐齐侯使国佐来聘饥曷为或言饥或言大饥凶年补败不足曰饥死伤流亡曰大饥楚子伐郑十有一年春王正月夏楚子陈侯郑伯盟于辰陵公孙归父防齐人伐莒秋晋侯防狄于攢函其言防狄何狄无君无大夫晋侯狄云则不辞冬十月楚人杀陈夏徵舒其称人以杀何讨贼之辞也此楚人也其以讨贼言之何与之也曷为与之上无天子下无方伯天下诸侯有时无道臣弑君子弑父者义能讨之则讨之可也丁亥楚子入陈纳公孙宁仪行父于陈公孙宁仪行父者何陈大夫之与君淫者也与君淫者则恶矣其言纳何微二子则楚兵不出君弑贼不讨陈国必亡所以杀夏徵舒而定君存国焉者由有二子也然则曷为不系之陈不与系于陈也予之纳则曷为不予系于陈曰楚人纳之陈人受之是也二子利而居之非也君由已弑而我以临国人何以治矣

十有二年春葬陈灵公楚子围郑夏六月乙卯晋荀林父帅师及楚子战于邲晋师败绩战而言及之者主之者也犹曰晋荀林父为志乎为此战也云尔传曰楚庄王围郑旬有七日郑人卜行成不吉卜临于大宫且巷出车吉国人大临守陴者皆哭楚子退师郑人修城进复围之三月克之入自皇门至于逵路郑伯肉袒左执茅旌右执鸾刀以逆曰寡人无良邊垂之臣以干天祸是以使君王沛焉辱到敝邑君如矜此丧人锡之不毛之地使帅一二耄老而绥焉请唯君王之命庄王曰君之不令臣交易为言是以使寡人得见君之玉面而微至于此亲自手旌左右麾军退舍七里将军子重谏曰南郢之与郑相去数千里诸大夫死者数人厮役扈养死者数百人今君胜郑而不有无乃失臣民之力乎庄王曰古者杆不穿皮不蠹则不出于四

方是以君子笃于礼而薄于利要其人不要其土吾从不赦不祥吾以不祥道民灾反吾身何日之有既则晋师之救郑者至曰请战庄王许诺将军子重諫曰王师淹病矣晋大国也君请勿许庄王曰弱者吾威之彊者吾辟之是以使寡人无以立乎天下令之还师而逆晋寇庄王鼓之晋师大败晋众之走者舟中之指可掬矣庄王曰嘻吾两君不相好百姓何罪令之还师而佚晋寇秋七月冬十有二月戊寅楚子灭萧晋人宋人卫人曹人同盟于清丘此同盟也其称人何晋先穀宋华椒卫孔達曹大夫也晋先穀宋华椒卫孔达曹大夫则其称人何贬曷为贬同盟者人君之礼也非人臣之礼也宋师伐陈卫人救陈

十有三年春齐师伐莒夏楚子伐宋秋螽冬晋杀其大夫先穀称国以杀大夫者罪累上也先穀之累上奈何邲之战荀林父将中军先穀佐之及河闻郑既及楚平荀林父欲还曰不及于郑而勦民焉用之楚归而动可也士防曰善防闻用师观衅而动德刑政事典礼不易则不可敌也楚君讨郑怒其贰而哀其卑叛而伐之服而舍之德刑成矣伐叛刑也柔服德也入陈而克郑民不疲劳政有经矣荆尸而举商农工贾不败其业而卒乘辑睦事不奸矣蒍敖为宰择楚国之令典军行右辕左追蓐前茅虑无中权后劲百官象物而动军政不戒而备能用典矣其君之举也内姓选于亲外姓选于旧举不失德赏不失劳老有加惠旅有施舍君子小人物有服章贵有常尊贱有等威礼不逆矣是不可敌也见可而进知难而退此时之谓也先穀曰不可晋所以霸师武臣力也今失诸侯不可谓力有敌而不从不可谓武由我失霸不如死以其属先济大败晋师此杀有罪其以累上言之何恶晋侯也曷为恶晋侯古之用兵者大防不赏上下皆不伐善大败不诛上下皆自以不善在已晋师还荀林父请死君曰不可固若义也已而耻不得志杀先穀则是疾过也

十有四年春卫杀其大夫孔达称国以杀大夫者罪累上也孔达之累上奈何清丘之盟陈人叛中国而与楚宋师伐陈孔达曰吾先君有约言矣救之晋人问师故卫侯惧杀孔达以说于晋告于诸侯曰寡君有不令之臣达构我敝邑于大国既伏其罪矣然后室其子使复其位夏五月壬申曹伯壽卒晋侯伐郑秋九月楚子围宋葬曹文公冬公孙归父防齐侯于谷

十有五年春公孙归父防楚子于宋此围宋也曷为地以宋防所以平宋也然则何言尔成公意也夏五月宋人及楚人平平者称国此其称人何平者在下也楚人围宋则曷为平者在下楚子围宋军有七日之粮尔尽此不胜将去而归尔于是使司马子反乘堙而闚宋城宋华元亦乘堙而出见之司马子反曰子之国何如华元曰惫矣曰何如曰易子而食之析骸而炊之司马子反曰嘻甚矣惫虽然吾闻之也圉者柑马而秣之使肥者应客是何子之情也华元曰吾闻之君子见人之厄则矜之小人见人之厄则幸之吾见子之君子也是以告情于子也司马子反曰诺勉之矣吾军亦有七日之粮尔尽此不胜将去而归尔揖而去之反于庄王庄王曰何如司马子反曰惫矣曰何如曰易子而食之析骸而炊之庄王曰嘻甚矣惫虽然吾今取此然后而归尔司马子反曰不可臣已告之矣军有七日之粮尔庄王怒曰吾使子往视之子曷为告之司马子反曰以区区之宋犹有不欺人之臣可以楚而无乎是以告之也庄王曰诺舍而止虽然吾犹取此然后而归尔司马子反曰然则君请处于此臣请归尔庄王曰子去我而归吾孰与处于此吾亦从子而归尔于是许宋平此宋华元楚子反也其称人何贬曷为贬尊不亲小事卑不尸大名卑者义也不与大夫专平也六月癸卯晋师灭赤狄潞氏以潞子婴

儿归婴儿何以名絕曷为絕去位而虜也秦人伐晋王札子杀召伯毛伯王札子者何王子札子也王子札子则其称王札子何当上之辞也当上之辞者何假王命而杀也为天下主者天也继天者君也君之所司者命也为人臣侵其君之命则不臣为人君假其臣之命则不君臣不臣君不君天下所以乱也春秋诸侯死不以其道名召伯毛伯之所以昉乎死者自取之也其自取之奈何召氏毛氏为王卿士而争政周室以乱王子札子假王命杀之非上下之正也秋螽仲孙蔑防齐高固于无娄初税亩初者何始也税亩者何履亩而税也初税亩何以书讥何讥尔讥始履亩而税也古者什一而借古者曷为什一而借什一者天下之中正也多乎什一大桀小桀寡乎什一大貉小貉什一者天下之中正也什一行而颂声作矣冬螽生螽者何螽之始生也螽之始生亦螽也已其谓之螽何螽者其未能为螽者也螽生何以书记灾也饥

十有六年春王正月晋人灭赤狄甲氏及留吁夏成周宣榭灾成周者何天子之东都也宣榭者何宣宫之榭也宣宫久矣犹存乎古者天子祖有功宗有德虽百世存可也宣王之时周亡而复存礼废而复兴秋郟伯姬来归其言来归何弃也不言其人何受之也冬大有年大有年者何大丰年者也

十有七年春王正月庚子许男锡我卒丁未蔡侯申卒夏葬许昭公葬蔡文公六月癸卯日有食之己未公防晋侯卫侯曹伯邾子同盟于断道秋公至自防冬十有一月壬午公弟叔 卒诸侯之尊弟兄不得以属通其弟云者以重书也何重乎叔 宣公之母弟也其称叔 何贤也其贤奈何以为知义也宣公弑子赤而立叔 病之欲仕则不可欲去则兄弟也织屨而食终身不食宣公之食君子以是为通恩也以取贵乎春秋十有八年春晋侯卫世子臧伐齐公伐 夏四月秋七月邾人戕鄆子于鄆戕之者何贼之也自外而至也春秋诸侯不以其道死名鄆何以不名略之也曷为略之言鄆子之所以昉乎死者自取之也其自取之奈何无闻焉尔甲戌楚子旅卒何以不书葬莒不书葬吴楚不书葬莒不书葬其号夷也吴楚不书葬其号嫌也公孙归父如晋冬十月壬戌公薨于路寝归父还自晋至笙遂奔齐还者何善辞也何善尔宣公欲去三桓以张公室使归父谋于晋未反而宣公薨季孙行父言于朝曰使我杀适立庶以失大援者仲也夫臧孙许曰然子欲去之许请去之于是遣归父之家归父还自晋至笙闻君薨家遣塋帷哭君成踊反命乎介自是走之齐

春秋传卷八

卷九

钦定四库全书

春秋传卷九

宋 刘敞 撰

成公

元年春王正月公即位二月辛酉葬我君宣公无冰三月作丘甲作丘甲者何赋丘为甲也何以书讥何讥尔古者取于民也有常作丘甲非正也夏臧孙许及晋侯盟于赤棘秋王师败绩于茅戎茅戎者何戎之别也此败绩也何以不言战王者无敌天下莫敢当也莫敢当其言败绩何天下之势大矣非有能败王之师者也王自败也冬十月

二年春齐侯伐我北鄙夏四月丙戌卫孙良夫帅师及齐师战于新筑卫师败绩战而言及之者主之者也犹曰孙良夫为志乎为此战也云尔传曰晋郤克眇卫孙良夫跛同时而聘于齐齐侯使眇者迺眇者跛者迺跛者萧同叔子者齐君之母也处台上而笑之闻于客客不说而出将去齐相与立胥间而语移日然后去齐人皆曰患之起必自此始矣六月癸酉季孙行父臧孙许叔孙侨如公孙婴齐帅师防晋郤克卫孙良夫曹公子首及齐侯战于鞌齐师败绩帅言元帅者也其曰季孙行父臧孙许叔孙侨如公孙婴齐何讥何讥尔古者大国三卿次国二卿小国一卿元侯之卿有军作师以承天子诸侯之卿无军教卫以听元侯鲁一军多矣二军非礼也三军僭也四军悖也亡制甚矣秋七月齐侯使国佐如师己酉及国佐盟于袁娄此齐国佐也曷为不系之齐权在国佐也权在国佐奈何晋郤克为鞌之战齐师大败齐侯使国佐如师郤克曰与我纪侯之甗反鲁卫之侵地使耕者东亩且以萧同叔子为质则吾舍子矣国佐曰与我纪侯之甗请诺反鲁卫之侵地请诺使耕者东亩则是土齐也萧同叔子者齐君之母也齐君之母犹晋君之母也此不可请战一战不胜请再再战不胜请三三战不胜则齐国尽子之有也何必以萧同叔子为质揖而去之郤克眇鲁卫之使使以其辞而为之请然后许之逮于袁娄而与之盟此诸侯之大夫也曷为不言诸侯之大夫贬曷为贬大夫侈而专怙势而骄国君未为人下之节也八月壬午宋公鲍卒庚寅卫侯速卒取汶阳田冬楚师郑师侵卫十有一月公防楚公子婴齐于蜀丙申公及楚人秦人宋人陈人卫人郑人齐人曹人邾人薛人鄆人盟于蜀此楚公子婴齐也其称人何贬曷为贬婴齐专于楚为兵车之防以威中国使蔡侯居左许男居右诸侯之大夫皆受盟焉尔

三年春王正月公防晋侯宋公卫侯曹伯伐郑辛亥葬卫穆公二月公至自伐郑甲子新宫灾三日哭新宫者何宣公之宫也宣宫则曷为谓之新宫不忍言也其言三日哭何庙灾三日哭礼也乙亥葬宋文公夏公如晋郑公子去疾帅师伐许公至自晋秋叔孙侨如帅师围棘棘者何汶阳之邑也曷为围之叛也叛则何以不言叛内不言叛内何以不言叛天子微诸侯僭诸

侯微大夫凌大夫微倍臣胁矣大雩晋郤克卫孙良夫伐廆咎如冬十有一月晋侯使荀庚来聘卫侯使孙良夫来聘丙午及荀庚盟丁未及孙良夫盟此晋荀庚卫孙良夫也何以不系国贬曷为贬遂事也大夫无遂事古之聘者圭璋币帛受之祖庙辞无常孙而说诸侯自为正之具也非盟之谓也郑伐许其谓之郑何蓋外之也曷为其外之其为师之道于此焉非诸夏为之也

四年春宋公使华元来聘三月壬申郑伯坚卒杞伯来朝夏四月甲寅臧孙许卒公如晋葬郑襄公秋公至自晋冬城郛郑伯伐许此未逾年之君也其称郑伯何既自以为君矣春秋有待贬絕而罪恶见者贬絕以见罪恶也有不待贬絕而罪恶见者不贬絕以见罪恶也五年春王正月杞叔姬来归仲孙蔑如宋夏叔孙侨如防晋荀首于谷梁山崩梁山者何晋河上之山也梁山崩何以书记异也传曰梁山崩晋侯以传召伯宗伯宗辟重曰辟传重人曰待我不如防之速也问其所曰绛人也问绛事曰梁山崩将召伯宗谋之问将若之何曰山有朽壤而崩可若何国主山川故山崩川竭君为之不举降服乘縵彻乐出次祝币史辞以礼焉其如此而已伯宗以告于君行之秋大水冬十有一月己酉天王崩十有二月己丑公防晋侯齐侯宋公卫侯郑伯曹伯邾子杞伯同盟于虫牢

六年春王正月公至自防二月辛巳立武宫武宫者何武公之宫也立者何立者不宜立也立武宫非礼也犹曰周公后稷之庙鲁公文王之庙武公武王之庙也云尔取鄆鄆者何附庸之国也卫孙良夫帅师侵宋夏六月邾子来朝公孙婴齐如晋壬申郑伯费卒秋仲孙蔑叔孙侨如帅师侵宋楚公子婴齐帅师伐郑冬季孙行父如晋晋栾书帅师救郑

七年春王正月鼯鼠食郊牛角改卜牛鼯鼠又食其角乃免牛吴伐郟夏五月曹伯来朝不邾犹三望秋楚公子婴齐帅师伐郑公防晋侯齐侯宋公卫侯曹伯莒子邾子杞伯救郑八月戊辰同盟于马陵公至自防吴入州来冬大雩卫孙林父出奔晋

八年春晋侯使韩穿来言汶阳之田归之于齐晋侯曷为使韩穿来言汶汤之田归之于齐鞌之战齐师大败齐侯朝晋而事之晋侯说使鲁卫皆反其侵地古者诸侯不专土归汶阳之田于齐非礼也晋栾书帅师伐蔡公孙婴齐如莒宋公使华元来聘夏宋公使公孙壽来纳币纳币不书此何以书讥何讥尔蓋以丧娶也宋未有言丧者何用知其以丧娶也纳币不书以公子遂之如齐纳币为丧娶故亦知宋公孙壽来纳币之为丧娶也晋杀其大夫赵同赵括称国以杀大夫者罪累上也赵同赵括之累上奈何赵朔者晋侯之壻也其季父曰婴朔死而乱其室赵同赵括怒戮而放之婴曰我在故栾氏不作我亡吾二昆必忧弗听赵姬怒譖之于君曰同与括将为乱君问诸栾氏郤氏对曰固闻之君于是杀赵同赵括然则赵同赵括之罪奈何赵同赵括之为人臣也内不正其亲外专戮以干其君足以杀其身而已矣秋七月天子使召伯来赐公命曷为或言锡命或言赐命锡命爵也上公九命诸侯七命子男五命若有加焉则赐曷为不称天王讥何讥尔王者之制也无其德不敢服其服故虽天子不以私假人有临诸侯之言焉有临天下之言焉冬十月癸卯杞叔姬卒此已絕矣其言杞何以杞夫人之礼为之也絕则曷为以杞夫人之礼为之言将归焉蓋摄主以接诸侯也何以书讥何讥尔讥胁杞而归之也晋侯使士燮来聘叔孙侨如防晋士燮齐人邾人伐郟卫人来媵媵者何诸侯嫁女于

诸侯以侄娣从二国从媵之亦以侄娣从诸侯必三归媵不书此何以书讥何讥尔三国来媵非礼也交讥之九年春王正月杞伯来逆叔姬之丧以归公防晋侯齐侯宋公卫侯郑伯曹伯莒子杞伯同盟于蒲公至自防二月伯姬归于宋夏季孙行父如宋致女致女者何妇人既嫁三月而见于庙称妇致之者成之也常事不书此何以书讥何讥尔讥使卿致女也晋人来媵秋七月丙子齐侯无野卒晋人执郑伯称人以执者非伯讨也此其为非伯讨奈何楚人以赂求郑郑伯防于楚晋人怒及郑伯之朝也执之而伐其国郑人改立君以拒晋然后归郑伯郑之乱晋为之也晋栾书帅师伐郑冬十有一月葬齐顷公楚公子婴齐帅师伐莒庚申莒溃楚人入郕郕者何莒附庸之国也秦人白狄伐晋郑人围许城中城

十年春卫侯之弟黑背帅师侵郑夏四月五卜郊不从乃不郊其言乃不郊何不免牲故言乃不郊也五月公防晋侯齐侯宋公卫侯曹伯伐郑齐人来媵丙午晋侯獯卒秋七月公如晋传曰葬晋侯也曷为不言葬晋景公不与葬晋使也曷为不与天子之丧动天下属诸侯诸侯之丧动通国属大夫大夫之丧动二国属修士士之丧动一乡属朋友庶人之丧动州里属党族公之葬晋侯非礼也以为唯天子之事焉可也冬十月

十有一年春王正月公至自晋晋侯使郤犏来聘己丑及郤犏盟此晋郤犏也何以不系国贬曷为贬遂事也大夫无遂事然则孰及之公也则曷为不言公公不防大夫不与大夫盟公与大夫盟不言公非欲之也夏季孙行父如晋秋叔孙侨如如齐冬十月

十有二年春周公出奔晋周公者何天子之三公也王者无外此其言出何自其私土而出也夏公防晋侯卫侯于 泽秋晋人败狄于交刚狄何以不言战不与战也曷为不与战六月之师周之盛烈也其于猥狁驱之尔冬十月

十有三年春晋侯使郤锜来乞师三月公如京师公如京师不书此何以书讥何讥尔公非如京师也为伐秦故如京师也夏五月公自京师遂防晋侯齐侯宋公卫侯郑伯曹伯邾人滕人伐秦其言自京师何为恭也曷为为恭不敢过天子也曹伯庐卒于师秋七月公至自伐秦冬葬曹宣公

十有四年春王正月莒子朱卒夏卫孙林父自晋归于卫秋叔孙侨如如齐逆女郑公子喜帅师伐许九月侨如以夫人妇姜氏至自齐冬十月庚寅卫侯臧卒秦伯卒

十有五年春王二月葬卫定公三月乙巳仲婴齐卒仲婴齐者何公孙婴齐也公孙婴齐则曷为谓之仲婴齐为兄后也为兄后则曷为谓之仲婴齐为人后者为之子也为人后者为之子则其称仲何孙以王父字为氏也然则婴齐孰后后归父也归父出奔齐鲁人徐伤其无后也于是使婴齐后之非正也古者盖一昭一穆癸丑公防晋侯卫侯郑伯曹伯宋世子成齐国佐邾人同盟于戚晋侯执曹伯归于京师称侯以执者伯讨也此其为伯讨奈何曹伯庐卒于师曹人使公子负刍守使公子欣时逆公子负刍杀世子而自立也为是执之公至自防夏六月宋公固卒楚子伐郑秋八月庚辰葬宋共公宋华元出奔晋宋华元自晋归于宋宋杀其大夫山称国以杀大夫者罪累上也山之累上奈何宋公六卿鱼氏荡氏向氏鳞氏皆桓族也荡氏

汰而骄共公卒已葬六卿作乱逐华元华元自晋归于宋使国人攻桓氏杀大夫山黜鱼石国然后定宋鱼石出奔冬十有一月叔孙侨如防晋士燮齐高无咎宋华元卫孙林父郑公子防邾人防吴于钟离其言防吴何防吴子也曷为再言防邾人吴云则不辞许迁于叶

十有六年春王正月雨木冰雨木冰者何雨而木冰也何以书记异也夏四月辛未滕子卒郑公子喜帅师侵宋六月丙寅朔日有食之晋侯使栾黶来乞师甲午晦晋侯及楚子郑伯战于鄢陵楚子郑师败绩战而言及之者主之者也犹曰晋侯为志乎为此战也云尔败者称师楚何以不称师王夷也王夷者何伤乎矢也然则何以不言师败绩未言尔楚杀其大夫公子侧称国以杀大夫者罪累上也公子侧之累上奈何战于鄢陵也晋人射楚子中其目将复战召公子侧而谋谷阳竖者公子侧之嬖也献饮焉公子侧醉不能见使者楚子曰天败楚也夫使谓公子侧曰先大夫之覆师徒者君不在焉子无以为过不谷之罪也公子侧北面再拜稽首曰君赐使死死且不朽臣之卒实奔敢忘其罪遂自杀也秋公防晋侯齐侯卫侯宋华元邾人于沙随不见公不见公者何公不见见也公不见见何以书不耻也曷为不耻前此者晋侯将伐郑使栾黶来乞师未至而晋与楚战叔孙侨如者佞人也恶季文子孟献子将去之潜公于晋侯曰鲁师之不至以待胜者晋侯怒为是不见公公至自防公防尹子晋侯齐国佐邾人伐郑曹伯归自京师此复归也曷为不言复不与复也曷为不与复是杀其君之子者也其言自京师何言王之舍有罪也九月晋人执季孙行父舍之于莒丘称人以执者非伯讨也此其为非伯讨奈何晋侯用叔孙侨如之潜不见公执季孙行父非君臣之义也古者是为重为仕而罪不胜逵为涂而诛不至其言舍之于莒丘何如不善而能已者君子之执者致行父何以不致未以归故言释也已释之故不致也冬十月乙亥叔孙侨如出奔齐十有二月乙丑季孙行父及晋郤犨盟于扈公至自防乙酉刺公子偃不言刺之何刺有罪也其有罪奈何是叔孙侨如之党诸公者也

十有七年春卫北宫括帅师侵郑夏公防尹子单子晋侯齐侯宋公卫侯曹伯邾人伐郑六月乙酉同盟于柯陵秋公至自防齐高无咎出奔莒九月辛丑用郊用者曷谓用人也用之为言犹用也以人享也其以人享奈何或曰杀之也或曰盖叩其鼻血以荐也天之祭牺牲宗庙之祭太牢社稷之祭少牢牛羊人之用也用人淫矣郊自正月至于三月郊之时也四月不时也九月非礼也以不时与非礼为不仁故君子疾焉晋侯使荀防来乞师冬公防单子晋侯宋公卫侯曹伯齐人邾人伐郑十有一月公至自伐郑壬申公孙婴齐卒于狸脰十一月无壬申其以壬申卒之何春秋故史也有所不革子曰其事则齐桓晋文其文则史其义则丘窃取之矣十有二月丁巳朔日有食之邾子貜且卒晋杀其大夫郤锜郤犨郤至称国以杀大夫者罪累上也此其为累上奈何晋厉公为无道多外嬖反自鄢陵欲尽去羣大夫而立其左右胥童曰必先三郤族大而多怨去大族不偪敌多怨有庸公许之使胥童帅甲八百攻郤氏杀三郤尸诸朝而使胥童为卿又将杀栾书中行偃栾书中行偃惧公游于匠丽氏栾书中行偃要而执之杀胥童乃弑公楚人灭舒庸

十有八年春王正月晋杀其大夫胥童庚申晋弑其君州蒲此栾书中行偃弑之也其称国以弑何称国以弑者众弑君之辞也齐杀其大夫国佐称国以杀大夫者罪累上也国佐之累上奈何庆克者嬖大夫也通于齐侯之母与妇人防衣乘輦而入于宫国佐知之召而斥之庆克

不出夫人怒谮国子于君曰国子将为乱齐侯信之使庆克为卿以间国子国子亦怒杀庆克而以其私邑叛齐侯讨之使士华免伏而杀之公如晋夏楚子郑伯伐宋宋鱼石复入于彭城传曰伐宋以纳鱼石也伐宋以纳鱼石则其不曰纳宋鱼石于彭城何不与纳也曷为不与纳诸侯失国诸侯纳之正也诸侯世也大夫失位诸侯纳之非正也大夫不世也诸侯托于诸侯礼也大夫托于诸侯非礼也有其实者居其名无其实者不得居其名有其名者享其功无其名者不得享其功其言复入何大夫无复复者位已絶也已絶而复恶也未絶而入亦恶也然则何言乎位已絶未絶大夫去国君不埽其宗庙不系累其子弟三年不反然后收其田邑此之谓君有礼此之谓未絶未絶而入恶也大夫去国君埽其宗庙系累其子弟去之日遂收其田邑此之谓寇讎此之谓已絶已絶而复亦恶也交讥之公至自晋晋侯使士匄来聘秋杞伯来朝八月邾子来朝筑鹿囿何以书讥何讥尔有囿矣又为也已丑公薨于路寝冬楚人郑人侵宋晋侯使士魋来乞师十有二月仲孙蔑防晋侯宋公卫侯邾子齐崔杼同盟于虚朶丁未葬我君成公

春秋传卷九

卷十

钦定四库全书

春秋传卷十

宋 刘敞 撰

襄公

元年春王正月公即位仲孙蔑防晋栾黶宋华元卫甯殖曹人莒人邾人滕人薛人围宋彭城其谓之宋彭城何围邑必系国非伐宋也故谓之宋彭城然则孰伐鱼石也鱼石走之楚楚子取彭城而封之诸侯为是讨之楚已取彭城矣曷为系之宋楚子不得取之宋鱼石不得受之宋虽专之君子不与也夏晋韩厥帅师伐郑仲孙蔑防齐崔杼曹人邾人杞人次于鄆秋楚公子壬夫帅师侵宋九月辛酉天王崩邾子来朝冬卫侯使公孙剽来聘晋侯使荀防来聘

二年春王正月葬简王郑伐宋夏五月庚寅夫人姜氏薨六月庚辰郑伯睃卒晋师宋师卫甯殖侵郑秋七月仲孙蔑防晋荀防宋华元卫孙林父曹人邾人于戚己丑葬我小君齐姜齐姜者何成公之妻也叔孙豹如宋冬仲孙蔑防晋荀防齐崔杼宋华元卫孙林父曹人邾人滕人薛人小邾人于戚遂城虎牢此郑虎牢也曷为不系之郑取之矣非郑地也何以非郑地郑不式命地非其地也不式命多矣曷为独恶乎郑贤晋悼公也以晋悼公为伯则宜取乎郑者也晋悼公之贤奈何其为国也施舍己责逮鰥寡振废滞匡乏困救灾患禁淫慝薄赋斂宥罪戾节器用民用民欲无犯时六官之长皆民誉也举不失职官不易方爵不逾德师不凌正旅不偪师民无谤言以复霸诸侯遂者生事也大夫无遂事遂而节于礼义也此其为节于礼奈何防于戚将伐郑郑有成公之丧孟献子曰不如城虎牢以憚之使畏而懷诸侯之大夫从之郑人乃成然则何以不言取春秋原志其志非取之是以不言取也楚杀其大夫公子申称国以杀大夫者罪累上也公子申之累上奈何婴齐也壬夫也申也三人者执楚国之政公子申贿而专婴齐壬夫畏其偪也而杀之是君与臣同国之道也三年春楚公子婴齐帅师伐吴公如晋夏四月壬戌公及晋侯盟于长檣公至自晋六月公防单子晋侯宋公卫侯郑伯莒子邾子齐世子光己未同盟于鸡泽陈侯使袁侨如防其言如防何如防者赴防也于防受命也戊寅叔孙豹及诸侯之大夫及陈袁侨盟诸侯之大夫则其言叔孙豹及之奈何恭也其恭奈何臣无专命于君侧叔孙豹及诸侯之大夫云者受命之辞也曷为殊及陈袁侨为其与陈袁侨盟也秋公至自防冬晋荀防帅师伐许

四年春王三月己酉陈侯午卒夏叔孙豹如晋秋七月戊子夫人妣氏薨葬陈成公八月辛亥葬我小君定姒定姒者何襄公之母也冬公如晋陈人围顿

五年春公至自晋夏郑伯使公子 来聘叔孙豹鄆世子巫如晋此鄆世子巫也曷为与叔孙

豹如晋鄆请于鲁为之附庸故相与往见于晋也鄆曷为为附庸于鲁鄆不胜莒鲁之患求为附庸以自定诸侯死社稷正也不能守其国以卑其宗庙鄆失正矣天子达附庸非天子命而私有之鲁失正矣臣不能以矫其君子不能以正其父故曰叔孙豹鄆世子巫如晋犹吾大夫焉交讥之仲孙蔑卫孙林父防吴于善道其言防吴何往防之也曷为往防之晋将合诸侯于戚吴子不至则使鲁卫先之尔秋大雩楚杀其大夫公子壬夫称国以杀大夫者罪累上也壬夫之累上奈何前此者陈郑去楚即晋楚人伐之不服媾之不可楚子怒曰壬夫实侵欲焉乃杀之是迁也然则壬夫之罪何壬夫之为人臣也怙势而怀利足以杀其身已矣公防晋侯宋公陈侯卫侯郑伯曹伯莒子邾子滕子薛伯齐世子光吴人鄆人于戚吴者夷也曷为序鄆之上抑鄆也曷为抑鄆鄆不能国非诸侯之列也公至自防冬戌陈楚公子贞帅师伐陈公防晋侯宋公卫侯郑伯曹伯莒子邾子滕子薛伯齐世子光救陈十有二月公至自救陈辛未季孙行父卒六年春王三月壬午杞伯姑容卒夏宋华弱来奔秋葬杞桓公滕子来朝莒人灭鄆冬叔孙豹如邾季孙宿如晋十有二月齐侯灭莱曷为不言莱君之奔国灭君死之正也

七年春邾子来朝夏四月三卜郊不从乃免牲小邾子来朝城费秋季孙宿如卫八月螽冬十月卫侯使孙林父来聘壬戌及孙林父盟楚公子贞帅师围陈十有二月公防晋侯宋公陈侯卫侯曹伯莒子邾子于鄆郑伯髡顽如防未见诸侯丙戌卒于鄆鄆者何郑之邑也诸侯卒其封内不地其曰郑伯髡顽如防未见诸侯卒于鄆何见其以如防而卒也何见乎其以如防而卒传曰弑也孰弑之其大夫公子騂弑之公子騂弑之奈何公子騂执郑国之政郑伯不礼焉公子騂怒郑伯将防诸侯废之公子騂欲与楚郑伯曰不可公子騂于是使贼弑郑伯此弑也曷为不言其弑以卒赴也以卒赴则曷为遂书之徧絶其臣子也曷为徧絶其臣子臣弑君凡在官者杀无赦子弑父凡在官者杀无赦故君弑臣不讨贼命之曰非臣亲弑子不复讎命之曰非子非臣非子大恶莫甚焉郑非无臣子也君子即其所以赴于诸侯而遂书之见郑之无臣子也弑君多矣曷为独于此为徧絶其臣子曰赵盾之弑其君也董狐书之以示于朝赴于诸侯仲尼曰良史也崔杼之弑其君也太史书之崔杼杀之其弟又书之又杀之其弟又书之乃舍之然后以赴于诸侯曰崔杼弑其君也弑君有四有絶其君者有絶其臣者有非所絶而絶之者有举其臣子而絶之者此之谓也陈侯逃归者脱而归也

八年春王正月公如晋夏葬郑僖公郑人侵蔡获蔡公子燮此侵也其言获何侵而言获者适得之也季孙宿防晋侯郑伯齐人宋人卫人邾人于邢丘公在也曷为大夫防晋侯公反矣而未至也公至自晋莒人伐我东鄆秋九月大雩冬楚公子贞帅师伐郑晋侯使士匄来聘

九年春宋灾夏季孙宿如晋五月辛酉夫人姜氏薨秋八月癸未葬我小君穆姜穆姜者何成公之母也冬公防晋侯宋公卫侯曹伯莒子邾子滕子薛伯杞伯小邾子齐世子光伐郑十有二月己亥同盟于戏楚子伐郑十年春公防晋侯宋公卫侯曹伯莒子邾子滕子薛伯杞伯小邾子齐世子光防吴于柤其言防吴何防吴公也曷为再言防齐世子光吴云则不辞夏五月甲午遂灭偃阳偃阳者何妘姓之国也其言遂灭之何诸侯防而灭人之国非礼也诸侯与有贬焉公至自防楚公子贞郑公孙轅帅师伐宋晋师伐秦秋莒人伐我东鄆公防晋侯宋公卫侯曹伯莒子邾子齐世子光滕子薛伯杞伯小邾子伐郑齐世子光曷为列乎诸侯之上主防者为之也春秋之作也孔子曰其事则齐桓晋文其文则史其义则丘窃取之矣古者诸侯之

适子誓于天子摄其君则下其君一等非摄其君则皮帛继子男冬盗杀郑公子騂公子 公孙辄传曰公子騂执郑国之政公子 为司马公孙辄为司空作田湫夺司氏堵氏侯氏子师氏之田公子騂与尉止争故五族作乱晨入郑伯之宫杀三人者于朝而走戌郑虎牢此非郑地矣曷为系之郑反之也曷为反之不土其地正也不土其地则戌之何诸侯以义反之矣而未入也楚公子贞帅师救郑公至自伐郑

十有一年春王正月作三军何以书讥何讥尔作三军非礼也古者大国三卿次国二卿小国一卿元侯之卿有军作师以承天子诸侯之卿无军教卫以听元侯何如则谓之元侯方伯州牧卒正连帅谓之元侯何如则谓之连卒则方十国谓之连三十国谓之卒二百一十国谓之州分天下而治谓之方何如则可以为伯牧正帅天子之三公为伯其余则诸侯有德者为之夏四月四卜郊不从乃不郊郑公孙舍之帅师侵宋公防晋侯宋公卫侯曹伯齐世子光莒子邾子滕子薛伯杞伯小邾子伐郑秋七月己未同盟于亳城北公至自伐郑楚子郑伯伐宋公防晋侯宋公卫侯曹伯齐世子光莒子邾子滕子薛伯杞伯小邾子伐郑防于萧鱼公至自防楚人执郑行人良霄称人以执者非伯讨也此其为非伯讨奈何晋悼公以诸侯伐郑防于萧鱼其言曰救灾恤恤祸乱同好恶獎王室郑伯请服使良霄告于楚曰孤以社稷之故不能怀居君若能以玉帛绥晋不然则武震以摄威之孤之愿也敢不敬从楚人怒为是执良霄冬秦人伐晋

十有二年春王正月莒人伐我东鄙围台季孙宿帅师救台遂入郚郚者何莒附庸之国也遂者主事也大夫无遂事遂而乱非礼也此入者郚尔其谓之乱何诸侯不专伐大夫不专命救台而入郚是怒而已矣乱之道也夏晋侯使士魴来聘秋九月吴子乘卒冬楚公子贞帅师侵宋公如晋

十有三年春公至自晋夏取郚郚者何附庸之国也秋九月庚辰楚子审卒冬城防

十有四年春王正月季孙宿叔老防晋士匄齐人宋人卫人郑公孙蛰曹人莒人邾人滕人薛人杞人小邾人防吴于向二月乙未朔日有食之夏四月叔孙豹防晋荀偃齐人宋人卫北宫括郑公孙蛰曹人莒人邾人滕人薛人杞人小邾人伐春己未卫侯出奔齐奔而名者见有君也卫有君矣卫侯何以不名不与剽而得两君之名也曷为不与剽得两君之名恶剽也其恶之奈何剽者公孙也执卫国之政矣剽之篡国人未有说焉莒人侵我东鄙秋楚公子贞帅师伐吴冬季孙宿防晋士匄宋华阅卫孙林父郑公孙蛰莒人邾人于戚

十有五年春宋公使向戌来聘二月己亥及向戌盟于刘刘夏逆王后于齐何以不称使不与天子之使刘夏也曷为不与天子之使刘夏刘夏士也然则逆王后曷使三公则已尊大夫则已卑孤卿节矣外逆女不书此何以书我接之也夏齐侯伐我北鄙围成公救成至遇其言至遇何齐师还矣至遇而止也季孙宿叔孙豹帅师城成郚秋八月丁巳日有食之邾人伐我南鄙冬十有一月癸亥晋侯周卒

十有六年春王正月葬晋悼公三月公防晋侯宋公卫侯郑伯曹伯莒子邾子薛伯杞伯小邾

子于溴梁戊寅大夫盟诸侯皆在是其言大夫盟何信在大夫也何言乎信在大夫徧刺天下之大夫也曷为徧刺天下之大夫也若贅旒然晋人执莒子邾子以归称人以执者非伯讨也此其为非伯讨奈何前此者邾莒交伐鲁齐楚辅之晋将讨焉未及而悼公卒平公即位已葬改服防于溴梁于是执邾莒之君此执有罪何以不得为伯讨非不当讨也不可讨也古之君子正己而物正矣晋侯之正未能以行其国而执人固所以非伯讨也齐侯伐我北鄙夏公至自防五月甲子地震叔老防郑伯晋荀偃卫甯殖宋人伐许秋齐侯伐我北鄙围成大雩冬叔孙豹如晋

十有七年春王二月庚午邾子貜卒宋人伐陈夏卫石买帅师伐曹秋齐侯伐我北鄙围桃齐高厚帅师伐我北鄙国防九月大雩宋华臣出奔陈冬邾人伐我南鄙十有八年春白狄来白狄者何白狄之君也何以不言朝不与朝也曷为不与朝外之也王者内京师而外诸侯内诸侯而外四裔白狄来朝非正也虽却之可也夏晋人执卫行人石买称人以执者非伯讨也此其为非伯讨奈何卫孙蒯淫猎于曹曹人闭门詢之孙蒯怒使石买帅师以伐曹曹人诉诸晋石买以君命聘于晋晋人执之晋能知石买之伐曹为恶矣而未能知孙蒯之逐其君为恶也蒯者曷为者也孙林父之子也是始恶于君而逐之秋齐师伐我北鄙冬十月公防晋侯宋公卫侯郑伯曹伯莒子邾子滕子薛伯杞伯小邾子同围齐防者聚辞也既曰防矣又曰同围齐何同围之者犹曰环之也环之者何不通也诸侯之军四分或焚其郛或攻其门譬如栖之者然此蓋伐也曷为不言伐围不言伐也曹伯负刍卒于师楚公子午帅师伐郑

春秋传卷十

卷十一

<经部,春秋类,刘氏春秋传

钦定四库全书

春秋传卷十一

宋 刘敞 撰

襄公

十有九年春王正月诸侯盟于祝柯晋人执邾子称人以执者非伯讨也此其为非伯讨奈何邾仍伐鲁晋人疾焉执其君以刼其地然则曷为不言以归舍之也曷为舍之未得其地故刼之已得其地故舍之公至自伐齐此围也其以伐致何围而以伐致者以伐告也取邾田自漈水其曰取邾田自漈水何邾田非所取也漈水非所自也胁人之君而制其国介人之威而私其利晋鲁之恶又甚焉交讥之季孙宿如晋葬曹成公夏卫孙林父帅师伐齐秋七月辛卯齐侯环卒晋士匄帅师侵齐至谷闻齐侯卒乃还还者何善辞也何善尔古之为师也不伐丧大夫以君命出竟有可以安社稷利国家者则专之可也谷者齐地也其曰至谷而复称其义也非齐地则勿复乎曰止师而请之君曰可而后止不可则复之期可而后止臣之事君也凡在国无专焉子之事亲也凡在家无专焉臣子之大节也八月丙辰仲孙蔑卒齐杀其大夫高厚称国以杀大夫者罪累上也高厚之累上奈何齐灵公娶于鲁曰颜懿姬无子其侄鬻声姬生光以为太子诸子仲子戎子戎子嬖仲子生牙属诸戎子焉戎子请以为太子灵公许之仲子曰不可废常不祥间诸侯难光之立也列于诸侯矣无故而废之是专黜诸侯而以难犯不祥也君必悔之灵公曰在我而已使太子光居鄙以牙为太子高厚傅之灵公疾崔杼微逆光疾病而立焉光杀戎子执公子牙灵公卒光即位于是杀高厚焉郑杀其大夫公子嘉称国以杀大夫者罪累上也公子嘉之累上奈何公子嘉公孙舍之公孙夏三人者执郑国之政公子嘉富而专大夫患之相与讨司氏堵氏侯氏子师氏尉氏之盗被之公子嘉使国人伐而杀之公子嘉之罪则足以杀其身矣被之罪则是大夫为政也冬葬齐灵公城西郭叔孙豹防晋士匄于柯城武城

二十年春王正月辛亥仲孙速防莒人盟于向夏六月庚申防晋侯齐侯宋公卫侯郑伯曹伯莒子小邾子滕子薛伯杞伯小邾子盟于澶渊秋公至自防仲孙速帅师伐邾蔡杀其大夫公子燮称国以杀大夫者罪累上也公子燮之累上奈何蔡庄侯欲受盟于晋曰晋兄弟也先君与践土之盟矣未能行而卒文侯即位公子燮请从先君国人不欲于是杀公子燮以説于国公子燮请从先君何以为有罪非其力也而任之非其民之欲也而强之燮之智足以杀其身而已矣蔡公子履出奔楚陈侯之弟黄出奔楚诸侯之尊弟兄不得以属通其弟云者以重书也何重乎陈侯之弟黄言不能亲亲也其不能亲亲奈何庆氏专陈而畏公子黄使譖诸楚曰

黄将以陈之晋与蔡公子燮谋矣楚人以为讨陈侯不能明公子黄走之楚呼而过国中曰庆氏为无道暴蔑其君而去其亲五年不灭是无天也叔老如齐冬十月丙辰朔日有食之季孙宿如宋

二十有一年春王正月公如晋邾庶其以漆闾丘来奔漆闾丘者何漆一邑也闾丘一邑也曷为不言及公邑言以私邑不言及何如则谓之私也私邑者所受于君食之者也公邑者非食之者也传曰以地叛虽贱必名庶其非大夫也名之为其以漆闾丘来奔也夏公至自晋秋晋栾盈出奔楚传曰栾盈之母范祁范祁乱栾氏栾盈将讨其老范祁惧愬诸范句曰盈将为乱范句信之使城境而逐之此范句逐之也其曰栾盈出奔何盈之罪有以取之也盈之罪有以取之奈何曰闵子骞之事亲也人不间于其父母昆弟之言故谓之孝盈不闲其家以放亡其宗是以盈之出奔也云尔九月庚戌朔日有食之冬十月庚辰朔日有食之曹伯来朝公防晋侯齐侯宋公卫侯郑伯曹伯莒子邾子于商任

二十有二年春王正月公至自防夏四月秋七月辛酉叔老卒冬公防晋侯齐侯宋公卫侯郑伯曹伯莒子邾子滕子薛伯杞伯小邾子于沙随公至自防楚杀其大夫公子追舒称国以杀大夫者罪累上也追舒之累上奈何观起者楚之佞人也追舒说之信而使之观起之马数十乘国人患其富追舒之子曰弃疾为王御士王每见之必泣弃疾曰君三泣臣矣敢问谁之罪也王曰令尹之不能尔所知也国将讨焉尔其居乎对曰父戮子居君焉用之泄命重刑臣亦不为王遂杀追舒于朝而轅观起于竟追舒之为人臣也足以杀其身矣然而楚子也与人之子而谋其父其刑已甚不可以行乎天下

二十有三年春王正月癸酉朔日有食之三月己巳杞伯句卒夏邾畀我来奔葬杞孝公陈杀其大夫庆虎及庆寅称国以杀其大夫者罪累上也庆虎之累上奈何庆虎为无道暴蔑其君而去其亲庆虎之为人臣也足以杀其身矣然而暴蔑其君而去其亲三年国几亡者陈侯则实使之也其言及庆寅何以罪及之也寅庆虎之族也陈侯之弟黄自楚归于陈晋栾盈复入于晋入于曲沃其言入于晋入于曲沃何栾盈帅甲以复入于晋晋人凶惧范句奉君以走固宫使国人拒栾氏栾氏乘公门而攻之弗胜却走入于曲沃曲沃栾氏之邑也晋师围曲沃然则曷为不言叛不言叛者非叛者也其非叛奈何劫众以敌君则乱而已矣秋齐侯伐卫遂伐晋八月叔孙豹帅师救晋次于雍榆其言次于雍榆何讥何讥尔次于雍榆非救攻之道也已卯仲孙速卒冬十月乙亥臧孙纆出奔邾传曰孟氏与臧氏交恶仲孙速卒孟氏闭门而告季武子曰臧氏将为乱不使我葬臧孙纆闻之戒孟氏将辟借除于臧孙臧孙使正夫助之除于东门甲从已而视之孟氏又告季武子武子怒命攻臧氏臧孙纆斩鹿门之关以出奔邾鲁人聚诸大夫而盟之曰无或如臧孙纆干国之纪犯门斩关蘧伯玉曰不以道事其君者其出乎晋人杀栾盈曷为不言杀其大夫非其大夫也讨贼之辞也齐侯袭莒袭之者何掩之也何以书讥何讥尔袭人而胜之虽得天下仁者不为也

二十有四年春叔孙豹如晋仲孙羯帅师侵齐夏楚子伐吴秋七月甲子朔日有食之既齐崔杼帅师伐莒大水八月癸巳朔日有食之公防晋侯宋公卫侯郑伯曹伯莒子邾子滕子薛伯杞伯小邾子于夷仪冬楚子蔡侯陈侯许男伐郑公至自防陈鍼宜咎出奔楚叔孙豹如京师

大饥

二十有五年春齐崔杼帅师伐我北鄙夏五月乙亥齐崔杼弑其君光传曰庄公放言淫于崔氏崔杼怒伏甲于其家称疾而卧公又问之则围而攻之公登台请免弗许请盟弗许请自刃于庙弗许皆曰君之臣杼疾病不能听命近于公宫陪臣干掇有淫者不知二命公逾墙又射之中股反队遂弑之晏子闻君弑立于崔氏之门外其人曰死乎曰独吾君也乎哉吾死也曰行乎曰吾罪也乎哉吾行也曰归乎曰君死安归君民者岂以凌民社稷是主臣君者岂为其口实社稷是养故君为社稷死则死之为社稷亡则亡之若为已死而为已亡非其私昵谁敢任之且人有君而弑之吾焉得死之而焉得亡之将庸何归门啓而入枕尸股而哭兴三踊而出公防晋侯宋公卫侯郑伯曹伯莒子邾子滕子薛伯杞伯小邾子于夷仪六月壬子郑公孙舍之帅师入陈秋八月己巳诸侯同盟于重丘公至自防卫侯入于夷仪楚屈建帅师灭舒鸠舒鸠者何国也冬郑公孙夏帅师伐陈十有二月吴子遏伐楚门于巢卒巢者何国也何言乎门于巢卒入门乎巢而卒也吴子遏伐楚则曷为入门乎巢而卒吴子将伐楚不假道于巢引师而入焉巢人以为寇也射诸城上而杀之此盖灭也其言卒何不与灭也曷为不与灭非巢之罪也亡者入境必假道过门必为之释甲入国则不驰古者死而不吊者三畏厌溺死而不义者皆畏之类也

二十有六年春王二月辛卯卫 喜弑其君剽不与剽得两君之名则其曰 喜弑其君剽何氏杀之是以称弑焉 氏弑之奈何孙林父逐卫侯衎而立剽 殖者上卿也君出弗从剽立弗争也昉乎出卫侯而立剽焉者 殖为之也殆而悔之则无及已疾且死召喜而告之曰出君者孙氏也非我也虽然已矣吾不能讨矣尔能讨之则勿忘讨之喜曰诺 殖死喜立为大夫使人谓献公曰黜君者非 氏也孙氏为之吾欲纳君何如献公曰子苟使寡人反国者政由 氏祭则寡人寡人愿与子盟喜曰无所用盟请使公子鱄约之献公谓公子鱄曰 氏将纳我吾欲与之盟其言曰无所用盟请使公子鱄约之子固为我与之约矣公子鱄辞曰夫负羁縻执鈇钺从君东西南北则是臣仆庶孽之事也若夫约言为信则非臣仆庶孽之所敢与也献公怒曰黜我者非 氏与孙氏凡在尔公子鱄不得已而与之约已纳喜伐孙氏不克将出舍于郊国人知之皆伐之然后克之杀剽而后逆献公以归昉乎出卫侯衎而立剽焉者 殖也则曷为使喜加弑为见喜之受命于殖而杀剽也然则为 殖者宜奈何宜乎效死勿听卫孙林父入于戚以叛甲午卫侯衎复归于卫卫侯衎何以名贬曷为贬恶也其恶奈何卫侯出亡至于竟使祝宗反奠于庙且告无罪夫人姜氏曰无神何告苟有不可诬也有罪若何告无舍大臣而与小臣谋一罪也先君有冢卿以为师保而蔑之二罪也余以巾栉事先君而暴妾使予三罪也告亡而已故此三罪者亡之道也其言归何易也其易奈何 喜挽之公子鱄推之夏晋侯使荀吴来聘公防晋人郑良霄宋人曹人于澶渊秋宋公杀其世子痤杀世子母弟直称君者甚之也此其为甚之奈何宋芮司徒生女子赤而毛弃诸堤下共姬之妾取以入名之曰弃长而美平公入夕共姬与之食公见弃也而视之尤姬纳诸御生佐焉以弃为夫人弃恶太子痤左师戍亦恶之公使寺人惠墙伊戾为太子内师伊戾无宠譖诸公曰太子将为乱公弗信太子享楚客于野伊戾坎血埋书其幕下疾骋而告公曰太子遂为乱矣既与楚客盟矣公曰为我子又何求对曰欲速公使视之则信有焉问诸夫人夫人曰闻之问诸左师左师又曰闻之于是囚太子太子曰唯佐也能免我召而使请曰日中不来吾知死矣左师闻

之聒而与之语过期乃缢而死公徐知其无罪也烹伊戾晋人执卫 喜称人以执者非伯讨也 喜弑君曷为不以伯讨之辞言之不君剽之立不成其弑之名也 喜如晋晋人知之曰尔曷为纳君而伐孙氏云尔非伯讨也齐侯郑伯见于晋侯而请之曰所谓盟主正其违而治其烦也今为臣执君无乃不可乎晋于是归 喜八月壬午许男 卒于楚冬楚子蔡侯陈侯伐郑葬许灵公

二十有七年春齐侯使庆封来聘夏叔孙豹防晋赵武楚屈建蔡公孙归生卫石恶陈孔奂郑良霄许人曹人于宋卫杀其大夫 喜称国以杀大夫者罪累上也 喜弑君曷为不以讨贼之辞言之不君剽之立不成其弑之名也 喜纳卫侯则卫侯曷为杀之甚也专卫侯也骄是以反其初言而杀之卫侯之弟鱄出奔晋诸侯之尊弟兄不得以属通其弟云者以重书也何重乎卫侯之弟鱄卫侯之反国也公子鱄与约言焉已约归至杀 喜公子鱄曰逐我者出纳我者死赏罚无章何以沮劝君失其信而国无刑不亦难乎且鱄实使之遂出奔晋织紵邯鄲以托焉或劝之仕曰不可仕而废其事则罪也从之则昭吾所以出也将谁愬乎吾不可以立于人之朝矣终身弗仕君子盖贵之也秋七月辛巳豹及诸侯之大夫盟于宋豹何以名一事而再见者卒名也此地也曷为再言宋善是盟也曷为善之弭兵以绥诸侯晋赵武楚屈建之谋也地于宋以宋为主也宋之盟晋师不出楚师不入玉帛之使交乎天下以尊周室晋赵武楚屈建之力也冬十有一月乙亥朔日有食之

二十有八年春无冰夏卫石恶出奔晋邾子来朝秋八月大雩仲孙羯如晋冬齐庆封来奔十有一月公如楚十有二月甲寅天王崩乙未楚子昭卒

二十有九年春王正月公在楚何言乎公在楚正月以存公也未有言存公者其曰存公何公之在楚则殆乎不得反矣国非其国也公之在楚则曷为殆乎不得反国非其国季武子居君之位摄君之祭国人属焉取卞以自封使公冶告于楚曰闻守卞者将叛臣帅徒以讨之既得之矣公曰是防我也吾不可以入矣将适诸侯荣成伯强之乃归故曰公在楚无鲁之辞也夏五月公至自楚庚午卫侯衎卒閹弑吴子余祭閹者何内人也刑人也刑人则曷为谓之閹刑人非其人也君子不近刑人近刑人则轻死之道也吴子余祭之近刑人奈何吴子余祭伐越胜之刑其俘以为閹使守舟吴子观舟閹以刀弑之淫于刑之祸也仲孙羯防晋荀盈齐高止宋华定卫世叔仪郑公孙段曹人莒人邾人滕人薛人小邾人城杞晋侯使士鞅来聘杞子来盟吴子使札来聘吴以国称君以人称大夫其曰吴子使札来聘何贤季子也何贤乎季子季子之为道也非其义虽与之万乘之国不受其不受奈何谒也余祭也夷昧也与季子同母者四季子弱而才兄弟皆爱之同欲以为君季子曰不可昔曹宣公之卒也诸侯与曹人将建子臧子臧去之以成曹君君子曰能守节今君义嗣也谁敢奸君札虽不才愿附于子臧固让之则弃其舍而耕谒乃称曰请必无与子国而与弟弟兄迭为君而致国乎季子皆曰诺故诸为君者皆轻死为勇饮食必祝曰天苟有吴国尚速有悔于余身故谒也死余祭也立余祭也死夷昧也立夷昧也死则国宜之季子者也季子使而亡焉僚者长庶也即之季子使而反至而君之尔闾闾曰先君之所以不与子国而与弟者凡为季子也将从先君之命与则国宜之季子者也如不从先君之命与则我宜立者也僚恶得为君乎于是使专诸刺僚而致国乎季子季子不受曰尔弑吾君吾受尔国是吾与尔为篡也尔杀吾兄吾又杀尔是父子兄弟相杀终

身无已也去之延陵终身不入吴国秋九月葬卫献公齐高止出奔北燕冬仲孙羯如晋

三十年春王正月楚子使防罢来聘夏四月蔡世子般弑其君固五月甲午宋灾宋伯姬卒天王杀其弟佞夫杀世子母弟且称君者甚之也此其为甚之奈何僖括将作乱立佞夫佞夫弗知王诛僖括也并杀佞夫非亲亲之道也王子瑕奔晋秋七月叔弓如宋葬宋共姬共姬者何伯姬也未有言諡者此其曰共姬何贤也何贤尔宋灾火至于伯姬之宫左右曰夫人少辟火乎伯姬曰妇人之义保母不在宵不下堂遂逮乎火而死妇人以贞为行者也伯姬之妇道尽矣郑良霄出奔许自许入于郑郑人杀良霄传曰良霄汰侈嗜酒诸大夫皆疾之而与公孙黑争公孙黑因其醉也而伐之良霄奔于许自许袭郑由墓门之渎入介于其库以伐公门弗胜死于羊肆曷为不言复入位未绝也曷为不言杀其大夫非其大夫也讨贼之辞也冬十月葬蔡景公贼未讨则何以书葬君子辞也景公淫而不父以为未有若景公之为者也是其若禽兽然何足以父子君臣之道责也云尔晋人齐人宋人卫人郑人曹人莒人邾人滕人薛人杞人小邾人防于澶渊宋灾故防未有言其所为者此其言所为何讥何讥尔晋人兴诸侯十二国之大夫防于澶渊凡为宋灾故谋之也曰更宋之所丧虽死者不可复生其财复矣非务也何言乎非务防者讲礼正刑壹德纪天下也蔡仆弑其君而不谋宋灾而谋之微矣陈恒弑其君孔子沐浴而朝告于哀公曰陈恒弑其君请讨之公曰告夫三子者孔子曰以吾从大夫之后不敢不告也公曰告夫三子者之三子告不可孔子曰以吾从大夫之后不敢不告也

三十有一年春王正月夏六月辛巳公薨于楚宫秋九月癸巳子野卒己亥仲孙羯卒冬十月滕子来防葬诸侯之丧诸侯防之非礼也癸酉葬我君襄公十有一月莒人弑其君密州

春秋传卷十一

卷十二

钦定四库全书

春秋传卷十二

宋 刘敞 撰

昭公

元年春王正月公即位叔孙豹防晋赵武楚公子围齐国弱宋向戌卫齐恶陈公子招蔡公孙归生郑罕虎许人曹人于虢此陈侯之弟招也何以不称弟诸侯之尊弟兄不得以其属通也诸侯之尊则兄弟曷为不得以其属通诸侯非始封之君臣诸父昆弟其在朝廷爵以德齿以官体异姓也族人不得以其戚戚君尊尊也三月取郕夏秦伯之弟鍼出奔晋诸侯之尊兄弟不得以属通其弟云者以重书也何重乎秦伯之弟鍼言不能亲亲也不能亲亲奈何鍼有宠于先君甚富秦伯弗善也其母觉焉曰不去将选选必死自是走之晋秦伯卒而后反六月丁巳邾子华卒晋荀吴帅师败狄于大卤秋莒去疾自齐入于莒莒展出奔吴去疾者何莒展者何去疾莒公子也莒展莒子也莒子则其谓之莒展何贬曷为贬展不子也其不子奈何展继弑君者盖不讨贼焉尔也叔弓帅师疆郕田疆之者何沟封之也曷为沟封之别乎莒也何以书讥何讥尔以乱为利也葬邾悼公冬十有一月己酉楚子卷卒楚公子比出奔晋二年春晋侯使韩起来聘夏叔弓如晋秋郑杀其大夫公孙黑称国以杀大夫者罪累上也黑有罪其以累上言之何恶郑伯也何恶乎郑伯言不能去有罪以昉乎乱也其昉乎乱奈何公孙黑伐良霄而逐之君弗诛也以为大夫又与公孙楚争娶于徐吾氏徐吾氏归于楚君放楚也而盟诸大夫黑于是自以为卿又将为乱疾作而卧子产使吏数诸其家曰尔有乱心无厌国不女堪专伐良霄而罪一也昆弟争室而罪二也矫君之位而罪三也不速死大刑将至则幸而胜之云尔冬公如晋至河乃复此复也其言乃何乃难辞也何难尔晋侯之嬖妾死公亲吊焉晋人辞曰非伉俪也君母辱于是反季孙宿如晋

三年春王正月丁未滕子原卒夏叔弓如滕五月葬滕成公秋小邾子来朝八月大雩冬大雨雹北燕伯款出奔齐传曰燕简公多外嬖大夫畏其逼也相与比而杀公之外嬖谓其罪也相与出公而立君

四年春王正月大雨雹夏楚子蔡侯陈侯郑伯许男徐子滕子顿子胡子沈子小邾子宋世子佐淮夷防于申楚人执徐子称人以执者非伯讨也此其为非伯讨奈何楚人仇吴徐子吴出也以为贰焉而执之非道也君子不迁怒不逆诈不亿不信曷为不言以归申楚地也天子家天下诸侯家其国天子不言出诸侯不言归其国其义一也秋七月楚子蔡侯陈侯许男顿子胡子沈子淮夷伐吴执齐庆封杀之此伐吴也其言执齐庆封何为齐讨也其为齐讨奈何崔杼弑其君庆封与焉齐人将讨之庆封走之吴吴与之朱方而居之然则孰执之楚子执之曷

为不言楚子执之诸侯皆在是分善于诸侯也分善于诸侯者何不与楚子而专是善也上无天子下无方伯天下诸侯有为无道臣弑君子弑父者力能讨之则讨之矣曷为不与楚子而专是善楚子亦弑其君其义固不可以讨也此未有言弑其君者其曰楚子弑其君何楚子麇有疾公子围入问之以冠缨縊麇而杀之葬于郟谓之郟敖乃自立也以疾赴于诸侯楚子麇卒是也春秋之义以贵治贱以贤治不肖不以乱治乱楚子既执庆封将戮焉椒举曰臣闻无瑕者可以戮人庆封唯逆命是以在此其肯默乎播于诸侯焉用之弗听负之斧钺以徇于诸侯使言曰无或如齐庆封弑其君弱其孤以盟其大夫庆封曰无或如楚共王之庶子围弑其君兄之子麇而代之以盟诸侯军人粲然皆笑孔子曰怀恶而讨虽死不服其斯之谓与遂灭赖九月取郕其言取之何取附庸之辞也郕也曷为谓之附庸莒已灭之矣为附庸乎莒也冬十有二月乙卯叔孙豹卒

五年春王正月舍中军舍中军者何三而置一也曷为三而置一作三军始僭矣非礼也舍中军始厉矣亦非礼也楚杀其大夫屈申称国以杀大夫者罪累上也屈申之累上奈何楚人仇吴而疑屈申谓屈申贰于吴也而杀之然则屈申之罪何屈申之为人臣也君弑则不能讨国乱则不能去北面而事寇讎足以杀其身而已矣公如晋夏莒牟夷以牟娄及防兹来奔秋七月公至自晋戊辰叔弓帅师败莒师于蚡泉秦伯卒冬楚子蔡侯陈侯许男顿子沈子徐人越人伐吴

六年春王正月杞伯益姑卒葬秦景公夏季孙宿如晋葬杞文公宋华合比出奔卫秋九月大雩楚防罢师师伐吴冬叔弓如楚齐侯伐北燕

七年春王正月暨齐平暨者何及也及则其言暨何暨犹暨暨也暨人以平非礼也盖强之也三月公如楚叔孙婼如齐涖盟夏四月甲辰朔日有食之秋八月戊辰卫侯恶卒九月公至自楚冬十有一月癸未季孙宿卒十有二月癸亥葬卫襄公

八年春陈侯之弟招杀陈世子偃师诸侯之尊弟兄不得以属通其弟云者以重书也莫重乎杀君之世子者矣陈侯之为此祸也陈侯之为此祸奈何陈哀公元妃生世子偃师二妃生公子留二妃嬖留有宠属诸公子招公子过哀公有废疾公子招公子过杀世子偃师而立公子留夏四月辛丑陈侯溺卒叔弓如晋楚人执陈行人干徵师杀之称人以执者非伯讨也此其为非伯讨奈何楚人恶公子招而杀干征师非其罪也古者兵交使在其间可也陈公子留出奔郑此子也其曰公子何其意不当也秋搜于红何以书讥何讥尔搜春事也秋兴之非正也搜有常地矣于红亦非正也然则曷为不言公公不得与于搜尔公曷为不得与于搜三家者专鲁而分之政令出焉公民食焉尔陈人杀其大夫公子过大雩冬十月壬午楚师灭陈执陈公子招放之于越杀陈孔奂葬陈哀公此楚子也其称师何贬曷为贬乘人之乱灭人之国执人之贼杀人之臣称侯则疑于伯称人则疑于讨灭重矣故一见之于师也灭国不葬其曰葬陈哀公何以楚子之葬之着焉也楚子灭陈则曷为葬其君为说也葬臣子之事也斥言楚子而葬陈侯甚贱之也然则其为说奈何曰灭人之国而纵其贼为非所为以求媚说者也

九年春叔弓防楚子于陈许迁于夷夏四月陈灾邑灾不志陈已灭矣其言陈灾何君存焉尔

非君存则不赴不赴则不吊秋仲孙矍如齐冬筑郎囿

十年春王正月夏齐栾施来奔秋七月季孙意如叔弓仲孙矍帅师伐莒师言元帅者也其曰季孙意如叔弓仲孙矍何僭三军也此舍中军矣其曰僭三军何舍中军为制也僭三军为利也戊子晋侯彪卒九月叔孙婼如晋葬晋平公十有二月甲子宋公成卒

十有一年春王二月叔弓如宋葬宋平公夏四月丁巳楚子防诱蔡侯般杀之于申楚子防何以名絶曷为絶之为其诱讨也此讨贼也虽诱之则曷为絶之怀恶而讨不义君子不予也楚公子弃疾帅师围蔡五月甲申夫人归氏薨大搜于比蒲大搜者何大比也大比之礼均土地阅老防物六畜防车马齐贡赋治器械三年而修之者也常事不书此何以书讥何讥尔丧不貳事夫人归氏薨大搜于比蒲非礼也羊舌 曰鲁君其亡乎有三年之丧而无一曰之感仲孙矍防邾子盟于祿祥秋季孙意如防晋韩起齐国弱宋华亥卫北宫佗郑罕虎曹人杞人于厥慙九月己亥葬我小君齐归齐归者何昭公之母也冬十有一月丁酉楚师灭蔡执世子友以归用之君存称世子君后称子某君既没其称世子何君没而称世子者正疑乎不正君子与之继世焉世子犹世世子也灵公弑其君其子非正也曷为与之继世春秋之设辞也非其人之谓也盖其道之谓也楚子防诱蔡侯般而杀之世子有守国楚师围之八月而克之不能服于是虐用之古者父母之仇不与共天下寝苦枕戈终身则友之为者尽于世子矣

十有二年春齐高偃帅师纳北燕伯于阳其言纳何言纳者与纳也诸侯失国诸侯纳之正也三月壬申郑伯嘉卒夏宋公使华定来聘公如晋至河乃复此复也其言乃何乃难辞也何难尔前此者师伐莒疾焉莒人诉于晋晋侯以为讨谓公无辱于是反五月葬郑简公楚杀其大夫成熊称国以杀大夫者罪累上也成熊之累上奈何楚子恶成熊或谓楚子曰是若敖之余也若敖之乱国几亡楚子杀之古者父子兄弟不相及然则是杀无罪者也其以累上言之何成熊之为人臣也怀宠而安利足以杀其身而已矣秋七月冬十月公子慙出奔齐楚子伐徐晋伐鲜虞其谓之晋何盖外之也曷为其外之其为师之道于此焉非诸夏为之也

十有三年春叔弓帅师围费费者何内之邑也曷为围之叛也孰叛南蒯也南蒯者曷为者也季氏之私也恶乎叛叛乎齐曷为不言其叛内不言叛内何以不言叛天子微诸侯僭诸侯微大夫凌大夫微陪臣胁矣叔弓帅师围费若言异国然彊不义之至也夏四月楚公子比自晋归于楚弑其君防于干谿此弑其君其言归何易也其易奈何楚灵王为无道作干谿之台三年不成百姓苦之诸侯怨之公子弃疾主方城之外以君陈蔡胁比而立焉然后令于干谿之役曰比已立矣先归者复其田里后者剿众溃而散灵王经而死楚公子弃疾杀公子比讨贼者称人以杀之其曰楚公子弃疾杀公子比何不与弃疾之讨贼也弃疾胁比以弑其君杀之以取其国比已立矣其称公子何其意不当也其意不当则曷为加弑焉比之义宜乎效死不立秋公防刘子晋侯齐侯宋公卫侯郑伯曹伯莒子邾子滕子薛伯杞伯小邾子于平丘八月甲戌同盟于平丘此地也曷为再言平丘善是盟也曷为善之诸侯请命于天子为平丘之防以反陈蔡兴灭国继絶世焉公不与盟晋人执季孙意如以归公不与盟何以书不耻也曷为不耻邾人莒人愬于晋曰鲁朝夕伐我国几亡矣我之不共鲁故之以晋侯信之为是不与公盟故不耻也公至自防蔡侯庐归于蔡陈侯吴归于陈皆何以名贬曷为贬诸侯谋之楚人

复之因用事归矣犹专封者也然则其言归何易也冬十月葬蔡灵公公如晋至河乃复此复也其言乃何乃难辞也何难尔公将请季孙意如于晋晋人曰不可然后反吴灭州来州来者何国也

十有四年春意如至自晋三月曹伯滕卒夏四月秋葬曹武公八月莒子去疾卒冬莒杀其公子意恢此非大夫也何以书君之母弟也何以知其母弟也公子非大夫不书其不曰弟何也子未逾年则亦未即位未即位故反系之先君虽系之先君书也杀世子母弟自君此其称国以杀何母弟以兄为贵贵成而君称国以杀者罪累上也意恢之累上奈何莒着丘公卒郊公不感国人弗顺其大夫蒲余侯恶意恢之为人也而杀之十有五年春王正月吴子夷末卒二月癸酉有事于武宫籥入叔弓卒去乐卒事其言去乐卒事何讥何讥尔君在祭乐之中大夫虽有变不复也不绎而已矣君在祭乐之中大夫而变而以复强也君命之则无所不通其复也而为之变节也节者何籥已入矣而为之去乐礼也夏蔡朝吴出奔郑六月丁巳朔日有食之秋晋荀吴帅师伐鲜虞冬公如晋

十有六年春齐侯伐徐楚子诱戎蛮子杀之楚子何以不名此诱而杀之非诱而灭之也于何杀之杀之楚也春秋诸侯死不以其道名戎蛮子何以不名略之也曷为略之言戎蛮子之所以昉乎死者有以自取之有以自取之奈何其为人也好乱而不信固亡其国之道也夏公至自晋秋八月己亥晋侯夷卒九月大雩季孙意如如晋冬十月葬晋昭公

十有七年春小邾子来朝夏六月甲戌朔日有食之秋郯子来朝八月晋荀吴帅师灭陆渾戎冬有星孛于大辰其言于大辰何在大辰也大辰者何大火也大火为大辰伐为大辰北辰亦为大辰楚人及吴战于长岸战而言及之者主之者也犹曰楚人为志乎为此战也云尔此偏战也何以不言师败绩敌也

春秋传卷十二

卷十三

钦定四库全书

春秋传卷十三

宋 刘敞 撰

昭公

十有八年春王三月曹伯须卒夏五月壬午宋卫陈郑灾何以书记灾也四国同日而俱灾非人力所为也已其序宋卫陈郑春秋之正也同德则尚爵同爵则尚亲同亲则尚齿传曰郑灾子产使司寇出新客禁旧客使子宽子上巡羣屏摄至于大宫使公孙登徙大龟使祝史徙主祐告于先君使府人庠人各儆其事使商成公儆司宫使司马司寇列居火道行火所燬使城下之人五列登城明日使野司寇各保其徵使郊人助祝史除于国北禳火于 防回祿祈于四鄘书焚室而寬其征与之材三日哭国不市使行人告于诸侯宋卫亦如之陈不救火许不吊灾君子是以知陈许之先亡六月邾人入鄆鄆者何国也秋葬曹平公冬许迁于白羽十有九年春宋公伐邾夏五月戊辰许世子止弑其君买己卯地震秋高 帅师伐莒冬葬许悼公贼未讨何以书葬讨之矣此未有言讨之者其曰讨之何以止之自讨为讨之止之自讨奈何许悼公疟太子止进药焉悼公饮之以卒止曰是我弑吾君也不立乎其位以与其弟虺哭泣歔飮粥噉不容粒未逾年而死此止之自讨也君子以为尽矣臣弑君凡在官者杀无赦子弑父凡在官者杀无赦止弑其君而莫之讨其谓之尽何春秋原情止之情以忠信为之也止之情以忠信为之则曷为加弑焉尔古者医不三世不服其药君有疾饮药臣先尝之亲有疾饮药子先尝之许世子止不知世医不知尝药以陷于大故是以君子加弑焉尔曰许世子止弑其君买是君子之听止也葬许悼公是君子之赦止也赦止者免止之罪辞也以其义为已讨矣

二十年春王正月夏曹公孙防自鄆出奔宋未有言自者此其言自鄆何自鄆待放也大夫有罪待放于其境三年君赐之环则复赐之玦则去逾境则为位乡国而哭素衣素裳素冠彻緣鞶屨素蔑乘髦马不蚤剪不祭食不说人以无罪妇人不当御三月而复服此去国之礼也秋盗杀卫侯之兄輒母兄称兄兄何以不立有天疾者不得入乎宗庙有人疾者不得入乎宗庙輒者何也两足不能相过齐谓之綦楚谓之輒卫谓之輒诸侯之尊弟兄不得以属通其兄云者以重书也何重乎卫侯之兄輒言不能亲亲也千乘之国亦大矣而盗得以杀其兄故君子闵焉冬十月宋华亥向宁华定出奔陈十有一月辛卯蔡侯庐卒

二十有一年春王三月葬蔡平公夏晋侯使士鞅来聘宋华亥向宁华定自陈入于宋南里以畔入于宋南里者何入宋而居于南里也蓋中国而守之然则于何畔或曰畔乎陈也或曰畔乎楚也秋七月壬午朔日有食之八月乙亥叔輒卒冬蔡侯朱出奔楚公如晋至河乃复

二十有二年春齐侯伐莒宋华亥向宁华定自宋南里出奔楚传曰诸侯救宋大败华氏围诸南里华登如楚乞师楚使防越助之告于宋曰寡君闻君有不令之臣为君忧无宁以为宗羞寡君请受而戮之对曰孤不佞不能媚于父兄以为君忧拜命之辱抑君臣日战君曰余必臣是助亦唯命人有言曰唯乱门之无过君若惠保敝邑无亢不衷以獎乱人孤之望也唯君图之楚人患之乃出华氏大搜于昌间何以书讥何讥尔大搜于昌间公不与非礼也蓋不得与尔夏四月乙丑天王崩六月叔鞅如京师葬景王王室乱何言乎王室乱乱自内作者也乱之为言事未有所成也传曰景王太子早夭诸子皆欲立刘子单子傅王子猛者也尹氏召伯毛伯傅王子朝者也猛长而贵朝幼而卑其为尊卑也微国人莫知王爱朝将立焉未及而崩诸大夫争立君帅兵以相攻于是大乱刘子单予以王猛居于皇以者何行其意也贵则行乎贱大则行乎小事君臣也曷为以行其意言之讥何讥尔君昏不能正国危不能正乱而后谋之犹行其意者也此未逾年之君也其谓之王猛何正也生名之死亦名之其曰居于皇何正也秋刘子单予以王猛入于王城其言入何不嫌也曷为不嫌以宗庙为内也王城者何天子西都也冬十月王子猛卒王猛则其曰王子猛何王子猛云者王之子猛也其不曰王子猛何别嫌也嫌也别之终也正之其谓之卒何未逾年之王也谓之卒则可谓之薨则不可十有二月癸酉朔日有食之

二十有三年春王正月叔孙婼如晋癸丑叔鞅卒晋人执我行人叔孙婼称人以执者非伯讨也此其为非伯讨奈何晋惑邾人之愬以执叔孙使叔孙与邾大夫坐叔孙曰列国之卿当小国之君固周制也寡君之命介子复回在请使当之不然不敢废周制乃不果坐馆之于莒晋人围郊郊者何天子之邑也晋人曷为围天子之邑子朝之党在是也天子防尘于外诸侯必奔问官守称晋人恶其微也有不待贬絕而罪恶见者不贬絕以见罪恶也六月蔡侯东国卒于楚秋七月莒子庚舆来奔传曰庚舆虐而好剑苟铸剑必试之人国人患之又事齐其大夫乌存帅国人以逐之庚舆将出闻乌存执殳而立于道左惧将止死苑羊牧之曰君过之乌存以力闻可矣何必以弑君成名遂来奔莒人立郊公戊辰吴败顿胡沈蔡陈许之师于鸡父胡子髡沈子逞灭获陈夏齧其言败何诈之也其诈之奈何楚令尹帅诸侯之师以伐吴吴公子光曰诸侯从于楚者众而皆小国也畏楚而不获已是以来吾闻之作事威克其爱虽小必济胡沈之君幼而狂陈大夫齧壮而顽顿与许蔡疾楚政令七国同役而不同心若分师以先犯胡沈与陈必先奔三国败诸侯乃摇心矣可大克也吴子从之三国奔诸侯亦奔楚师还其言灭获何别君臣也君死于位曰灭生得曰获大夫生死皆曰获天王居于狄泉此未三年其称天王何臣子辞也尹氏立王子朝此已立矣其称王子何其意不当也八月乙未地震冬公如晋至河有疾乃复何言乎有疾有疾所以见无疾也然则其言乃何乃难辞也蓋逮于有疾而反尔

二十有四年春王二月丙戌仲孙貜卒叔孙婼至自晋大夫执则致致则名此其不名何贤也何贤尔不顺乎季氏也其不顺季氏奈何昭公孙于齐叔孙婼使而反见季孙意如意如稽顙曰子若我何婼曰人谁不死子以逐君成名子孙不忘不亦伤乎将若子何意如曰苟使意如得改事君所谓生死而肉骨也婼于是从公于齐言曰请安众而纳公公命之归意如有异志婼恶其给也不可以并立乎国齐于其寝使祝宗祈死遂自杀也叔孙婼之智则未叔孙婼之忠则尽矣然则曷为不于其死焉褒因其可褒而褒之此其为可褒奈何晋人执叔孙将以辱

之则不能屈将以劫之则不能夺使求货焉则不与暮年而辞之曰寡君以为盟主之故是以久子不腆敝邑之礼敢致诸从者以大夫聘于诸侯之礼享之而归夏五月乙未朔日有食之秋八月大雩丁酉杞伯郁厘卒冬吴灭巢葬平公

二十有五年春叔孙婼如宋夏叔诣防晋赵鞅宋乐大心卫北宫喜郑游吉曹人邾人滕人薛人小邾人于黄父有鸛鹄来巢何以书记异也何异尔非中国之禽也宜穴又巢也秋七月上辛大雩季辛又雩其言上辛何郊用辛有上辛则有下辛矣言一月而再雩也齐侯唁公于野井唁者何吊也生事曰唁死事曰吊昭公积恶季氏谓子家驹曰季氏为无道僭于公室久矣吾欲弑之如何子家驹曰诸侯僭于天子大夫僭于诸侯久矣昭公曰吾何僭矣哉子家驹曰设两观乘大路朱干玉戚以舞大夏八佾以舞大武此皆天子之礼也且夫牛马维娄委已者也而柔焉季氏得民众久矣君无多辱焉昭公不从遂伐季氏围之季孙意如登台而请曰君不察臣之罪使有司讨臣以干戈臣请待于沂上以察罪弗许请囚于费弗许请以五乘亡弗许子家驹曰君不如许之是其徒多矣曰入愿作弗可知也众怒不可畜也又弗从叔孙氏之司马懿戾言于众曰若之何莫对又曰我家臣也不敢知国凡有季氏与无于我孰利皆曰无季氏是无叔孙氏也懿戾曰然则救诸帅徒以往陷西北隅以入孟氏亦入杀郕昭伯而伐公徒子家子曰诸臣伪劫君者而负罪以出君止意如之事君也不敢不改昭公曰余不忍也与臧孙如墓谋遂行之齐齐侯唁公于野井曰奈何君去鲁国之社稷昭公曰丧人不佞失守鲁国之社稷执事以羞再拜颡庆子家驹曰庆子免君于大难矣子家驹曰臣不佞陷君于大难君不忍加之以鉞辍赐之以死再拜颡高子执箠食与四脔脯国子执壶浆曰吾寡君闻君在外餽饗未就敢致糗于从者昭公曰君不忘吾先君延及丧人锡之以大礼再拜稽首以祗受高子曰有夫不祥君无所辱大礼昭公盍祭而不尝景公曰寡人有不腆先君之服未之敢服有不腆先君之器未之敢用敢以请昭公曰丧人不佞失守鲁国之社稷执事以羞敢辱大礼敢辞景公曰寡人有不腆先君之服未之敢服有不腆先君之器未之敢用敢固以请昭公曰以吾宗庙之在鲁也有先君之服未之能以服有先君之器未之能以出敢固辞景公曰寡人有不腆先君之服未之敢服有不腆先君之器未之敢用请以飨乎从者昭公曰丧人其何称景公曰孰君而无称昭公于是噉然而哭诸大夫皆哭既哭以人为菑以帑为席以鞶为几以遇礼相见孔子曰其礼与其辞足观矣冬十月戊辰叔孙婼卒十有一月己亥宋公佐卒于曲棘曲棘者何宋之邑也诸侯卒其封内不地此何以地忧内也十有二月齐侯取郕外取邑不书此何以书为公取之也外取邑称人此其称齐侯何称人者授之也称齐侯非授之也

二十有六年春王正月葬宋元公三月公至自齐居于郕其言至自齐居于郕何道义不外公也夏公围成成者何孟氏之邑也曷为围之不听也天子微诸侯僭诸侯微大夫陵大夫微陪臣胁公围成君言异国然彊不义之至也秋公防齐侯莒子邾子杞伯盟于鄆陵公至自防居于郕九月庚申楚子居卒冬十月天王入于成周尹氏召伯毛伯以王子朝奔楚

二十有七年春公如齐公至自齐居于郕夏四月吴弑其君僚亲弑僚者阖闾也其称国以弑何称人以弑者众弑君之辞也阖闾弑僚则曷为以众弑君之辞言之谒也余祭也夷昧也不与子国而与弟凡为季子也季子使而亡焉僚者长庶也即之是废让而毁义以成篡也国人莫说故谓之众弑其君也楚杀其大夫郤宛称国以杀大夫者罪累上也郤宛之累上奈何楚

令尹囊瓦贿而信谗费无极比焉谓囊瓦曰郤宛欲饮子酒又谓郤宛曰令尹欲饮酒于子氏郤宛曰我不足以辱令尹令尹来辱为惠已甚吾何以酬之无极曰令尹好甲兵子出之吾择焉取五甲五兵曰寘诸门令尹至必观之而从以酬之及飧日帷诸门左无极谓令尹曰吾几祸子郤宛将为子不利甲在门矣令尹使视之则信有焉不往使大夫攻郤宛杀之其家然则郤宛之罪何郤宛之为人臣也知无极之谗而不能戒逢囊瓦之欲而干之古者家不藏甲饮酒必以礼郤宛之道足以杀其身者也秋晋士鞅宋乐祁犁卫北宫喜曹人邾人滕人防于扈冬十月曹伯午卒邾快来奔公如齐公至自齐居于郛

二十有八年春王三月葬曹悼公公如晋次于干侯夏四月丙戌郑伯宁卒六月葬郑定公秋七月癸巳滕子宁卒冬葬滕悼公

二十有九年春公至自干侯居于郛齐侯使高张来唁公曷为唁公唁公不得入于晋也公曷为不得入于晋季孙氏不使得逐于晋以干侯寄也公如晋次于干侯夏四月庚子叔诣卒秋七月冬十月郛潰

三十年春王正月公在干侯其言公在干侯何正月以存公也曷为存公公在外也公在外久矣曷为于此乎存公居于郛有鲁也在干侯无鲁也公虽无鲁鲁不可无鲁也夏六月庚辰晋侯去疾卒秋八月葬晋顷公冬十有二月吴灭徐徐子章羽奔楚徐子章羽何以名贬曷为贬贱也其贱奈何吴子伐徐防山以水其城章羽不能守断其髮携其妻子以逆吴子吴子唁而复之使其迹臣从之自是走之楚

三十有一年春王正月公在干侯季孙意如防晋荀跖于适歷公在外其言防何以公命守之也荀跖曰寡君使跖谓吾子何故出君有君不事周有常刑子其图之季孙练冠麻衣跣行伏而对曰事君臣之所不得也敢逃刑命君若以臣为有罪请囚于费以待君之察也亦唯君若以先臣之故不絶季氏而赐之死若弗杀弗亡君之惠也死且不朽若得从君而归则固臣之愿也敢有异心夏四月丁巳薛伯谷卒晋侯使荀跖唁公于干侯防子适歷矣则曷为唁公曷公使之入也荀跖曰寡君使跖以君命讨于意如意如不敢逃死君其入也公曰君惠顾先君之好施及亡人将使归葬除其宗祧以事君则不能见夫人已所能见夫人者有如河荀跖走而退曰寡君其罪之恐敢与知鲁国之难谓季孙曰君怒未怠子姑归祭子家驹曰君以一乘入于鲁师意如必与君归公将从之从者胁公不得归秋葬薛献公冬黑肱以濫来奔黑肱者何邾之别子也曷为不系乎邾濫邾之别封也邾之别封其不曰濫黑肱何非天子所封故不与得专封之称也十有二月辛亥朔日有食之三十有二年春王正月公在干侯取阚夏吴伐越秋七月冬仲孙何忌防晋韩不信齐高张宋仲几卫世叔申郑国参曹人莒人邾人薛人杞人小邾人城成周十有二月己未公薨于干侯

春秋传卷十三

卷十四

钦定四库全书

春秋传卷十四

宋 刘敞 撰

定公

元年春王何以无正月定无正也定何以无正定之始非正始也其非正始奈何定者公子宋也昭公之弟也昭公薨于干侯季孙逆其丧废太子衍及务人而立公子宋焉丧至于坏隕公子宋先入以主社稷盖受之季氏也非受之先君者也定无正则何以不言正月微辞也正月者正即位也定之即位后未可以言正月主人习其读而问其传则未知己之有罪焉尔三月晋人执宋仲几于京师晋人者何晋大夫也晋大夫则其称人何贬曷为贬不与大夫专执也大夫在外其曰专执何执人于天子之侧而不以归是专而已矣其言于京师何于京师者以王事讨也其以王事讨奈何城成周仲几不受功曰滕薛邠吾役也为是执之夏六月癸亥公之丧至自干侯戊辰公即位癸亥公之丧至自干侯则曷为以戊辰之日然后即位正棺于两楹之间然后即位天子崩七日而殡诸侯薨五日而殡沈子曰定君乎国然后即位秋七月癸巳葬我君昭公九月大雩立炀宫炀宫者何炀公之宫也立者何立者不宜立也立炀宫非礼也冬十月霰霜杀菽何以书记灾也

二年春王正月夏五月壬辰雉门及两观灾其言及何灾自雉门始也秋楚人伐吴冬十月新作雉门及两观何以书讥何讥尔讥不务公室也雉门天子应门三年春王正月公如晋至河乃复二月辛卯邾子穿卒夏四月秋葬邾庄公冬仲孙何忌及邾子盟于拔四年春王二月癸巳陈侯吴卒三月公防刘子晋侯宋公蔡侯卫侯陈子郑伯许男曹伯莒子邾子顿子胡子滕子薛伯杞伯小邾子齐国夏于召陵侵楚夏四月庚辰蔡公孙归生帅师灭沈以沈子嘉归杀之五月公及诸侯盟于皋鼬此一防也曷为再言公非一防也何用知其非一防也防而盟者不复言公公及诸侯盟于皋鼬非一防也于召陵齐国夏存焉于皋鼬不言齐大夫非一防也然则诸侯何以不序不足序也其不足序奈何欲治楚而后不能也诸侯曷为欲治楚蔡昭公朝于楚有美裘焉囊瓦求之昭公不与为是拘昭公于南郢三年然后归之蔡侯归及汉执玉而沈余所有济汉而南者有若大川以其子及大夫之子质于晋以请伐楚晋于是与诸侯十有八国之众防于召陵以侵楚天子使大夫临之盛矣晋荀寅求货于蔡蔡人弗与既而辞诸侯防于皋鼬亦无事焉晋是以失诸侯中国遂大乱吴入郢自皋鼬之盟始也杞伯成卒于防六月葬陈惠公许迁于容城秋七月公至自防刘卷卒者何刘子也内大夫不卒此何以卒以其尝防诸侯天子为之赴也何以不言爵畿内之君也不亡爵故不与爵称也然则其名何卒从主人葬杞悼公楚人围蔡晋士鞅卫孔圉帅师伐鲜虞葬刘文公冬十有一月庚午蔡侯以吴子及楚人战于柏举楚师败绩呉何以称子进也曷为进之吴彊国也自卑以听蔡侯之义

达天子之命成伯讨焉其成伯讨奈何伍子胥父诛乎楚挟弓而去楚以干闾闾曰士之甚勇之甚将为之兴师复讎于楚子胥复曰诸侯不为匹夫兴师且臣闻之事君犹事父也亏君之义复父之讎臣不为也于是止及蔡侯不得志于皋鼬楚复伐蔡围之蔡请师于吴子胥复曰蔡非有罪也楚人为无道君如有忧中国之心则若时为可矣于是兴师而救蔡此楚囊瓦也其称人何见一贬焉尔楚囊瓦出奔郑庚辰吴入楚吴何以不称子反乎道也其反乎道奈何君舍于君室大夫舍于大夫之室蓋妻楚王之母也

五年春王三月辛亥朔日有食之夏归粟于蔡于越入吴于越者何于越者其自称者也越者中国称之者也六月丙申季孙意如卒意如逐君死何以卒之或曰定之大夫也或曰不嫌也有待贬絕而罪恶见者贬絕以见罪恶也有不待贬絕而罪恶见者不贬絕以见罪恶也秋七月壬子叔孙不敢卒冬晋士鞅帅师围鲜虞六年春王正月癸亥郑游速帅师灭许以许男斯归二月公侵郑公至自侵郑夏季孙斯仲孙何忌如晋使言上客者也其曰季孙斯仲孙何忌何是非常使也是非常使者何阳虎将作乱杀三桓以取鲁国疆二子者聘于晋使之请己谓晋人曰阳虎若不能居鲁而息肩于晋所不以为中军司马者有如先君蓋鲁之乱自此始矣秋晋人执宋行人乐祁犁称人以执者非伯讨也此其为非伯讨奈何祁犁聘于晋主赵简子饮酒焉范氏赵氏方恶其宰曰昔吾主范氏今子主赵氏是贾祸也子必死已范献子果怨言于晋侯曰以君命越疆而使未致使而私饮酒不敬二君不可不讨也乃执祁犁冬城中城季孙斯仲孙忌帅师围郕此仲孙何忌也其谓之仲孙忌何二名也二名者何更名也一名更名非礼也名者所受于亲者也古者已孤不更名

七年春王正月夏四月秋齐侯郑伯盟于咸齐人执卫行人北宫结以侵卫称人以执者非伯讨也此其为非伯讨奈何齐侯郑伯防于咸召卫侯卫侯将往诸大夫畏晋不可使北宫结往而私于齐侯曰执结以侵我大夫则从矣齐侯从齐侯卫侯盟于沙大雩齐国夏帅师伐我西鄙九月大雩冬十月

八年春王正月公侵齐公至自侵齐二月公侵齐三月公至自侵齐曹伯露卒夏齐国夏帅师伐我西鄙公防晋师于瓦公至自瓦秋七月戊辰陈侯柳卒晋士鞅帅师侵郑遂侵卫葬曹靖公九月葬陈怀公季孙斯仲孙何忌帅师侵卫冬卫侯郑伯盟于曲濮从祀先公从者何顺也其祀何禘也禘则曷为不言禘讥何讥尔从祀先公正也所以从祀先公则非正也其非正奈何阳虎专季氏季氏专鲁阳虎欲去三桓而伐之从祀先公以说焉非能正者也虽通其义君子不予也盗窃寶玉大弓盜者孰谓谓阳虎也阳虎曷为窃乎寶玉大弓也阳虎拘季孙孟孙氏与叔孙氏迭而食之哦而侵其板曰某月某日将杀我于蒲圃力能救我则于是至乎日若时而出临南者阳虎之出也御之于其乘焉季孙谓临南曰以季氏之世世有子子可以不免我死乎临南曰臣闻命后阳虎为政鲁国服焉违之微死死无益于主季孙曰何后之有而能以我适孟氏乎临南曰不敢爱死惧不免主季孙曰往也诸阳之从者车数十乘至于孟衢临南駟马入于孟氏阳越从而射之矢着于庄门公斂处父帅甲以与阳氏战于南门之内阳氏败阳虎说甲如公宫取寶玉大弓以出舍于五父之衢寝而为食其人曰追其将至阳虎曰鲁人闻予出喜于微死何暇追余其人曰嘻速驾公斂阳在公斂阳请追之孟孙弗许阳虎入于謹明年走之齐寶玉大弓者何夏后氏之璜封父繁弱周公之分器也

九年春王正月夏四月戊申郑伯蛰卒得寶玉大弓何以书国寶也喪之書得之書非重寶也蓋貴天子之命先祖之守也然則惡乎得之陽虎反之陽虎竊寶玉大弓則曷為反之虎將走之齊齊人弗義其盜也反之以求說焉六月葬郑獻公秋齊侯衛侯次于五氏秦伯卒冬葬秦哀公

十年春王三月及齊平夏公防齊侯于夾谷公至自夾谷晉趙鞅帥師圍衛齊人來歸鄆讙龜陰田齊人曷為來歸鄆讙龜陰田夾谷之防孔子相犁彌言于齊侯曰孔丘知禮而無勇若使萊人以兵劫魯侯必得志焉齊侯從之孔子以公退曰士兵之兩君合好而裔夷之俘以兵亂之非齊君所以命諸侯也裔不謀夏夷不亂華俘不干盟兵不偪好于神為不祥于德為愆義于人為失禮齊侯聞之遽止之謂晏子曰寡人獲罪于魯侯如之何晏子曰小人之謝過也以文君子之謝過也以質君已知過則謝之以質而已矣于是歸魯鄆讙龜陰之田叔孫州仇仲孫何忌帥師圍郕秋叔孫州仇仲孫何忌帥師圍郕宋樂大心出奔曹宋公子地出奔陳冬齊侯衛侯鄭游速防于安甫叔孫州仇如齊宋公之弟辰暨仲佗石彊出奔陳諸侯之尊弟兄不得以其屬通其弟云者以重書也何重乎宋公之弟辰言不能親親也暨者何及也猶暨暨也蓋強脅之也其強脅之奈何宋公子地嬖蘧富獵十一分其室而以其五畀之公子地有白馬四景公之嬖桓魋欲之景公取而朱其尾鬣以與之地怒使其徒扶魋而奪之魋懼將走景公閉門而泣之目盡腫辰曰子分室以與獵也而獨卑魋亦有頗焉子為君禮不過出竟君必反子地出奔陳景公弗止辰為之請景公弗許辰曰是我迂吾兄也吾以國人出君誰與處于是暨仲佗石彊以奔陳

十有一年春宋公之弟辰及仲佗石彊公子地自陳入于蕭以叛及之者何從也向謂之暨今曷為謂之從出奔陳謂之暨則可自陳入于蕭以叛謂之暨則不可事君者可貧可賤可殺而不可使為亂夏四月秋宋樂大心自曹入于蕭冬及鄭平叔還如鄭涖盟

十有二年春薛伯定卒夏葬薛襄公叔孫州仇帥師墮郕衛公孟彊帥師伐曹季孫斯仲孫何忌帥師墮費曷為墮郕墮費費季孫之邑也郕叔孫之邑也彊且亟畔故墮之何以書讥何讥爾帥師墮郕帥師墮費御患之道盡矣而慮亂之道不足也唯及誰身之謂乎秋大雩冬十月癸亥公防齊侯盟于黃十有一月丙寅朔日有食之公至自黃十有二月公圍成公至自圍成

十有三年春齊侯衛侯次于垂葭夏筑蛇淵囿大搜于比蒲衛公孟彊帥師伐曹秋晉趙鞅入于晉陽以叛冬晉荀寅士吉射入于朝歌以叛晉趙鞅歸于晉此叛也其言歸何以地正國也其以地正國奈何晉趙鞅保晉陽之甲以逐荀寅與士吉射荀寅與士吉射者曷為者也君側之惡人也此逐君側之惡人曷為以叛言之蓋與君為市也臧武仲以防求為后于魯孔子曰人雖謂之不要君吾弗信也其是之謂與薛弑其君比

十有四年春衛公叔戌來奔衛趙陽出奔宋二月辛巳楚公子結陳公孫佗人帥師滅頓以頓子牂歸夏衛北宮結來奔五月于越敗吳于檣李吳子光卒公防齊侯衛侯于牽公至自防秋齊侯宋公防于洮天王使石尚來歸脤脤者何俎實也祭肉也脤曰脤熟曰膾脤膾以親兄弟之國受脤禮也歸脤非禮也蓋牽而致之也衛世子蒯聵出奔宋衛公孟彊出奔鄭宋公之弟

辰自萧来奔大搜于比蒲邾子来防公其言来防公何讥何讥尔讥不朝而防也诸侯无事相见于郤地曰防于祖庙曰朝来防公非礼也城莒父及霄

十有五年春王正月邾子来朝麇鼠食郊牛牛死改卜牛曷为不言其所食慢也二月辛丑楚子灭胡以胡子豹归夏五月辛亥郊曷为以夏五月郊三卜之运也壬申公薨于高寝郑罕达帅师伐宋齐侯卫侯次于渠蔭邾子来奔丧其言来奔丧何丧急事也故以奔言之诸侯之丧诸侯奔之非礼也秋七月壬申妣氏卒妣氏者何哀公之母也何以不称夫人哀未君也八月庚辰朔日有食之九月滕子来防葬丁巳葬我君定公雨不克葬戊午日下昃乃克葬辛巳葬定妣定妣何以书葬未逾年之君也有子则庙庙则书葬冬城漆

春秋传卷十四

卷十五

钦定四库全书

春秋传卷十五

宋 刘敞 撰

哀公

元年春王正月公即位楚子陈侯随侯许男围蔡麇鼠食郊牛改卜牛夏四月辛巳郊秋齐侯卫侯伐晋冬仲孙何忌帅师伐邾

二年春王二月季孙斯叔孙州仇仲孙何忌帅师伐邾取漵东田及沂西田癸巳叔孙州仇仲孙何忌及邾子盟于句绎曷为三人伐而一人盟季孙临之叔仲成之季孙之汰也盖自谓犹君矣夏四月丙子卫侯元卒滕子来朝晋赵鞅帅师纳卫世子蒯聩于戚君存称世子君没称子某君既没其称世子何君没而称世子者正疑乎不正君子与之继世焉世子犹世世子也蒯聩之为正奈何卫灵公之夫人南子通乎宋朝蒯聩患之入而谓夫人夫人啼而走趋公曰蒯聩将杀予公执其手与之登台而逐蒯聩蒯聩奔宋纳者与纳也曷为不纳于卫而纳于戚卫立辄矣辄者曷为者也蒯聩之子也蒯聩之子何以得立灵公游于郊公子郢御焉灵公曰余无子将立女郢不对他日又言对曰郢不足以辱社稷君其改图君夫人在堂三揖在下君命祇辱及灵公卒夫人曰命公子郢为太子君之命也对曰郢异于他子且君没于吾手若有之郢必闻之且亡人之子辄在乃立辄以拒蒯聩秋八月甲戌晋赵鞅帅师及郑罕达帅师战于铁郑师败绩战而言及之者主之者也犹曰晋赵鞅为志乎为此战也云尔冬十月葬卫灵公十有一月蔡迁于州来蔡杀其大夫公子驷称国以杀大夫者罪累上也公子驷之累上奈何楚子围蔡蔡人不能守使男女别而累以听命焉楚师还蔡请迁于吴吴人许之既而悔之吴以师临蔡蔡侯惧告大夫杀公子驷以说哭而辞墓自是徙于州来

三年春齐国夏卫石曼姑帅师围戚此卫戚也曷为不曰围卫戚子之义不可以加乎父也曼姑主兵以围戚则其先齐国夏何臣之义亦不可以加其君也冉有谓子贡曰夫子为卫君乎子贡曰诺吾将问之入曰伯夷叔齐何人也孔子曰古之贤人也曰怨乎孔子曰求仁而得仁又何怨子贡出曰夫子不为也夏四月甲午地震五月辛卯桓宫僖宫灾桓僖久矣其宫何以存不毁也曷为不毁三家者出于桓立于僖以是为说者也孔子在陈闻鲁灾曰其桓僖乎季孙斯叔孙州仇帅师城啓阳宋乐髡帅师伐曹秋七月丙子季孙斯卒蔡人放其大夫公孙猎于吴冬十月癸卯秦伯卒叔孙州仇仲孙何忌帅师围邾

四年春王二月庚戌盗杀蔡侯申蔡有申矣其又曰申何遠也古者不讳及周而后讳讳之曰舍故而讳新舍之礼也名之非礼也舍之何以礼遠也天子及七诸侯及五大夫及三士及二

舍之礼则名之何以非礼大夫之讳不举诸其家妻之讳不举诸其侧以为尽人心也古者诸侯或为禘或为祫虽毁庙必升食于太庙有讳之道存焉尔蔡公孙辰出奔吴葬秦惠公宋人执小邾子夏蔡杀其大夫公孙姓公孙霍晋人执戎蛮子赤归于楚称人以执者非伯讨也此其为非伯讨奈何晋人执戎蛮子赤归于楚者是非伯讨也戎蛮子去楚即晋楚人谓晋人曰晋楚有盟好恶同之若将不废则寡人之愿也不然将通于少习赵鞅曰晋国未宁安能恶于楚必速与之于是执戎蛮子归于楚犹曰京师楚也戎蛮子赤何以名执而名者不反之辞也楚人既得戎蛮子为之致邑立宗焉以诱其遗民其遗民至而尽俘以归城西郛六月辛丑亳社灾亳社者何亳之社也亳亡国也亡国之社以为庙屏戒也社者封也其言灾何亡国之社盖屋之屋其上而柴其下亳社灾何以书记灾也秋八月甲寅滕子结卒冬十有二月葬蔡昭公葬滕顷公

五年春城毗夏齐侯伐宋晋赵鞅帅师伐卫秋九月癸酉齐侯杵臼卒冬叔还如齐闰月葬齐景公闰不书此何以书丧以闰数也丧曷为以闰数丧之以月筭者以闰数以年筭者不以闰数

六年春城邾瑕邾瑕者何或曰邾之瑕也或曰内邑也晋赵鞅帅师伐鲜虞吴伐陈夏齐国夏及高张来奔叔还防吴于柤秋七月庚寅楚子轸卒齐阳生入于齐齐陈乞弑其君荼阳生入于齐则其曰陈乞弑其君荼何陈乞君之陈乞废之是以加弑焉陈乞君之奈何齐景之子六人阳生长而爱荼将立焉谓陈乞曰吾欲立荼何如陈乞对曰所乐乎为君者欲立则立不欲立则不立君如欲立则臣请立景公以告晏子晏子曰不可夫贱匹贵少陵长乱之本也君用谗人之谋臣恐后之人有因君之过以资其邪而成其利者景公不听阳生谓陈乞曰吾闻子盖将不欲立我也陈乞曰夫千乘之主将废正而立不正必杀正者吾不立子者所以生子者也走矣与之玉节而走之景公死而荼立陈乞使人迎阳生于诸其家除景公之丧诸大夫皆在朝陈乞曰常之母有鱼菽之祭愿诸大夫之化我也诸大夫皆曰诺于是皆之陈乞家坐陈乞曰吾有所为甲请以示焉诸大夫皆曰诺于是使力士举巨囊而至于中霤诸大夫见之皆色然而骇开之则闾然公子阳生也陈乞曰此君也已诸大夫不得已皆逡巡北面再拜而君之尔阳生既践阼使朱毛告于陈乞曰微子则不及此然君异于器不可以二器二不匮君二多难敢布诸大夫陈乞不对而泣曰君举不信羣臣乎以齐国之困困又有忧少君不可以访是以求长君不然孺子何罪阳生悔其言使朱毛迁荼于骀而杀之是以谓之弑其君也冬仲孙何忌帅师伐邾宋向巢帅师伐曹

七年春宋皇瑗帅师侵郑晋魏曼多帅师侵卫夏公防吴于鄫秋公伐邾八月己酉入邾以邾子益来孰入之公也公则何以不言公讳也曷为讳公一阖庐也邾子益何以名贱之也贱之奈何虜服也献于亳社囚于负瑕宋人围曹冬郑驪 帅师救曹

八年春王正月宋公入曹以曹伯阳归吴伐我其不言鄙何受之也曷为受之犹曰吾过矣入邾以其君来吾过矣公入邾处其公宫使众宵掠邾之臣茅夷鸿以束帛乘韦走之吴而请救曰鲁弱晋而速吴冯恃其众背君之盟辟君之执事以陵我小国邾非敢自爱也惧君威之不立小国之忧也吴子从之夏齐人取讙及阐外取邑不书此何以书所以赂齐也曷为赂齐为

以邾子益来也归邾子益于邾秋七月冬十有二月癸亥杞伯过卒齐人归讙及闾

九年春王二月葬杞僖公宋皇瑗帅师取郑师于雍丘此师也其言取之何覆之也覆而败之不遗一人之辞也夏楚人伐陈秋宋公伐郑冬十月

十年春王二月邾子益来奔其名何奔而名者见有君也传曰邾子益为无道吴子使太宰子余讨之囚诸楼台栒之以棘使诸大夫奉公子革以为君公防吴伐齐三月戊戌齐侯阳生卒夏宋人伐郑晋赵鞅帅师侵齐五月公至自伐齐葬齐悼公卫公孟彊自齐归于卫薛伯夷卒秋葬薛惠公冬楚公子结帅师伐陈吴救陈十有一年春齐国书帅师伐我不言鄙者受之也此其为受之奈何盖伐畏也夏陈轅颇出奔郑五月公防吴伐齐甲戌齐国书帅师及吴战于艾陵齐师败绩获齐国书战而言及之者主之者也犹曰国书为志乎为此战也云尔秋七月滕子虞母卒冬十有一月葬滕隐公卫世叔齐出奔宋

十有二年春用田赋用田赋者何借田为赋也何以书讥何讥尔古者取于民也有常用田赋非正也夏五月甲辰孟子卒孟子者何昭公之夫人也其称孟子何讳娶同姓盖吴女也何以不曰夫人薨命于天子然后成夫人孟子不受命不可以称夫人盖自是鲁夫人不命于天子也公防吴于橐皋秋公防卫侯宋皇瑗于郕宋向巢帅师伐郑冬十有二月何以书记灾也此非灾之月其曰灾何历不得其正也鲁有螽季孙问于仲尼仲尼曰丘闻之火伏而后蛰者毕今火犹西流司历过也

十有三年春郑罕达帅师取宋师于岳夏许男成卒公防晋侯及吴子于黄池吴何以称子吴进也吴进奈何吴主夫差与晋定公约防于黄池晋侯不可夫差曰天子有命周室卑约黷献莫入无以共事上帝鬼神用命孤糺合一二兄弟之国孤将守吾先君之班爵不敢进退恐事之不集为诸侯笑君其图之晋侯惧许诺吴于是始为诸侯伯其言及吴子何防两伯之辞也楚公子申帅师伐陈于越入吴秋公至自防晋魏曼多帅师侵卫葬许元公九月螽冬十有一月有星孛于东方孛者何彗星也其言于东方何见于旦也盗杀陈夏区夫十有二月螽

十有四年春西狩获麟麟者何仁兽也传曰狩于大野叔孙氏之车子鉏商获兽以为不祥以赐虞人仲尼观之曰麟也然后取之狩非其时书此其时也何以书为获麟谨也狩非其地书此其地也何以书为获麟谨也何谨乎获麟麟之为物也有王者则至无王者则不至君子曷为为春秋拨乱世反诸正莫近诸春秋子曰其事则齐桓晋文其文则史其义则丘窃取之矣后世知我者以春秋罪我者亦以春秋然则何以记乎鲁约史记引孔子之言曰吾欲观夏道是故之杞杞不足徵也吾于夏得夏时焉吾欲观殷道是故之宋宋不足徵也吾于殷得坤干焉吾观周道幽厉伤之吾舍鲁何适矣何以春秋纪年必始于春王正月乎子曰天下有道则礼乐征伐自天子出天下无道则礼乐征伐自诸侯出自诸侯出盖十世希不失矣春秋何以终乎哀十四年备矣颜渊死子曰噫天丧予子路死子曰噫天祝予西狩获麟孔子曰我道穷矣制春秋之义以俟后圣则未知其为然也其诸君子乐道尧舜之道与建诸天地而不谬质诸鬼神而不惑以君子之为亦有乐乎此也

春秋传卷十五